

1-6c  
1218



V I A  
COMPENDII  
A D D E V M

PER MOTVS ANAGOGICOS,  
& orationes jaculatorias.

LIBER ISAGOGICVS  
ad mysticam Theologiam.

Auctore D. IOANNE BONA  
Congregat. Reformata S. Bernardi Or-  
dinis Cisterc. Abbate Generali, sacra-  
rum Congregationum Rituum & Indi-  
cis Consultore.



*Ermitar.  
Camaldulsen.  
Montreuil  
prope  
Versailles*

PARISIIS,  
Apud FREDERICVM LEONARD, viâ  
Iacobzâ, sub insigne Scuti Veneti.

---

M. DC. LXII.  
CVM PRIVILEGIO REGIS.

VIA  
 COMPENDII  
 AD DEVM

PER NOTVS ANAGOGICOS  
 & orationes jaculatorias  
 LIBER ISAGOGICVS  
 ad mysticam Theologiam  
 auctore D. IOHANNIS BONAE  
 Congregat. Reformatae & Germanicae Or-  
 dinis Praecepti, Abbatis Generalis, sacra-  
 riam Congregationum Rituum & Indi-  
 ci Praecepti



PARISIIS  
 Apud THOMAM LEONARDUM, vi  
 M. DC. LXXII.  
 CVM PRIVILEGIO REGIS.

Bien. B. VII. 24



SS. DOMINO NOSTRO  
ALEXANDRO VII.  
SYMMO PONTIFICI  
IOANNES BONA F.



*Exiguum hoc mu-  
nus, BEATISS.  
PATER, pedibus  
tuis aduoluere demississi-  
ma veneratione ausus  
sum, post diuturnam flu-  
etuantis animi trepida-*


tionem. Vt enim me alliebat Sanctitatis Tua dudum nota benignitas; ita multum deterruit Augustissime dignitatis, qua proximè ad Deum accedis, veneranda Majestas. Vicit tandem incertum quid consilij caperem incomparabilis clementia Tua: nam me prorsus immerentem, & nihil tale cogitantem è celsissimi throni fastigio respicere, ad conspectum Tuum



euocare, & honoribus at-  
gere dignatus es ; ut iam  
ambigere nefas sit , quin  
eadem humanitate , qua  
me excipere voluisti , &  
hunc minimum ingenij  
mei factum prosequaris.  
Accedit argumenti San-  
ctitas , ob quam futurum  
confido , ne tibi prorsus  
displiceat hac qualiscun-  
que lucubratio. Viam  
enim describo , quam Tu  
feliciter cucurristi , quam  
è specula Apostolici cul-

*minis toti orbi Christiano  
demonstras , quam te au-  
spice arripient omnes , qui  
Diuinitatis illapsu digni  
fuerint. Et quia Isagogen  
hic trado ad Mysticam  
Theologiam , felicitatis  
meae erit , si Tuo presidio  
munita in lucem prodeat.  
Paucis siquidem nota my-  
steria à profanorum cri-  
minationibus Tua aucto-  
ritate tueberis : eisque fi-  
dem , quam imperiti ab-  
negant , Tuâ experientiâ*

*conciliabis. Deus Optimus  
Maximus diu Te seruet  
incolumem, SANCTISS.  
PATER : & Pontificium  
Tuum omni honore, &  
virtute locupletet.*



## PRÆFATIO *ad Lectorem.*

**M**Ultum luctatus sum ,  
Christiane Lector , me-  
cum cogitans, & animo voluens,  
quidnam potissimum in hoc ve-  
stibulo tecum colloquerer. Diu  
tamen cogitanti nihil occurrit,  
nisi vt plurimam tibi salutem ex  
imis sensibus optem; quæ vtinam  
per hunc Librum vera & æterna  
tibi contingat. In hoc voto sistere  
satius est , quàm te prolixa præfa-  
tione grauare : quicquid enim  
addidero quid erit? An fauores  
tuos, & laudes captem? Parce,  
ista non ambio. An tuam saltem  
beneuolentiam exquisitis verbo-



rum flosculis conciliem? Hoc non fit verbis, sed mutuis officiis, & beneficiis. An de usu & praxi huius Opusculi documenta præferibam? Congererem inutiliter, quæ infra suis locis utilius leges. An materiæ utilitatem, & præstantiam extollam? Iam ex titulo & prospectu intellexisti nihil melius fore, quàm citò ad Deum peruenire. An formam, stylum, & dicendi characterem, quod plerique solent, excusem? Neglexi hæc lenocinia, Manilij versum sequutus, [Ornari res ipsa vetat, contenta doceri.] An studium meum prædicem, & laborem, qui multus fuit? Pietati scripsi, non pompæ. An te de scopo instituti Operis præmoneam? Frustra, quia in limine primi capitis descriptus est. An aduersus maledicos, & obrectatores tuum implorem patrocinium? Non est

neceſſe, nam ſperno & fugio hoc  
genus hominum; quòd ſi non  
effugio, cauſa Dei hîc agitur, ip-  
ſe tuebitur, & iudicabit. An pro  
terminis & phraſibus myſticis  
præmittam Apologeticon? Nec  
quidquam: à vocibus enim ob-  
ſcuris abſtinui, vel ſi quas mate-  
ria exigēte intermiſcui; non mea,  
ſed rerum hæc culpa eſt, quæ  
non aliter tractari poſſunt. An  
objectiones præoccupem, qui-  
bus conuelli ſtudium meum po-  
teſt, & audacia reprehendi? Non  
admittunt hæc paginæ talem le-  
ctorem qui velit contentionibus  
deſeruire, & clareſcere inimici-  
tiis. Tum vltro ipſe fateor me  
rem ſublimem, non meâ, ſed  
alienâ experienciâ edoctum ſcri-  
piſſe; ſicut ſcriptum eſt: [Cre-  
didi propter quod locutus ſum.]  
Addo ſolatium meum eſſe de  
perfectiōe diſſerere, inſtar lan-

guentium, qui cūm vacent à fa-  
nitate, de bonis eius tacere non  
norunt. Denique generosa res  
est in altum conari. Quæ causa  
igitur mihi est, vt te sine fructu  
hîc morer? Nulla, nisi vt Deum  
ames, & ad eum properes, eius-  
que gratiam mihi concilies: ne  
in semita immobilis hæream,  
dum aliis ad metam festinanti-  
bus viam ostendo. Vale.





## ORDO , ET INDEX CAP.

**C**AP. I. *Scopus, & usus libri. Pro scriptione, & fine ad Deum oratio. Duplex via, qua itur ad Deum. Vtriusque discrimina,* pag. 1.

**C**AP. II. *Viam mysticam duplicem esse, actiuam & passiuam. Quid utraque sit. Cupienti ad apicem mysticae Theologiae peruenire omnia relinquenda,* 6.

**C**AP. III. *Mystica Theologia quid sit. Quomodo differat ab aliis scientiis. An cognita fuerit antiquis Platoniciis. Eius principium, & scopus,* 12.

**C**AP. IV. *Quae sint dispositiones ad mysticam Theologiam: Quae eius impedimenta: Qui ad ipsam discendam incapaces,*



qui magis idonei. Oratio & gratiarum actio, 18.

CAP. V. Quid sit unio mystica: Quomodo fiat: Qui eius effectus: Quid incapacibus & ignaris conferat lectio mystice Theologie: Transitus ad Aspirationes, 26.

CAP. VI. Aspirationes, motus Anagogici, orationes jaculatorie quid sint: Sententiis, & exemplis Sanctorum Patrum approbantur: De illarum prestantia, & utilitate, 34.

CAP. VII. Varia documenta pro usu & praxi Aspirationum, 47.

CAP. VIII. Qui sint fontes Aspirationum, que materia, quis ordo: De triplici statu Incipientium, Proficientium, & Perfectorum, 63.

CAP. IX. Transitus ab aspirationibus ad Contemplationem, Addita quedam de Aspiratione

*passiva: Quid sit Contemplatio:  
Eius obiectum, & causa, 74.*

**CAP. X.** *Indicantur auctores,  
qui de Contemplatione scripse-  
runt: Quotuplex ea sit: Qui  
eius gradus & status: Exempla  
diutinae probationis, & patien-  
tia in desolatione: Diuisio ani-  
mae, & potentiarum eius secun-  
dum mysticos Hymnus ad Deum,  
88.*

**CAP. XI.** *Gemitus animae peni-  
tentis pro incipientibus, 113.*

**CAP. XII.** *Pia desideria ad vsum  
Proficientium, 129.*

**CAP. XIII.** *Suspiria amantis ani-  
mae pro perfectis, 145.*

**CAP. XIV.** *Laudem virtutis in  
actione consistere: Actus diuersa-  
rum virtutum, 165.*

**CAP. XV.** *Fasciculus Aspiratio-  
num ad Iesum, ad Beatam Vir-  
ginem, ad Caelites vniuersos,  
183.*

**CAP. XVI.** *Aspirationes ex Nominibus Dei, eiusque attributis, & perfectionibus,* 193.


**CAP. XVII.** *Vitam Christi esse fontem omnium bonorum: Quomodo ex ea p̃ij affectus eliciantur,* 222.

**CAP. XVIII.** *Ex qualibet re, quæ occurrit, motus anagogicos elici posse: Scale à visibili creatura ad inuisibilem creatorem,* 246.

**CAP. XIX.** *Diarium & Syluula aspirationum pro omni actione diei, & pro qualibet occasione,* 254.

**CAP. XX.** *De Amore Dei: Quid sit Amor: Eius origo, prerogative, & proprietates. Amoris Philosophia à quibus discenda: Pesse Deum facilius amari, quam cognosci,* 291.





**CENSURA REVERENDISS. P.**

*Magistri Fratris Michaëlis de  
Alcātara Vicarij Generalis Ita-  
liae, & Sicilia, & Procuratoris  
Generalis totius Ordinis Beate  
Mariæ de Mercede Redemptio-  
nis Captiuorum Sanctæ Inqui-  
sitionis in Hispania Qualifica-  
toris, & Sacre Congregationis  
Indicis in Vrbe Consultoris.*

**I** Vssu Reuerendiss. P. Fr. Ray-  
mundi Capizucchi S. A. P.  
Magistri, Ord. Prædicatorum,  
vidi librum istum, cuius titulus  
est: *Via Compendij ad Deum*, Au-  
ctore Reuerendiss. P. D. Ioanne  
Bona de Monte regali Congreg.  
S. Bernardi, Ordinis Cisterciens-  
is Abbate Generali, ipsumque  
cum magna animi voluptate (vti-  
nam fructu) perlegi, & præter-



quam nihil in eo reperi Catholi-  
cæ nostræ Fidei, aut bonis mo-  
ribus non conforme, iudico il-  
lum spiritualis vitæ amatoribus  
vtilissimum fore, in eo enim mi-  
ro modo, ac singulari methodo  
digestum traditur quidquid in  
hac materia sparsim congestum  
est à Sanctis Patribus, & aliis ar-  
canæ huius Theologiæ professo-  
ribus, quos omnes Bonus Au-  
ctor magno studio, ac majori ex-  
perientia percurrisse videtur, vt  
de illo verificari possit quod jux-  
ta Magnum Gregorium homil 5.  
super Ezech. de perfectis viris  
post contemplationem suam re-  
deuntibus dicitur P sal. 144. *Me-  
moriæ suauitatis tuæ eruſta-  
bunt*: Eruſtat equidem, quæ dul-  
citer hausit, & sapienter docet,  
quæ vsu didicit, simulque adeò  
efficaciter mouet, ac jucundè de-  
lectat, vt quamplures profectus

ex huius Operis lectione in Dei  
obsequium sperari possint. Qua-  
re dignissimum censeo, vt typis  
mandetur, ac in lucem prodeat.  
Romæ in hoc Conuentu S. Ha-  
driani Ordinis B. Mariæ de Mer-  
cede Redemptionis Captiuorum  
die 26. Iulij 1657.

*Fr. Michaël de Alcantara.*

Imprimatur si videbitur Reue-  
rendiss. P. Mag. Sac. Pal. Ap.

*M. A. Oddus Episc. Ierap Vicesg.*

Imprimatur Fr. Raymundus Ca-  
pisuccus Magister Sacri Pala-  
tij Apostolici, Ord. Præd.




Dei  
qua-  
typis  
eat.  
Ha-  
mer-  
um

a.

ue-  
Ap.  
esg.

Ca-  
ala-

IA






V I A  
COMPENDII  
AD DEVM  
PER MOTVS ANAGOGICOS,  
& ignitas aspirationes.

---

C A P V T I.

Scopus, & vsus libri. Pro scriptione,  
& fine ad Deum Oratio. Duplex  
via, qua itur ad Deum. Vtriusque  
discrimina.

I.  I T Æ sanctioris  
viam nosse volenti-  
bus breui compen-  
dio indicare propo-  
situm mihi est, non meis, sed vere-  
rum Patrum monitis, ac documen-  
tis. Vfus erit huius Libelli, vti spero,  
non inutilis, nec iniucundus. Nam

A



## 2 VIA COMPENDII

cum plerisque longum iter ad Deum, plenumque sentibus videatur, haurient fortasse animo non modicam voluptatem, cum viam sibi facillimam, sed vulgo ignotam, proponi animaduverterint, à qua labor absit, & longitudo. Nec erit hæc via scandalum mihi docenti, & non facien-

Clem. ti: nam, vt quidam vir sapiens scri-  
Alexad. bit, *Docens aliquis plus discit, & di-*  
x. Strō. *cens sæpè vna audit cum ijs qui ipsum*  
*audiunt: vnus est enim magister &*  
*eius qui discit, & eius qui audit, qui*  
*& mentem irrigat, & rationem.* Dirigens ergo pedes aliorum in viam pacis, & ipse incipiam ab omni via mala prohibere pedes meos: & cum perfecero gressus audientium me in semitis Dei; sequar ego, & exultabo sicut gigas ad currendam viam, quæ me ad verticem montis, ad tertium cælum, ad caliginem, in qua Deus habitat, recto itinere vel pertrahat, vel perducatur.

2. Sed quia socordia depressus, & mundi huius simulacra circumferens allurgere ad eum, qui posuit tenebras latibulam suam, sine ipso

non possum; orationem præmittere par est, vt scientiarum Dominus, ductorque viæ ad supernaturalem illapsum, lumenque arcanum cor meum aperire, & mentem eleuare dignetur.

Tu Domine, qui corda nosti omnium, dirige me ad mysticorum oraculorum lucidissimum, indemonstrabile, & summum fastigium: vbi simplicia & immutabilia Theologiæ mysteria aperiuntur in caligine splendidissima silentij arcana docentis, quæ in summè tenebrosa obscuritate clarissimè superelucet, & pulcherri-  
mis splendoribus mentes oculis captas superadimplet. Hic enim est scopus, hæc meta votorum meorum ad te peruenire principium & finem meum, & optatissimum centrum animæ meæ.

3. Duplex autem est via, per quam  
itur ad Deum, vt summi viri asseue-  
rant. Vnam vocant scholasticam, &  
communem: alteram mysticam, &  
secretam. Vtraque est domus cæle-  
ste desursum descendens à Patre lu-  
minum, sed multiplex inter vtram-

Ex  
Dion.  
Areop.  
c. I.  
myst.  
Theo-  
log.

Harph.  
lib 1. p.  
2. cap.  
48. &  
lib. 2. p.  
3. cap.  
30. & p.  
5. collat.

#### 4 VIA COMPENDII

myst. que intercedit discrimen. Illa huma-  
 Theol. num studium, & inquisitionem re-  
 Victor. quirir, paucisque conuenit altiori  
 Gele- præditis literatura; hæc vbique, sem-  
 nius in per, & ab omnibus haberi potest.  
 summa. Illa speculatiua, hæc practica. Illa  
 pract. propriè in intellectu; hæc in volun-  
 myst. tate sita est. Illa exposita illusionibus,  
 Theol. superbæ, & curiositati, habet vnde  
 part. I. timeat; hæc rutò ac simpliciter am-  
 decif. I. bulat, nihil quærens præter Deum.  
 art. 3. Illa naturaliter cum phantasia & dis-  
 cursu operatur; hæc supernaturali-  
 ter cum pura & simplici intelligentia.  
 Illa à scientia acquisita; hæc à donis  
 infusis Spiritus sancti procedit. Illa  
 angusta est, limites non excedens hu-  
 manæ speculationis; hæc cor dilatat  
 ad infinita, & omnem modum natu-  
 ralis cognitionis transcendit. Illa lō-  
 ga, laboriosa, & difficilis: hæc bre-  
 uis, expedita, & facillima est. Illa ab  
 infimis incipiens, à prauorum scili-  
 cet habituum extirpatione, & tumultu-  
 antium affectionum moderatione,  
 per studium virtutum, & vitæ actiuæ  
 officia ad apicem perfectionis ascen-  
 dit: hæc admirabili circulo ab amo-

AD DEVM, CAP. I. 5

te incipiens ad amorem progreditur,  
& desinit in amore per motus ana-  
gogicos, & flammigeras aspirationes.

*Est enim amor*, vt Plato etiam co-  
gnouit, *circulus à bono in bonum per-  
petuò reuolutus* Illam alibi<sup>e</sup>, Deo du-  
ce, edocui: hanc breuiter hîc trade-  
re animus est. Sed iterum ad Deum  
preces, vt mentem, & manum diri-  
gat, & cor amore inflammet; occulta  
enim ipsius meliùs amando, quàm  
ratiocinando intelliguntur, & ex-  
plicantur.

*Spiritus superûm decus,  
Sancta siderea domus  
Aura labere cœlitus,  
Aura sacra, ter optimi  
Dia flaminis aura.*

*Spiritus radians veni,  
Terror agminis inferi,  
Efficax hominum salus,  
Aura sacra, ter optimi  
Dia flaminis aura.*

*Alma lux sapientie,  
Dulcis hospita mentium,  
Cordis ardor amabilis,  
Ima pectoris occupa  
Igne, pectus adure.*

In con-  
uiuio,  
vbi do-  
ctè &  
fuse de  
amore.  
<sup>e</sup>In mea  
ad cœ-  
lum  
Manu-  
ductio-  
ne.

Ex  
Hymno  
eleg. int.  
Vrbani  
VIII. ad  
Spiritu  
sanctû

6 VIA COMPENDII

*Fausta nuntia gaudij,  
Flamma prouuba gratia,  
Sancta lux animi veni,  
Aura sacra, ter optimi  
Dia flaminis aura.*

CAPVT II.

*Viam mysticam duplicem esse actiuam,  
& passiuam. Quid utraque sit. Cu-  
pienti ad apicem mystica Theologia  
peruenire omnia relinquenda.*

1. **O** Missâ igitur viâ Scholasticâ de  
sola mystica agendum est. Hæc,  
vt docet Dionysius Cartusianus <sup>a</sup>  
Doctor extaticus, duplex est, acti-  
ua & passiuâ. Colligitur hæc diuisio  
ex Magno Dionysio Areopagita, <sup>b</sup>  
qui ad Timotheum sic scribit. *Tu*  
*verò, care Thimothee, in mysticis con-*  
*templationibus, intenta exercitatione*  
*& sensus relinque, & intellectuâles*  
*operationes, & sensibilia, & intell gi-*  
*bilia omnia, & ea quæ sunt & quæ*  
*non sunt vniuersa, vt ad vniõnem*  
*eius, qui supra essentiam & scientiam*

<sup>a</sup> Lib.  
de fon-  
telucis.

<sup>b</sup> Myst.  
Theol.  
c. i.



AD DEVM, CAP. II. 7

est, quantum fas est, indemonstrabiliter assurgas; siquidem per liberam & absolutam, & puram cui ipse à rebus omnibus auocationem, ad supernaturalem illum caliginis diuinæ radium, detractis omnibus & à cunctis expeditus eueheris. Et alibi ita loquitur. Est item diuinissima Dei notitia, quæ per nescientiam accipitur, secundum illam. quæ supra intellectum est unionem, quando mens à rebus omnibus recedens, ac demum semetipsam deferens, de super fulgentibus radijs vnitur, quibus in illo inscrutabili sapientiæ profundo collustratur. Quibus verbis utramque viam attingit, actiuam, quæ in nostra sita est voluntate, non tamen sine diuini auxilij infuso lumine, dum monet Timotheum, vt se disponat ad unionem per omnimodam abstractionem à rebus omnibus, sensus relinquendo, quia non percipiunt quæ sunt spiritus Dei; & omnia obiecta sensibilia ac intelligibilia, principia scilicet scientiarum & ratiocinationum; & ea quæ sunt, essentias videlicet rerum immutabiles; & ea quæ non sunt, res nimirum temporales, quæ

Idem  
de diui.  
nomi-  
nib.  
cap. 7.

## 8 VIA COMPENDII

propter continuam mutationem meritò dicuntur non esse. Sic autem expedito ab omnibus impedimentis futurum pollicetur, vt ad supernaturalem diuinæ caliginis radium anagogicè sublimetur, & à Deo trahatur: quia tunc anima diuinitus rapitur, & absorberetur, quæ est via passiuæ, supponens præuiam viæ actiuæ dispositionem.

Cap  
2. de  
Ascens.

2. S. Bernardus hanc duplicem viam tendendi ad diuinam vnionem his verbis exponit. *Quidam trahuntur, qui dicere possunt; Trahe me post te. Nonnulli ducuntur, qui dicunt; Introduxit me Rex in cellam vinariam. Alij rapiuntur, sicut Apostolus raptus est ad tertium cælum. Et primi quidem felices, qui in patientia sua possident animas suas. Secundi feliciores, qui ex voluntate sua confitentur Domino. Tertijs felicissimi, qui in profundissima Dei misericordia, quasi sepulta arbitrij libertate, in diuitias gloria in spiritu ardoris rapiuntur; qui spreto ac suppresso adminiculo rerum ac sensuum, non ascensorijs gradibus, sed inopinatis, instantaneisque excessi-*

AD DEVM, CAP. II. 9

*bus feruntur in Patrem. Hæc Doctor mellifluus, qui duos priores dispositioni actiuæ deputat, tertios passiuæ. Deus itaque sublimis verba sunt excellentissimi magistri Dionysij Cartusiani, Cum uiderit mentem hominis spiritualis zelo iusticia penetra- tam, charitate flammigeram puritate ac omni virtute fulcitam, ad diuina fortiter aspirantem, mox dignantissimè, exuberantissimè, amorosè, ac frequen- tissimè ei occurrit, succurrit, coopera- tur, seque ei communicat, manifestat, infundit, eam ad se eleuat, intra se rapit, deosculatur, amplectitur, atque se ei intrendum, gustandum, fruend- um offert ac exhibet, habetque com- placentiam magnam in ea, & tanquam amicam ac sponsam apprehendit, fœ- cundat, & sibi adstringit.*

De  
fante  
lucis,  
art. 16.

3. Tunc verò animæ nostræ su-  
prema portio ad Dei receptionem  
parata erit, vt in speculo æternæ sa-  
lutis summus rerum diuinarum con-  
templator Rusbrochius admonet,  
cùm fuerit prorsus nuda, & formis  
seu imaginibus vacua, in suum sen-  
per principium intuens. Sed quia

In spe-  
ci loæ-  
ternæ  
salut.  
cap. 8.

# IO VIA COMPENDII

Itiner.  
ment.  
c. ult.

ad hoc, teste D. Bonaventura, nihil potest natura, modicum potest industria; parum dandum est inquisitioni, multum vñctioni; parum verbo & scripto, totum Dei dono. Moriamur ergo, & ingrediamur caliginem, imponamus silentium solitudinibus, concupiscentiis, & phantasmatibus: transeamus cum Christo crucifixo ex hoc mundo ad Patrem, vt eo viso dicamus cum Phi-

c Ioan.

14. 9.

dIn fine

l b. ult.

Ennead

ult.

c Serm.

2. de

Pascha.

lippo c, *Sufficit nobis. Hec est vera vita*, ait Plotinus, *d fegi solus ad solum*. Sed melius de nostris propono. *Relinque hominem, Angelum, cælum*, inquit Taulerus; & *ipsum essentiale bonum, ipsam essentialem veritatem cape nudè in se ipso, nam quicquid appueris, hoc ipsum t g t & excludit unitatem*. Platonici, quos phrasibus & verbis Dionysij Arcopagitæ sæpillimè vti S. Maximus affirmat, nihil frequentius docent, quàm nos debere omnia relinquere, vt ad Deum ascendamus. Hinc Plato in Phædone Philosophiam esse docet animi à corpore auulsionem, à corporeis scilicet affectionibus separa-

Prologo  
in  
Op. S.  
Dionysij.

AD DEVM, CAP. II. 11

tionem. Eandem veritatem cognouerunt Pythagorici, quorum vnus, cuius magisterio se subdiderat Iustinus Martyr, sic ipsum hortabatur: *An putas te percepturum quicquam ad felicitatem pertinens, nisi prius animam à rebus sensibilibus ad intelligibiles traductam reddas aptam virtuti, ipsiusque summi boni contemplationi?*

Initio  
Colloq.  
cu Titi-  
paone.

4. Hæc est vera sapientia à fonte omnium bonorum beatissima emanatione procedens, ac mentibus Sanctorum diuinitus illapsa, quâ perfusa anima, non Dei dona, sed ipsum largitorem scintillantibus affectionibus, insatiabilibus votis, vnituiis aspirationibus desiderat; & ad eum suspirat, donec obtineat. Huc suspirabat Propheta, cum dicebat, *Quis dabit mihi pennas sicut columba, & volabo, & requiescam?* Quod si quæras, vbi vera sit requies, subiungit, *Ece elongamur fugientes, & mansi in solitudine.* Verbum namque sempiternum non nisi in solitudine profertur: in ea, inquam, solitudine, vbi homo & à seipso, & ab

Psal.  
54. 7.



## 12 VIA COMPENDII

omni multiplicitate relictus, desertus & exul effectus est. Propria Sanctorum est hæc solitudo, quorum hæc sunt verba apud Tertullianum.

De  
pallio.

*Ego nihil foro, nihil campo, nihil curia debeo: nihil officio aduigilo, nulla rostra præoccupo, nulla prætoria obseruo, cancellos non adoro, subsellia non contundo, iura non conturbo, causas non elatro, non iudico, non milito, non regno. Seceſsi de populo: imò unicum negotium mihi est, nec aliud nunc curo, quàm ne curem. Erat olim ista sententia, Nemo alij nascitur, moriturus sibi. Certè ad Epicuros & Zenones ventum est: sapientes vocas totum quietis magisterium, qui eam summæ atque unica voluptatis nomine conseruauere.*

## CAPVT III.

*Mystica Theologia quid sit. Quomodo differat ab aliis scientiis. Antiqua fuerit antiquis Platoniciis. Eius principium & scopus.*

I. **H**Ac via quietis, secessus, & Abstractionis peruenitur ad

mysticam Theologiam, ad illam vi-  
 delicet indoctam sapientiam omni  
 sapientia humana superiorem, qua  
 mens Deum suum sine discursibus  
 agnoscit, & quasi contrectat, & si-  
 ne ratiocinationibus gustat. Est au-  
 tem mystica Theologia secretissima  
 mentis cum Deo locutio <sup>a</sup>. Est ani-  
 mi extensio in Deum per amoris de-  
 siderium <sup>b</sup>. Est motio anagogica in  
 Deum per purum & feruidum amo-  
 rem <sup>c</sup>. Est cœlestis quædam Dei no-  
 titia per unionem voluntatis Deo  
 adherentis elicitæ, vel lumine cœli-  
 tus immisso producta <sup>d</sup>. Est sapien-  
 tia experimentalis, Dei affectiva, di-  
 uinitus infusa, quæ mentem ab om-  
 ni inordinatione puram per actus su-  
 pernaturales fidei, spei, & charita-  
 tis cum Deo intimè coniungit <sup>e</sup>. Al-  
 ias alij definitiones tradunt, quæ  
 cum prædictis coincidunt. Res enim  
 abstrusa & difficilis, ac prorsus diui-  
 na certis finibus circumscribi nequit,  
 & Dialecticorum regulis concludi.

2. Liquit ex his Theologiam my-  
 sticam non esse propriè scientiam,  
 prout scientia est habitus acquisitus:

<sup>a</sup> Dio-  
nyf.

Cart.

super

Dio-

nyf.

m<sup>o</sup> st.

Theol.

<sup>b</sup> Io.

Ger-

son. de

myst.

Theol.

specul.

confid.

28.

<sup>c</sup> Idem

ibid.

<sup>d</sup> Ioan.

à Iesu

Ma.

myst.

Theol.

cap. 1.

<sup>e</sup> Balth.

Cor-

der.

Isag. ad

myst.

Theol.

Dio-

nyf.

Arcop.

cap. 2.

#### 14 VIA COMPENDII

sed si accipiatur pro actu, nihil aliud est quàm ipsa mentis in Deum defixio, admiratio maiestatis, suspensio animi in lumen immensum ac æternale, feruentissima, quietissima, ac transformatiua inspectio Deitatis: si verò sumatur pro habitu, realiter idem est ac præstantissimum donum Spiritus sancti, quod sapientia nuncupatur, secundum altissimum eius gradum.\*

\*Dion.

Carth.

sup.

myst.

Theol.

Dion.

nyf. q.

3. art. 5.

2. Differt à Theologia Scholastica, & symbolica, quia scholastica è caliginosis fidei orthodoxæ principiis sua deducit asserta: symbolica figuratas de Deo locutiones explanat: hæc puris quibusdam, & tranquillis obtutibus sine rationis satagentis excursibus diuinæ sapientiæ arcana dignoscit. Per scholasticam discit homo rectè vti intelligibilibus per symbolicam sensibilibus, per hanc rapitur ad supermentales excessus. Scientiæ humanæ in valle phantasiæ discuntur, hæc in apice mentis. Illæ multis egent discursibus, & erroribus subiectæ sunt: hæc vnico & simplici verbo docetur & discitur, & est

merè supernaturalis tam in substantia, quàm in modo procedendi.

3. Multa quidem de Platoniciis legimus, quæ primo aspectu persuadere videntur eos mysticæ Theologiæ non omnino expertes fuisse: Euanapius enim in vita Iamblici scribit eum aliquando decem cubitis à terra eleuatum fuisse: & Porphyrius in vita Plotini mira de ipsius contemplatione scribit: Proclus quoque in libris de Theologia Platonis, & ipse Plotinus passim, multa tradunt de mentis excessu, & de abstractione à rebus sensibilibus sapientiæ nostræ placitis haud dissentanea. Auctor item diuinæ sapientiæ secundum Ægyptios sic de seipso loquitur <sup>f</sup>: *Ego* <sup>f</sup> Au<sup>st</sup>. *Japetus in mo contemplans relictò corpore* <sup>diu.</sup> *et ipse sum perfrui summo bono cum* <sup>sap. secund.</sup> *repletiore incredibili.* Sed vt Taulerus <sup>Ægyptios</sup> obseruat <sup>lib. i. c.</sup> 8, quicquid isti fecerint vel <sup>4.</sup> *diverint*, nunquam terminos naturæ transcederunt. Magna enim & <sup>5</sup> *Serm.* subtilissima ingenia ita phantasmata <sup>2. de S</sup> extenuare potuerunt, vt species <sup>Ioan.</sup> intelligibiles, quæ inde abstrahebantur, <sup>Bap.</sup> vix cum aliqua tenui vmbra sen-

# 16 VIA COMPENDII

sibilitatis sua objecta representa-  
 rent. Quodd si acuto ipsorum in-  
 tellectui in rerum sublimium con-  
 templatione occupato phantasma-  
 ta se ingerebant, ipse intellectus se  
 altius eleuabat, & phantasmatum  
 nubes, vt ita dicam, infra se despi-  
 ciebat. Hoc autem quomodd fiat,  
 res admodum obscura est. Fromun-  
 dus Libertus, qui de hac re acutè,  
 vt solet, disputat in sua Philosophia  
 Christiana, fieri hoc autumat bene-  
 ficio cuiusdam lucis interioris, de  
 qua Valerianus Magnus, Fromundo  
 non visus, doctè sed obscurè disserit  
 duplici libello de luce mentium. Ve-  
 rùm de hac quid sentiendum sit alibi  
 nos fusius Deo fauente. Nam de Pla-  
 tonicis posterioris æui certissimum  
 est, quod Augustinus scribit, eos  
 rerum magicarum curiositate deprau-  
 atos fuissè. Antiquiores autem spi-  
 ritu superbiæ inflati, cum cognouis-  
 sent Deum, non sicut Deum glori-  
 ficauerunt, sed euauerunt in cogi-  
 tationibus suis, frigidi speculatores  
 facti, sine fide & charitate.

4. Porro mysticæ Theologiæ prin-

Philo-  
 sophiæ  
 Chri-  
 stianæ  
 de ani-  
 ma lib.  
 4. art.  
 6. &  
 seqq.

Epist.  
 56. &  
 Con-  
 fess. lib.  
 10. cap.  
 42.



eipium est ipsa essentia bonitatis, re-  
 rumque omnium causa superessen-  
 tialis Trinitas, à qua per bonitatis  
 redundantiam in nos effluxit, cum  
 inequali tamen participatione ob di-  
 uerſam hominum aptitudinem, &  
 multorum repugnantiam cum diui-  
 nis illustrationibus. Dicimus itaque  
 cum sanctissimo Dionysio, *Dei prin-*  
*cipalem beatitudinem, naturam Diui-*  
*nitatis, principium Deificationis, ex*  
*quo Deificandi deificentur, mysticam*  
*Theologiam in salutem & Deificatio-*  
*nem hominum concessisse, modo scilicet*  
*magis immateriato, & spiritaliori, non*  
*extrinsecus ad diuina mouendo, sed in-*  
*telligibiliratione atque intrinsecus pura*  
*liquidaque illustratione diuinissimam ijs*  
*voluntatem irradiando.* Et hic sco-  
 pus huius sapientiæ est erga Deum  
 & res diuinas continua dilectio, co-  
 gnitio Dei perfectissima, & simpli-  
 cis perfectionis eius diuina partici-  
 patio atque fruitio, quæ Dei con-  
 templatorem spiritali modo reficit,  
 eiusque animam modo prorsus inef-  
 fabili arctissimè cum Deo vnit, &  
 deificat. In ipso siquidem vis quæ-

Ecclef.  
 Hierar-  
 ch. c. 1.

18 VIA COMPENDII

dam superhumana reperitur, & operatio Diuinitatis, à qua mens deificanda sacris mysticis initiatur, & theodidactis mystagogijs eruditur. Sed iam videndum quomodò possit mortalis homo ad hæc sublimia & diuina mysteria proprijs actibus disponi.

---

CAPVT IV.

*Quæ sint dispositiones ad mysticam Theologiam. Quæ eius impedimenta. Qui ad ipsam discendam incapaces, qui magis idonei. Oratio, & gratiarum actio.*

1. **A**xioma certissimum est apud Scholasticos debere dispositionem eiusdem ordinis esse cum forma, ad quam disponit: quare cum suprà dictum sit mysticam Theologiam esse omnino supernaturalem, hinc euentissima consecutione deducitur præquiri ad ipsam statum quendam supernaturalem ipsi proportionatum. Neque

enim fas est, teste Dionysio, mysticis Theologis quidquam operari, quod diuinis inspirationibus vel minimum repugnet, imò nec iisdem dissentire, si diuinam appetant claritatem, & ad hanc sanctè, sicut decet, aspirent. Continua igitur in rebus omnibus mortificatione opus est, vt secum ipse non dissideat, nec diuisus sit, qui ad vnum colligi cupit. Propterea pauci sunt viri spirituales, & religiosi, qui huius mysticæ sapientiæ notitiam habeant; quia, vt optimè obseruat Iacobus Aluarez, paucissimi sunt, qui se ipsos fortiter abnegent, & perfectè mortificent.

Cap. 1.  
caelestis  
Hierar.

Tom.  
2. devi-  
ta Spi-  
rit. lib.  
2. part.  
1. c. 11.

Actus deinde supernaturales præ-  
requiruntur fidei, spei, & charita-  
tis, quibus mens immediatè Deum  
attingit: & fides quidem intellectum,  
spes memoriam, charitas volunta-  
tem mysticè perficit & informat, vti  
pulchrè ac diffusè exponit Ven. Pa-  
ter Ioannes à Cruce in suis diuinissi-  
mis libris de Ascensu montis Carmeli,  
de Nocte obscura, & de Viua a-  
moris flamma. His accedat necesse

16 VIA COMPENDII

est magnum, feruens, & infatiabile desiderium assequendæ perfectionis, sicut dicit sapiens, *Hanc amavi & exquisivi a iuventute mea, & quasi sponsam mihi eam assumere, & amator factus sum formæ illius Absque d. b. o enim*, ait Richardus, *sine ingenti exercitio. sine frequenti studio, sine ardenti desiderio ad perfectam scientiam huius altitudinem mens non subleuatur.*

Sap. 8.  
2.

De-  
præpa-  
rat. ad  
con-  
temp.  
cap. 79.

\*Epist.  
29.

2. Ioannes Taulerus \* rerum mysticarum expertissimus sex homini obseruanda præscribit, vt ad culmen perfectionis pertingat; tria quo ad exteriora; totidem quo ad interiora: nempe vt vestes, & omnia exteriora illius simplicia sint, quibus nemini placere appetat, nisi Deo: vt verba illius sint succincta, necessaria, simplicia, & de rebus diuinis: vt in omni eius externa actione nihil appareat, quod possit offendere intuentes. Deinde quo ad interna necessarium est vt illius cogitationes sint puræ, & cœlestes: vt Deum solum purissima intentione quærat: vt quicquid illi eueniat, im-

perturbabilem animi pacem retineat. Antonius Monelia Ordinis Minorum, vir magnus inter Mysticos, sed ferè incognitus, sex esse causas docet, quibus ligatur anima, ne ad mysticam Theologiam ascendat. Prima est negligentia circa spiritualia, quia homo non vult se exercere & mortificare: secunda, euagatio sensuum: tertia, curiositas intellectus circa scientias: quarta inordinatus amor erga temporalia: quinta, impuritas in operationibus: sexta, occupatio circa exteriora. S. Bernardus quatuor enumerat huius ascensus impedimenta his verbis: *in hoc arcanum, in hoc sanctuarium Dei, si quem fortè vestrum aliqua hora sic rapi & sic abscondi contigerit, ut minimè auocet, aut perturbet vel sensus egens, vel cura pungens, vel culpa mordens, vel ea certè qua difficilius amouentur irruentia imaginum corporearum phantasmata; poterit quidem hic, cū ad nos redierit gloriari & dicere: Introduxit me Rex in cubiculum suum.* Est autem sensus egens nimis exigens sensualitas, quæ inor-

In  
myst.  
Theol.  
Dionys.  
c.  
1.

Serm.  
23. in  
Cant.



## 22 VIA COMPENDII

dinaris affectuū moribus nos exagitat: cura pungens, rerum temporalium sollicitudo: culpa mordens, praua conscientiae stimulus: irruentia denique phantasmata sunt rerum sensibilibum, & corporearum imagines, quas vocat Augustinus animae nostrae plagas per sensus inflictas. Hæc omnia abdicanda, & extirpanda prorsus sunt, vt Deum inueniamus. *Quamdiu enim*, ait Richardus, *consolationem ab aliqua creatura accipimus, nondum dilectum perfecte tenemus.* Quando autem tales fuerimus, vt nihil prorsus terrenorum nos delectet, eodem momento, eodem puncto temporis videbimus quod cupimus, vt promittit Augustinus. \*

Epist.  
72.

Lib.  
4. de  
con-  
templ.  
cap. 16.

\* Lib.

1. Soliloq. de cognit. Dei & animæ c. 14.  
\* Cap. 1. myst. Theol.

3. Cū tot igitur dispositiones ad mysticam Theologiam sint necessariae, libet hīc veteri ritu proclamare: Procul hinc, procul este prophani. Nam & Dionysius\* monet Timotheum, vt caueat, ne quis eorum hæc audiat mysteria, qui rebus adhærescunt, & nihil ultra naturalia supernaturaliter esse imaginan-

AD DEVM, CAP. V. 23

tur: qui materialibus rebus immer-  
si nondum per studium mortifica-  
tionis, & exercitium virtutum ani-  
mi candorem acquisierunt: qui am-  
bulantes in mirabilibus super se ar-  
cana Dei sua cognitione se posse per-  
cipere arbitrantur. His meritò oc-  
cinimus cum Christiano Poëta.

*En adest Deus, impios  
Hinc procul procul arceo.  
Inuisum superis genus,  
Hinc abite profani.  
Fumus ut fugit, obuijs  
Cera cedit vtrignibus:  
Sic, intrante Deo, procul  
Hinc abite profani.*

Franc.  
Mont-  
moren-  
cius in  
para-  
phrasi  
psal. 67.

Ceterùm hæc sapientia citiùs ac su-  
blimiùs Idiotis simplicibus, qui nihil  
aliud quàm salutem in timore & tre-  
more curant, quàm magnis & erudi-  
tis Theologis conferri solet, nisi &  
ipsi toto mētis affectu studeāt humi-  
litati. Ita scribit vir eximius Bartho-  
lomæus de Martyribus Bracharensis  
Archiepiscopus<sup>a</sup>. Et Bernardus de  
hac re sermonem habens sic exclam-  
a Com-  
pend.  
doct.  
Spirit.  
P. 2. c.  
13. §. 3.

## 24 VIA COMPENDII

b Serm.  
 85. in  
 Cant.  
 c De  
 proces-  
 su Re-  
 lig.  
 Gerson  
 de  
 myst.  
 Theol.  
 Gelen.  
 in praxi  
 myst.  
 Theol.  
 p. 1. de-  
 cif. 1.  
 art. 5.  
 & dec.  
 10. art.  
 2  
 Bar-  
 banf.  
 in se-  
 mitis  
 occult.  
 diuini  
 amor.  
 Suarez  
 10. 2. de  
 Relig.  
 lib. 2.  
 de orat.  
 c. 10.

*b. O quisquis curiosus es, scire quid sit hoc Verbo frui, parailli non aurem, sed mentem: non docet hoc lingua, sed gratia absconditur à sapientibus & prudentibus, & reuelatur paruulis.* Similia docent alij plures sapientissimi viri c Bonauentura, Gerson, Victor Gelenius, Constantinus de Barbanfon, Franciscus Suarez. Atque idem confirmant scriptis suis, & exemplo sanctæ ac Theodidactæ mulieres, tres Catharinæ Senensis, Genuensis, & Bononiensis; Angela de Fulgineo, Gertruda, Mechtildis, Brigida, Baptista Vernatia, Tereisia à Iesu, & aliæ plures.

4. Ita nimirū, æterne Deus, rex cæli & terræ, ita fuit placitum ante te. Tu enim superbis resistis, & humilibus das gratiam, & cum simplicibus sermocinatio tua. Confiteor tibi, Domine, quia abscondisti hæc à sapientibus, & prudentibus, & reuelasti ea paruulis. Non sic illuxisti inflatis cordibus sapientum huius seculi, sicut lucet in mente paruulorum, & humilium humum deseretium. Verè tu es Deus absconditus, & lucem habitas

AD DEVM, CAP. V. 25

habitas inaccessibilem: sed lucem tuā  
copiosè illis & amanter communi-  
cas, qui Iesum crucifixum corde &  
corpore exprimentes animam ex-  
purgarunt ab omni labe ac sorde vo-  
luptatum. Penetraſti animam illo-  
rum profundius & vitalius quàm so-  
leas, cùm solam mentem ignotus ir-  
radias, ieiuna voluntate. Penetra-  
ſti intimè, & intelligibili tui conta-  
ctu experti sunt quàm suauiter mul-  
ces, & mirabiliter imples hanc im-  
mensam mentis nostræ capacitatem.  
Tum ex abundantia cordis cructa-  
runt verba, verba utique bona, dul-  
ciora super mel & fauum; ex qui-  
bus didici veram sapientiam, quæ  
non reperitur in siccis, & insulsis li-  
bris inanium Philosophorum, qui  
narrant mihi fabulationes, sed non  
ut lex tua. Ita, Pater, quoniam sic  
fuit placitum ante te.



## CAPVT V.

*Quid sit vnio mystica. Quomodo fiat.  
Qui eius effectus. Quid incapaci-  
bus, & ignaris conferat lectio my-  
stica Theologia. Transitus ad Aspi-  
rationes.*

I. **E**O tendunt omnia, quæ de  
mystica Theologia scribun-  
tur, vt animam perducant ad inti-  
mam cum Deo vnionem, in qua me-  
dulla huius sapientiæ, & summum  
eius arcanum consistit. Non est au-  
tem hæc vnio localis, siue præsen-  
tiæ, qua Deus vbique est, nihil se  
vacuum relinquens propter suam  
immensitatem. Non est vnio per  
gratiam sanctificantem, quâ anima  
à peccatis emaculata in Dei amicitia  
restituitur, fitque diuinæ consors  
naturæ. Non est vnio per charita-  
tem, de qua scriptum est, *Qui ma-  
net in charitate in Deo manet, & Deus  
in eo.* Prima enim harum vnionum  
conuenit etiam rebus inanimatis.

Ioan.  
4. 16.

Secunda omnium iustorum est, & puerorum ante vsum rationis; fiuntque istæ in substantia animæ: Tertia communis est omnibus probis, qui Deum quidem ardentissimè diligunt, sed dono contemplationis, & mystica vnione carent. Est igitur alia vnio felicissima & arcana, inexpertis imperuia, & difficilis explicatu, quæ fit in potentijs animæ, in intellectu scilicet & voluntate; istæ enim Deum attingunt, & illi coniunguntur actionibus proprijs vitalibus: atque in ista vnione summa felicitas vitæ hujus consistit, & quædam futuræ gloriæ prægustatio.

De hac vnione non est meæ imbecillitatis fusiùs disserere: immundis enim & impuris diuina attingere nefas. Legat qui dignus fuerit vberissimè de illa differentem virum doctissimum, & quasi alterum Hierotheû diuina patientem, Thomam à Iesu, qui sanctorum Patrum de ea, omniumque Mysticorum doctrinam affert, multa addens ex propria experientia.

Lib. 4.  
de diuina ora.  
per totum.

2. In hac vnione clarissima luce sa-



pientiae perfusus intellectus Deum respicit, ut quoddam totum, in quo est omne bonum, ita ut ab eo in aliud diuertere nequeat: voluntas autem ardentissimo amore constringitur, qui instar ignis erumpens omnia quodammodo absumit, ita ut anima iam in se non viuat, neque actionibus naturalibus intendat, sed toto affectu in eum transeat, cui ardentissimo amplexu coniungitur. Ambae verò potentiae in vastissimam Diuinitatis solitudinem, ut ita dicam, introducuntur; ubi Pater cunctis imaginibus nudans intellectum supra rationem nos euehit; Filius verò vacuum intellectum infinita claritate perfundit: sanctus autem Spiritus immenso ardore inflammans voluntatem omnes affectus nostros secum conglutinat; quia nimirum id quod mortale in nobis est à vita immortalis absorbetur. Hic dicit anima, *Bonum est nos hic esse*: hic introducit in cellam vinariam, ubi læta bibit sobriam ebrietatem spiritus: hic canit epithalamium dicens, ° *Dilectus meus mihi, & ego illi. Vivo ego iam*

° Contr.

2. 16.

1 Galat.

2. 2. 2.

*non ego, viuit verò in me Christus.* Defluit hîc amans anima, deficitque à seipsa, & velut ad nihilum redacta in abyssum æterni amoris collabitur: vbi sibi mortua viuit in Deo, nihil sciens, nihil sentiens præter amorem. Perdit enim se in diuina caligine, sed sic se perdere inuenire est.

3. O sanctam illam animam, quæ à Deo singulariter visitata, & supra omnia creata, supraque omnem operationem eleuata, mediante mystica vnione in Deum transformatur! Quam benè illi conueniunt verba illa sapientis, *Venerunt mihi omnia bona pariter cum illa?* Cum enim felicissima vnio sit amplexus, & degustatio summi boni; omnia bona ab ipsa, quasi riuuli à fonte, in animam deriuantur. ¶ Hinc decor, & pulchritudo, & Spiritus sancti charismata, quibus mirabiliter exornatur. Hinc splendor lucis, & præfulgida illustratio, ardorque amoris, & suauitas ineffabilis. Hinc contemptus rerum omnium terrenarum, & insatiabile cœlestium desiderium. Hinc perfecta Christi imitatio, & ex redundantia

Sap. 7.  
11.

¶ De his  
fuit  
Har-  
phius,  
Ruf-  
bro-  
chius,  
Car-  
thusia-  
nus,  
Blosius  
& alij  
Mysti-  
ci.

spiritus exultatio sensuum, & corporis admirabilis transmutatio. Hinc animæ annihilatio coram Deo, & mystica mors: hinc feruor, languor, liquefactio, ebrietas spiritualis, silentium internum, osculum Verbi, ecstasis, raptus, suspensio, & alia multa, quæ libens prætermitto, quia de his sola vnctio illos docet, qui digni sunt experiri.

In Ti-  
maeo.

4. Altissima quidem sunt hæc mysteria, & supra communem hominum captum, sed vt optimè ait Plato, *De rebus diuinis credendum est simpliciter Dei, etiam si nullas afferant rationes.* Res sublimes & arcanas, quod sibi notæ non sint, quasi falsas aspernari; fidemque abnegare spectatissimæ probitatis viris, cum de diuinis perceptionibus ex propria loquuntur experientia, stultorum est, & impiorum. Nec ideo inutiles æstimandi sunt, aut prorsus abiiciendi Mysticorum libri, quod sublimia tractent, & mirabilia super nos; nam hoc saltem ex illis discimus, quàm longè adhuc versemur à culmine Christianæ perfectionis, nondum

digni qui cum Moyse in caliginem ingrediamur. Narrat Guilielmus Abbas Sancti Theodorici, sibi infirmo in Monasterio Clareuallensi Bernardum etiam infirmum moraliter exposuisse Canticum Canticorum: [ In quo, *inquit*, cum benignè & sine inuidia exponeret mihi, & communicaret sententias intelligentiæ, & sensus experientię suæ, & multa docere niteretur inexpertum, quæ non nisi experiendo discuntur; & si intelligere non poteram adhuc quæ apponebantur mihi, plus tamen solito intelligere me faciebat, quid ad ea intelligenda deesset mihi. ]

In vita  
S. Bernardi  
lib. 1.  
c. 12.

5. Hic sisto. Voces enim audio plenas querelarum, quibus à legentibus interpellor. Et ubi, inquit, via compendij ad Deum, quam te initio hujus Tractatus ostensurum promissisti? Hactenus de mystica Theologia, & de vnione cum Deo disseruisti, opus proponens difficilimum, iter arduum, & altissimum fastigium humanis viribus inaccessi-

Psal.  
138. 6.

bile. Vnde meritò illud Psalmographi quisque nostrū vsurpare potest: *Mirabilis facta est scientia tua ex me, & non potero ad eam* Quomodò enim terrenus homo terram despiciere poterit, cœlum conscendere, Angelorum choros transcendere, ad Dei solum accedere, quicquid est humanum exuere, Deo intimè vniri? Libenter quidem ista legimus, & audimus; sed tam arduo operi nos accingere, humana fragilitate vires denegante, non audemus. Rectè ista; si sola hominum imbecillitas attendatur: malè, si diuinæ gratiæ efficaciam adjuuantem respiciamus. Adest hæc omnibus, qui à Deo præuerti iter ad ipsum aggrediuntur. Aderit & mihi viam docenti, datamque fidem liberanti.

6. Dico igitur viam compendij ad Deum, ad culmen mysticæ Theologiæ, ad intimam cum Verbo vnionem esse motus Anagogicos, & exercitium Aspirationum. Testes hujus dicti afferro omni exceptione majores. Primus est Ioannes à Iesu Maria Carmelita excalceatus, qui ita

scribit : [ Concors omnium, quos legerim, sententia est, ad altissimam Dei cognitionem & sensum, siue experimentum, aspirationum exercitio ita animam erigi, vt si hoc Angelicum exercitium miris laudibus celebratum, cæteris omnibus antepositum frequentet, plurimum proficiat. Habet enim tam egregiam vim extimulandi, & diuinis flammis vrendi, vt hoc vnum idoneis circumstantijs septum, & studio virtutum armatum, ad summam christianæ vitæ perfectionem & puritatem corda nostra perducatur. Quamuis enim dona Dei sint vnio, raptus, fruitio, reuelatio, & illa indulgentissimi Dei interna blandimenta, & solis conatibus nostris, quantumuis nervosis, illa non producamus; at certè animæ sese idoneè ad eas nuptias ornanti & comparanti munificentius, quàm cogitare valeat, indulgentur. ] Hæc Ioannes, cui alterum adjungo ejusdem instituti Thomam à Iesu. [ Si Sanctorū Patrum, inquit, aliorumque Mysticorum, qui hanc

Mystr.  
Theol.  
cap. 9.

De di.  
vina  
ciuit.  
lib. 4.  
cap. 10.



### 34. VIA COMPENDII

<sup>s</sup> Cap. viam experti sunt, sententiæ cre-  
<sup>3.</sup> myst. dendum est, nullam compendio-  
 Theol. siorem viam, nullumve alium in  
 ipsi as- Dei assurgendi modum faciliorem  
 criptæ, ac nobiliorem eo inuenies, quem  
 quæ est sapien-  
 Hen- tiam vnitiuam, siue amorem  
 ci de vnitiuum Mystici appellant, qui  
 Palma. in motibus anagogicis siue aspira-  
 t. Myst. tionibus, quibus cor enititur ad  
 Theol. Deum assurgere, ac illi auidissi-  
 lib. 2. mē adherere, consistit. ] Possem  
 initio paginas latē implere aliorum testi-  
 P. 5. monijs hanc veritatem confirman-  
 u In tium, præsertim Bonauenturæ<sup>s</sup>, Hen-  
 myst. ricī Harphij<sup>t</sup>, Ioannis Gersonis<sup>u</sup>,  
 Theol. Dionisij Cartusiani<sup>x</sup>, Constantini  
<sup>x</sup> Lib. de fon- de Barbanson<sup>y</sup>; sed pro indicta mi-  
 te lucis. hi breuitate duo proposita sufficient.  
<sup>y</sup> In se-  
 mit. oc-  
 cult. p.

1. cap.

5. & p.

2. c. 3.

Lanf-

perg.

init.

Phare-

træ.

### CAPVT VI.

*Aspirationes, Motus anagogici, Ora-  
 tiones iaculatorie quid sint. Senten-  
 tijs, & exemplis Sanctorum Patrum  
 approbantur. De illarum præstantia,  
 & vtilitate.*

1. **A** Baridem Hyperboreum Py-  
 thagoræ æuo nobilem, &

famosum habuisse ferunt aureum telum, quo vectus, vt poetico Pegaso, celeriter per aërem volitabat, vnde dictus est Æthrobates, scandens per arthera, vt refert Iamblicus in vita Pythagoræ. Sed quod genus aurei teli potentius est, quam alatae & ignitæ Aspirationes, quæ deuotam animam momento in cœlum efferunt, & penetrant vsque ad thronum Diuinitatis? [ Anima, in qua habitauit ignis Dei, ait Magnus Antonius Abbas, Similis est aui duabus prædita alis, quibus volat, & sursum per cœli aëra eleuatur. Etenim aui præ omnibus creaturis alæ peculiare sunt: alæ verò animæ Domino obsequenti sunt virtus ignis Dei, quibus ad cœlum sursum volare valet. Si autem his caruerit alis, minimè sursum eleuari in aëra poterit, cum sit illius ignis expers; similisque erit aui suis spoliatae alis, quæ volare nequit. ] Hæc Antonius, qui supra iam dixerat causam ascensionis Sanctorum ad Cœlum fuisse ignem inuisibilem, calorem scilicet accensum in cordibus eorum. Hoc

Cap.  
28.Epist.  
18.

36 VIA COMPENDII

enim igne deficiente, nemo ad cœ-  
lum aspirare, necdum ascendere va-  
let.

2. Sunt autem Aspirationes brevis-  
simæ quædam Orationes, siue mente  
sola, siue mente simul ac ore concep-  
tæ, atque prolata, quibus debet fide-  
lis anima in quouis loco & tempore  
assuescere, & frequenter incumbere,  
cor suum & voluntatē ad Deum, eri-  
gens die ac nocte, domi & foris, sedēs  
& ambulans, in quouis negotio, in  
quaui actione, & occupatione. Scri-  
ptum est enim, oportere semper ora-  
re & numquam deficere; sed quia  
instabilitas naturæ nostræ, corporis  
cura, & aliæ occupationes sæpe nos  
distrahunt, hæc Angelica Aspiratio-  
num exercitatio perpetuitatem ora-  
tionis compensat. Fiunt quidem in  
momento, & transeunt; sed jugiter  
permanet earum fructus, & conti-  
nuatur oratio continuatione boni  
desiderij in charitate fundanti: bo-  
num autem desiderium semper orat,  
quia semper clamat ante Deum sin-  
ceri amoris affectus. Beati in cœlo  
nunquam cessant ab actuali amore,

LUC.

18. 1.

& cognitione Dei : nos verò hanc  
 felicitatem continuis aspirationibus  
 æmulamur, dicentes cum Aposto-  
 lo: *Nostre conuersatio in cœlis est.* Ora-  
 tio enim est ascensus spiritus ad Deū<sup>z</sup>; Philip.  
3. 20.  
*Per quem ascensum*, ait S. Ioannes <sup>z</sup> Da-  
 Chrysostomus, <sup>a</sup> *societatem effugimus,* mascē.  
*quam cum brutis animalibus habemus,* l. 1. de  
*et cum Angelis copulamur.* Vo- fide or-  
 cantur Aspirationes, quia illis aspi- rhod.  
 ramus ad Deum, & per eas aspirat c. 14.  
 Deus conatibus nostris: dum verò <sup>a</sup> De-  
 ad Deum aspiramus, nil nisi Deum orando  
 spiramus; & per easdem feruor cha- Deum  
 ritatis, non minus quàm vita corpo- lib. 1.  
 ris aëris aspiratione, sustinetur. Mo-  
 tus quoque anagogici, id est sur-  
 sum ducentes, nuncupantur, quia  
 illis à rebus terrenis abducimur, &  
 ad superna leuamur, ac tandem ad  
 beatam cum Deo vnionem euehi-  
 mur. Dicuntur orationes jaculato-  
 riæ, quia instar jaculorum & sagit-  
 tarum velocissimè transeuntium in  
 cordi diuinum tanquam in scopum ja-  
 ciuntur, vt ab eo dona cœlestia obti-  
 neamus. Affectus denique appellantur,  
 quia sunt affectiones cordis, &

38 VIA COMPENDII

Part. I. desideria, ac proposita voluntatis: ni-  
decif. 6. hilque aliud est Aspiratio, vt eam  
art. I. Gelenius diffinit, præterquam expe-  
ditus affectus erga Deum, vt sum-  
mum bonum.

Epist. 3. De his plura sanctorum Patrum  
121. documenta habemus, & exempla.  
Augustinus ad Probam. [ Dicuntur  
fratres in Ægypto crebras quidem  
habere orationes, sed eas tamen  
breuissimas, & raptim quodam-  
modo jaculatas, ne illa vigilanter  
erecta, quæ oranti plurimum ne-  
cessaria est, per productiores mo-  
ras euanescat, atque hebetetur in-  
tentio. ] Cassianus instituta Mona-  
chorum describens: [ Vtilius cen-  
sent breues orationes, sed creber-  
rimas fieri. Non enim multitudi-  
ne versuum, sed mentis intelligen-  
tia delectantur. ] Et in Collationi-  
bus: [ Frequenter sed breuiter oran-  
dum est, ne immorantibus no-  
bis inferere aliquid cordi nostro  
insidiator possit inimicus. ] Chryso-  
stomus ad populum Antiochenum:  
Homil. [ Breues & frequentes orationes  
79. fieri Christus, & Paulus præcepe-

runt paruis ex interuallis. Nam si sermonem in longum extenderis, in negligentiam frequenter lapsus multam diabolo subrependi facultatem dederis, & supplantandi, & abducendi cogitationem ab his quæ dicuntur. Si verò continuas & crebras orationes facias, totumque tempus interpolans frequentia, facile poteris modestiam exhibere, & ipsas orationes cum multa facies solertia.] Aëlredus Abbas<sup>a</sup>: [Hæc deuota suspiria tam gratiosa sunt in oculis eius, qui scrutatur renes & corda, quòd non possit diu abscondere multitudinem dulcedinis suæ, quam abscondit timentibus, & diligentibus se.]<sup>b</sup> Epist. ad Fr. de Monte Dei, inter Op. S. Bernardi c. 10.  
Guilielmus Abbas S. Theodoric<sup>b</sup>: [Hauriendus est sapè de lectionis serie effectus, & formanda oratio, quæ lectionem interrumpat, & non tam impediatur interruptendo, quàm puriorem continuò animus ad intelligentiam lectionis restituat.] Huiusmodi oratiunculas rectè appellat Tertullianus<sup>c</sup>, [Orationes sine agmine verborum:] & cap. 1.

<sup>a</sup> De  
duo-  
bus  
discip.

<sup>b</sup> Epist.  
ad Fr.  
de  
Monte  
Dei,  
inter  
Op. S.  
Bernardi  
c. 10.

<sup>c</sup> De  
orat.  
cap. 1.



40 VIA COMPENDII

Col-  
lat. 9.  
cap.  
vlt.

De  
intern.  
confli-  
ctu. c.  
10.

De An-  
na, to.  
1.

Abbas Isaac apud Cassianum eas commendat tanquam verum sacrificium, pingues hostias, pura libamina, holocaustomata medullata. [Sunt enim, teste B. Laurentio Iustini-  
niano, opus spiritualis arcus, sagittæ contra aduersarios directæ, ignita vota, quæ à Christi militibus in cælum corde tacito destinantur; eminus feriunt, celeriter emittuntur, hostem non sinunt propiùs accedere, & ascensorem frequenter vnico prosternunt ictu. Rursum Chrysostomus: [Dic in mente, Miserere mei Deus, & absoluisti precationem. Qui enim dicit, Miserere, confessionem offert, & peccatum suum agnoscit, quia lapsum est misericordiam requirere. Qui dicit, Miserere mei, remissionem delictorum accepit: qui enim misericordiam consecutus est, non punitur. Qui dicit, Miserere mei, regnum cælorum obtinuit: quem enim Deus miseratur, non à pœna solùm liberat, sed futurorum etiam bonorum possessione dignatur.]

AD DEVM, CAP. VI. 41

4. Porrò hunc orandi modum exemplo suo nos Christus Saluator edocuit. In horto enim iterabat hæc verba : *Pater si possibile est , transeat à me calix iste : veruntamen non mea , sed tua voluntas fiat.* Et in Cruce magnos sustinens cruciatus aliquam interdum ex his aspirationibus ardentissimo feruore jaculabatur, dicens; *Pater dimitte illis, quia nesciunt quid faciunt.* Deinde: *Deus meus, Deus meus, ut quid de reliquisti me.* Ac postea : *Pater in manus tuas commendo spiritum meum.* Nehemias interrogatus à Rege, priusquam responderet, mentem ad Deum sustulit, ad solium Diuinitatis animi sui nuntio celerri-  
mè amandato. Iudith Holofernem percussura apprehendit comam capitis eius, & ex corde ignitam protulit & breuissimam orationem dicens, *Confirma me Domine Deus in hac hora.* Sancti in cælo requiem non habent die ac nocte dicentes <sup>d</sup>, *Sanctus, Sanctus, Sanctus.* <sup>e</sup> Basiliius suadet peccatori, vt ad imitationem Chananeæ identidem inclamet il-  
Mart. 26. 39.  
Ibid. 27. 46.  
Esdræ 2. 4.  
Iudith 13. 9.  
d Apoc. 4. 8.  
e Exhort. ad Baptism.

## 42 VIA COMPENDII

Epist.  
16. ad  
Principiam.

Collat.  
10. cap.  
10. I.  
vitæ.  
Pat.  
Ros-  
ueidi,  
lib.  
5. libel.  
12.

Ibid.  
libel. 8.

lud, *Miserere mei fili David* De S. Marcella scribit Hieronymus, eam semper cantasse illud Psalmi, *In corde meo abscondi eloquia tua, ut non peccem tibi*. S. Malachias, teste Bernardo in eius vita, raptim quodammodò, & velut jaculum mittebat orationē. Thais olim meretrix edocta à Paphnutio Abbate sic orabat: *Qui plasmaſti me miſerere mei*. Cassianus vsum multiplicem hujus versiculi, *Deus in adiutorium meum intende*, elegantissimè commendat in Collationibus. Ex vitis Patrum multa hic referri possunt. Abbas Isaias vidit cujusdam Monachi orationē, dum manducaret, ascendere instar ignis in conspectu Dei. Alius quidam, dum colloqueretur cum alijs fecit centum & tres orationes. Abbas Macarius de modo orandi à quibusdam interrogatus dixit, Non est opus multum loqui in oratione, sed extendere manus frequenter, & dicere, Domine, sicut vis & scis, miserere mei. Moyses Æthiops olim princeps latronū quinquaginta quotidie orationes peragebat: Paulus

Monachus trecentas: quædam Virgo septingentas. Narrat Theodoretus Simeonem Stylitam innumeras quotidie adorationes peregisse, aded vt vnus numerauerit aliquando mille ducentas quadraginta quatuor, alias omittens, quia lassus destitit numerare. Quidam Christophorus Monachus centies in nocte orabat. Beata Clara de Monte Falco millies quotidie Deum adorabat genua flectens, & totidem fundens jaculatorias orationes, vt testatur in eius vita Baptista Pergilius. S. Franciscus tota nocte orabat hæc sola verba repetens: *Deus meus & omnia*. Pater Didacus Martinez, Peruani Regni dictus Apostolus, quotidie dicebat sexcentis quandoque vicibus, *Deo gratias*; & ad hoc alios hortabatur dicens, nullam orationem breuiorem esse, nullam Deo magis acceptâ. Alius quidam è Societate Iesu Iacobus Cerrutus nomine innumerabiles actus amoris, & gratiarum actionis singulis diebus eliciebat, qui perueniunt aliquando ad viginti quatuor millia: vota verò ter millies

Ibid.  
libel. 9.

Ibid.  
lib. 10.

Part. v.  
c. 6.

Nicol.  
Lang-  
cius

Opusc.  
Spir.  
II. cap.  
30.

#### 44 VIA COMPENDII

Il id. quotidie renouabat. Sub regimine  
 11. P. Consalui Sylueriæ erant qui bre-  
 e Nicol. ui oratiuncula decies millies in die  
 Codi- diuinum auxilium inuocarent<sup>e</sup>. Si-  
 gnus milem orandi frequentiam æmula-  
 in vita. bantur ex eadem Societate suis scri-  
 P. Con- ptis notissimi viri Sebastianus Barra-  
 falui da, & Franciscus Suarez<sup>f</sup>, vt alios  
 1. 3. c. omittam. Non erit finis exemplo-  
 10. rum, si omnium Religiosorum Or-  
 f Ioan. dinum percurrere historias velim, &  
 Rho gesta omnium Sanctorum. Recen-  
 in Hist. tiora quædam habet Ioannes Rho in  
 virtu- *Historia Virtutum*.  
 rum 1. 3. c. 8.

5. Tanti momenti est ad assequen-  
 dam breui tempore perfectionem  
 hoc exercitium, vt illud semper plu-  
 rimi æstimarint quotquot fuerunt  
 viri doctrina, & sanctitate conspi-  
 cui. Hoc enim tamquam igne in cor-  
 dibus nostris accenso consumuntur  
 omnia peccata, vitia omnia de-  
 struuntur. Tollit id à nobis quic-  
 quid est terrenæ adhæſionis, quic-  
 quid deformitatis, quicquid dissi-  
 miles nos facit Deo, & sanctam cum  
 illo vnionem impedit. Eo mediante  
 vincuntur tentationes, acquiruntur

virtutes, perficiuntur operationes,  
 cœlesti lumine inbuitur intellectus,  
 exercentur actus supernaturales, pu-  
 rificatur intentio, erigitur affectus,  
 inflammatur voluntas, disponitur  
 mens ad contemplationem, & to-  
 tus homo in Deum transfundi-  
 tur. [ Irreces citæ multum habent term.  
 acuminis, ait Abbas Gillebertus in  
 priuatim fiunt, sed priuata non sciat.  
 petunt; submissior est vox, sed  
 mens intentior. Verbis non eget,  
 nec vtitur oratio quæ puro & ple-  
 no fertur affectu. ] Diuinus homo  
 & in schola amoris versatissimus  
 Franciscus Salesius Episcopus Ge-  
 neuensis studium orationis, & vsum De  
 Aspirationum vnum & idem esse amore  
 cum mystica Theologia doctè & lu- Deil.  
 culenter ostendit. Quia sicut Scho- 6. c. 1.  
 lastica Theologia habet Deum pro  
 objecto, mystica etiam non nisi de  
 Deo loquitur, sed cum triplici dis-  
 crimine. Illa differit de Deo, ut Deus  
 est: hæc ut summè amabilis est. Illa de  
 Deo loquitur cum hominib<sup>9</sup>, & inter  
 homines: hæc de Deo cum eodem  
 Deo, ac in ipso Deo. Illa tendit ad



46 VIA COMPENDII

Dei cognitionem, facitque nos doctos & Theologos: hac tendit ad amorem, & nos ardentem reddit, ac Theophilos. Principale itaque hujus exercitium est cum Deo loqui, & ipsum Deum in fundo cordis loquentem audire secretis aspirationibus & alloquijs, quæ à nemine nisi ab ipso dicente & à Deo intelliguntur. Optimè de hac re pius Poëta.

Her-  
man.  
Hugo  
Piorum  
elegia  
præ-  
miali.

*Ille meos gemitus, mea scit suspiria  
solus,*

*Quem fugit humani nulla latebra  
sinus.*

*Quid clamen, mea dum sese suspi-  
ria rumpunt,*

*Non nisi nos soli novimus, ille &  
ego.*

*Nemo meos gemitus, vota, aut  
suspiria novit.*

*Nemo, duo nisi nos, & duo suffi-  
ciunt.*



## CAPVT VII.

*Varia documenta pro vsu, & praxi  
Aspirationum.*

I. **V**T qui domum moliuntur à  
fundamentis, ita nos docu-  
menta scripturi pro vsu & praxi aspi-  
rationum à fulcro, & veluti basi ip-  
sarum, à Dei scilicet præsentiā, or-  
diri debemus. Ab hac omnino pen-  
det hæc Angelica exercitatio, neque  
enim ad absentē aspiramus aut pre-  
ces fundimus, quin os audire & exau-  
dire non possit. Præsens est ille om-  
nibus, & vbique: atque vt canit qui-  
dam Religiosus Poëta.

Man-  
tuanus  
3. Syl-  
varum.

*Cuncta Deus replet, Deus est supra,  
Deus infra,  
Æthereos orbes habitat, sub Sole,  
sub aura,  
Sub tellure latens, sub Dite, sub aquo-  
ris unda,  
Omnia plena Deo.  
Romanus sapiens ad suum Lucil-*

## 48 VIA COMPENDII

Epist.  
41.

lium sic scribit: [ Non sunt ad cœ-  
lum eleuandæ manus, neque exoran-  
dus ædituus, vt nos ad aures simu-  
lachri, quasi magis exaudire possi-  
mus, admittat. Prope est à te Deus,  
tecum est, intus est. Ita dico, Lu-  
cilli, sacer intra nos spiritus sedet,  
malorum bonorumque nostrorum  
obseruator & custos: hic propt  
à nobis tractatus est, ita nos ipse  
tractat. Bonus vir sine Deo nemo  
est. ] Præsentia itaque diuina per se  
considerata facillima est: nam quid  
facilius quàm illum intueri, qui vbi-  
que est, in quo viuimus, mouemur,  
& sumus? Sed attenda naturæ nostræ  
corruptione, quæ per inepta & cor-  
pori iucunda vagari consuevit, cœ-  
cutimus plerique, & lucem vbiq̃  
fulgentem non videmus. Sicut ho-  
mini cœco præsens est sol, sed ipse  
soli absens est: sic omnis stultus &  
impius procul à Deo est, non quia  
Deus illi sit absens, sed quia ipse, vt  
potè cœcus, præsentem non videt.

Lib. 14.  
de Tri-  
nit. c.  
12.

[ Magna hæc miseria est, vt scribit  
Augustinus, cum illo non esse:  
hominem, sine quo non potest esse:  
in quo

in quo enim est, sine dubio sine illo non est, & tamen si eius non meminit, cumque non intelligit & diligit, cum illo non est. ] Vt ergo cum illo simus, semper ad illum respiciamus, ejusque amorem assiduis aspirationibus excitemus & augeamus. Amor enim oculum mentis ita afficit, vt non nisi amatum videre libeat. De illo quem amat semper cogitat homo, semper loquitur, semper ad ipsum aspirat: & mutuo ista fiunt, præsencia Dei studium aspirandi gignit, ipsisque aspirationibus eadem fouetur, & nutritur.

2. Cum autem varij sint modi à diuersis scriptoribus & traditi, quibus Deum præsentem habere & concipere possumus; ille cæteris præferendus, qui nec caput lædat aut imaginationem, nec stolidos & quasi abstractos in peragendis ordinarijs actionibus nos reddat, sed potius adiuuet ad solita exercitia perfectiùs obeunda. Hic duplex est. Primus consistit in actuali fidei exercitio circa tria: circa eius immensitatem, qua cælum & terram implet; circa

g Virgil. Cæparius, Ioan. de Angelis Anton. Gardier, Nicol. Lancicius, Franc. Arias, Alphonf. Rodriguez, to. 1. Iacob. Aluarez, tomo 3. Ludo. de Ponte in Duce Spirit. Thomas Massutius lib. 2. de eccle. sti con-

uersat.  
Ludo.  
Paris  
Capu-  
cinus  
in Pa-  
lat. di-  
uini  
amo-  
ris c.  
130. vñ-  
que ad  
e. 159.  
& alij.  
h Cor.  
3. 16.  
i Variæ  
sunt  
Plato-  
nico-  
rum  
senten-  
tiæ de  
anima  
mundi,  
v. Pro-  
clum;  
& ex re-  
cen-  
tiori-  
bus  
Fox. ū  
in Ti-  
moreum:  
Alci-

scientiam infinitam, qua omnia vi-  
det & penetrat, etiam intimas co-  
gitationes: circa eius concursum ad  
omnes nostras actiones. Per simpli-  
cem enim istarum veritatum appre-  
hensionem Dei assiduè recordari fa-  
cillimum erit: cumque hinc phan-  
tasmata absint, & actus imaginatio-  
nis, non erit hic modus illusionibus  
subjectus, & capitis fatigationi. Se-  
cundus multò isto perfectior ille est,  
quo Deum non iam extra nos, sed  
in abdito cordis, & in intimo spiri-  
tus nostri præsentem, & in nos sua  
bona effundentem purissimo mentis  
oculo intuemur. *Nescitis*, ait Apo-  
stolus<sup>h</sup>, *quia templum Dei estis, & spi-  
ritus Dei habitat in vobis?* Magna cæ-  
citas multorum est, & non modica  
ignorantia Deum semper extra se  
quærentium, ac si procul ab illis ef-  
set. Nam si est in omnibus rebus, vt  
fides docet, procul dubio etiam in  
nobis est, magis intimus nobis,  
quàm anima corpori, qua de cau-  
sa à Platonici<sup>i</sup> *Anima mundi* di-  
citur, non quasi pars & forma ipsius,  
sed tamquam perfectissima causa tri-

AD DEVM, CAP. VII. 51

buens omnibus esse & operari. Tunc  
 tius est autem Deum intra nos ipsos,  
 quam in alijs creaturis quærere, &  
 aspicere; species enim externa crea-  
 turarum ita nos sæpe detinet & rapit,  
 vt non sinat ad Creatorem in illis ha-  
 bitantem intrare. Ided querebatur  
 Augustinus<sup>k</sup> se foris Deum quæsisse,  
 qui intra ipsum erat. *Mecum eras,*  
 inquit, & *tecum non eram.* Hæc  
 Dei præsentia Sanctæ Catharinæ Se-  
 nensi vsui erat, quæ, teste Raimun-  
 do in eius vita, cellulam sibi secretam  
 intra se ipsam fabricauit, in qua ju-  
 giter cum Deo morabatur. Felix pla-  
 nè cubiculum, in quo anima seipsam  
 abscondit à tumultu creaturarum, &  
 cum magna tranquillitate Deo crea-  
 tori intendit. Sententia Saluatoris  
 est<sup>l</sup>, *Regnum Dei intra nos esse*: Re-  
 gnum verò Dei est ipsemet Deus cum  
 vniuersis diuitijs suis. Ad ipsum igitur  
 intra nos habitantem in fundo &  
 essentia animæ ignitis aspirationibus  
 introuertere nos debem<sup>9</sup>, semper de  
 illo cogitando, vt ad eius amplexum,  
 & felicem cum eo vnionem tandem  
 peruenire, seu perducì mereamur.

nouum  
 cap. 12.  
 ac ibid.  
 Com-  
 ment.  
 Iac.  
 Car-  
 penta-  
 rij. Plo-  
 tinum  
 lib. 2.  
 3. 9.  
 enn.  
 2. ac  
 ibid.  
 Fici-  
 num,  
 qui  
 item le-  
 gendus  
 lib. 4.  
 Plato-  
 nicæ  
 Theol.  
 κ Lib.  
 10.  
 Con-  
 fess. c.  
 27.  
 l Luc.  
 17. 21.



52 VIA COMPENDII

Lib. 4.  
de con-  
templ.  
c. 13.

3. Semper debet anima sancta, & veri sponsi amica, vt docet Richardus, ad dilectum suum summo cum desiderio inhiare, parata semper & vocanti occurrere, & pulsanti aperire. Sed in hac introuersione & praxi aspirationum, sicut & in reliquis exercitijs, vulgatum illud attendere debet, *Ne quid nimis*: ne videlicet vltra vires assumantur, ita vt caput grauetur ex nimia attentione, vel intensione affectus. Cauendum quoque ne nimis extendat intellectum; ne si altius, quàm oporteat, volare tentauerit, à simplicitate aberrans internis tenebris inuoluatur, ex quibus intolerabiles miseriæ & anxietates oriri solent. Discretio hinc necessaria est, & simplicitas cum suauitate coniuncta, sicut dicit Scriptura, *Mel inuenisti, comede quantum sufficit.*

Prou.  
25. 16.

4. Eliciendæ sunt Aspirationes non perfunctoriè & festinanter, sed cum matura serenitate spiritus, & interiori harmonia; ita vt reuera sentiat anima se Deum quærere, & ipsum velle in mente sua inuenire, non alia

de causa, nisi vt ipsum diligat toto corde, totis viribus, tota virtute. Proderit aliquando, ex doctrina Seraphici Bonauenturæ, puras manus ad cœlum leuare, & suam interdum audire vocem: proderit ad subleuandam intentionem in cœlum suspicere; sed cauendum ne extra se vagentur spiritus, & ne ipsæ Aspiraciones sola voce prolatae steriles fiant, & sine fructu. Spiritus enim fertur in Deum per anagogicos excessus oculo intellectûs ferè clauso, ac sopitis eius discursibus, cum sancto silentio ac feruentissimo affectu. Quare minima pars intellectui, maxima voluntati tribuenda est.

5. Conuenit hoc exercitium i'lis præsertim, qui animam iam à vitijs expurgarunt, & aliquantulum in via illuminatiua, studioque virtutum, & exercitio meditationis profecerunt. Postquam enim anima ab affectu seculi mentalis orationis exercitatione abducta fuerit, ita vt sentiat diuinum in se ignem succensum, relicto statu meditationis ad statum transit aspirationis, post quem demum ad con-

Spec.  
discipl.

F. I.  
partic.  
2. c. 6.

## 54 VIA COMPENDII

De  
orat.  
c. 57.  
Gradu  
28.

m. 1.  
part.  
c. 19.  
n. 1.  
part.  
decif.  
4. art.  
10. &  
decif.  
6. per  
totam.  
o Af-  
cenf.  
mon-  
tis  
Carm.  
I. 2. c.  
13.

templationem, & ad mysticam Theologiam pertingit. Rectè S. Nilus, *Si es Theologus, verè orabis; & si eris Theologus, & verè orabis, Theologus verè eris.* Et B. Ioannes Climacus: *Statutum tuum oratio tua manifestat tibi, hanc enim Monachi esse speculum tradunt Theologi rectissime.* Sententia hæc est omnium Mysticorum post orationem vocalem & meditationem poni aspirationes, tanquam modum orandi perfectiorem, per quem fit transitus ad orationem internam, & diuinitus infusam. De qua re legendi sunt duo viri eximij ex Ordine Capucinorum, Benedictus Anglus in Regula perfectionis<sup>m</sup>, & Victor Gelenius<sup>n</sup> in Praxi mysticæ Theologiæ. An verò deferendus sit status meditationis tribus indicijs cognoscas: quæ tradit Ioannes à Cruce<sup>o</sup> in Ascensu montis Carmeli. Primum est, si iam non possis meditari, neque imaginationis opera uti, nec vllam ab hac re mentis refectionem, sed potiùs ariditatem percipias. Secundum, si nec placeat, nec gratum sit animæ tuæ ex industria occupare

imaginationem, & defigere in aliquo objecto. Tertium, quando libet & placet animæ solam manere cum amorosa ad Deum attentione in quadam interiori pace & quiete, absque actu saltem discursiuo potentiarum. Tria hæc indicia simul sumpta in te animaduertere debes quicumque optas à statu meditationis tuò ad alium sublimiorem progredi.

6. Requiruntur alia quædam ad hoc exercitium, puritas cordis, rectitudo intentionis, perfecta abnegatio & nuditas ab omnibus imaginibus & idolis creaturarum; fuga curiositatum, inutilium sermonum, humanarum consolationum, & vanarum occupationum; desiderium semper proficiendi, humilitas, mens libera, & expedita ab omni terrena delectatione; lectio spiritualis, collocutio de rebus diuinis; internum, externumque silentium, sicut scriptum est: *Qui minoratur actu percipit sapientiam.* Quælibet vel minima inordinatio, quicumque tenuissimus affectus erga aliquam creatu-

Ecdi.  
38. 25.

56 VIA COMPENDII

ram, quæuis leuior offensa, aut exterior distractio, moram iniiciunt animæ ad vnionem cum Deo prope-  
peranti. [ Quantumcunque enim, *ait quidam vir sanctus*, profecisse videamur ad extra in bonis spiritua-  
libus, & apparentijs, seu in reputa-  
tione sanctitatis, totum inane, & paruum est; nisi interior homo fuerit reformatus, & Deo confor-  
mis. ] Constat autem ex his non exigi ad hanc sapientiam acumen inge-  
nij, & multiplicem cognitionem, sed simplicitatem, & purum atque ar-  
dentem affectum, cum assistentia Spi-  
ritus sancti, qui super humiles & par-  
uulos requiescit. Quare multum lu-  
gendi sunt illi, qui solis externis exer-  
citijs contenti, & interiorem animæ fundum negligunt, & sanctam cum Deo vnionem. Nunquam enim satiari anima poterit, & si omnibus spi-  
ritualibus diuitijs abundet, nisi per amoris contactum, & intimam vnio-  
nem Deum consequatur. *Fecisti nos Domine ad te*, inquit Augustinus, & *inquietum est cor nostrum, donec requiescat in te*: donec scilicet arctissi-

Gerla-  
eus in  
solilo-  
quijs c.  
25.

Lib. I.  
Con-  
fess.  
c. I.

mo tecum amoris vinculo conjungatur.

7. Solet praxis aspirandi dura admodum, & difficilis nondum exercitatis apparere. Natura enim instabilis & libera, varijsque cogitationibus & desiderijs assueta frænum diuini amoris pertinaciter fugit: & quia statim fructum non videt, tanquam laborem nullus momenti contemnit. Sed hoc commune est omnibus exercitijs, quorum initia semper sunt difficilia: labor autem assiduus omnia vincit, & cum laudabilis consuetudo firmiter in anima stabilita fuerit, quasi in naturam transibit, rebusque diuinis tam facile intédet, quàm facile spirat ac viuit. Accedit gratiæ auxilium, quod assiduè implorare oportet: nam vt ait Chrysostomus, *Supra vires hominis est serere cum Deo colloquium, nisi adsit vis. & actus Spiritus sancti.* Vnde sicut ad calorem nulla propinquior dispositio inuenitur, quàm ipsemet calor; ita nulla ad orationem conuenientior præparatio ipsa oratione. Quòd si anima interdum langueat, ita vt agrè aspira-

Lib. 2.  
de orat.



58 VIA COMPENDII

i. p. de-  
cil. 6.  
art. 5.

tiones producat; aliqua pia meditatione utendum est, donec cor meditando incalescat, & mox ad aspirationes redeundum. Docet hoc Gelenius, & addit debere vnumquemque in hunc finem sibi ipsi instituere colloquia plangentia sui ipsius vilitatem & infidelitatem circa mortificationem & virtutes: quæ si desint petenda erunt ex meditationibus, & soliloquijs Sancti Augustini. Si verò nec meditatione, nec huiusmodi colloquijs cor excutitur, non propterea abijcienda spes est, sed constanter perseverandum difficulter agendo, & varias aspirationes quantumvis frigidè & aridè eliciendo, quo ad vsque probata fide victoria à Domino misericorditer concedatur. Tale est augmentum sanctarum exercitationum, quale & plantarum, quotidie crescunt, quamvis id non appareat: processu verò temporis creuisse videbis, licet ipsum non videris incrementum.

8. Cum eliciuntur Aspirationes extendenda intentio est ad finem ipsarum, qui est animam purifi-

care, & disponere, aptamque red-  
dere ad contemplationem, & vnio-  
nem cū Deo. Qui gressum men-  
tis in ipsis figit, nihil agit; quia juxta  
Sanctorum Patrum vulgatissimum  
proloquium, non progredi in via  
Domini retrogredi est: & qui non  
ascendit, descendit. Omnis fructus  
& finis orationis, ex sententia Bona-  
uenturæ, est Deo adhærere, & vnum  
cum eo spiritum fieri per liquefactio-  
nem purissimi amoris, & speculatio-  
nem serenissimæ cognitionis, & abs-  
consionem in Dei vultu ab omni  
mundanorum strepitu, per excessum  
quietissimæ fruitionis; vbi omnes vi-  
res animæ, & potentia à suis disper-  
sionibus simul collectæ, & in vnum  
verum, & simplicissimum, ac sum-  
mum bonum fixæ, in quamdam di-  
uinæ confortationis & æternæ stabi-  
lilitatis similitudinem transformatur.  
Ad hunc finem datæ sunt nobis à crea-  
tore vires animæ nostræ, non vt eas  
rebus terrenis mergamus, sed vt eas  
sanctis aspirationibus ad ipsum Deū  
efferamus, ad quem possidendum  
conditi sumus; & his quasi brachijs

De  
procef.  
Relig.  
proc.  
7. cap.  
14.

60 VIA COMPENDII

bonum nostrum, nostramque felicitatem amplectamur.

9. Qui ex hac saluberrima exercitatione vberes fructus percipere cupit, nulla vnquã die, imò nulla hora, si fieri possit, eam intermittere debet. Cùm enim non sit opus continuum, sed morulis discretum, omnibus ferè actibus interferi potest, seu quis mente perspicax, seu tardus ingenio sit. Præclarè Sanctus Ephrem: [ Bonum fuerit semper orare, & nunquam deficere, quemadmodum ait Dominus. Quare siue opereris, siue dormias, siue iter facias, siue comedas, siue bibas, siue decumbas, caue orationem tuam intermiseris. Siue in Ecclesia fueris, siue domi tua, siue in agro: & si oues pascas, & ædificia construas, & si in symposio verferis, ab oratione caue desistas. ] Olim præcepit Deus, vt ignis in altari suo semper arderet, quem nutrit, inquit, Sacerdos subiiciens ligna mane per singulos dies. Altare autem Dei, vt magnus Gregorius interpretatur, est cor nostrum, in quo iubetur ignis semper ardere, quia

To. i.  
hom.  
de orã-  
do Deū.

Leuit.  
6. 16.

Lib. 25.  
moral.  
c. 7.

AD DEVM, CAP. VII. 61

neceſſe eſt ex illo ad Dominum charitatis flammam indefinenter accendere. Sunt qui certum quotidie penſum aspirationum à ſe exigunt, quod vix probarim, niſi diſcretio adſit, & magiſtri ſpiritualis conſilium: affectum enim ſequi in his oportet, & impulſum Spiritus ſancti, qui certæ regulæ non ſubiicitur. Quidam cum legiſſet S. Bartholomæum Apoſtolum centies in die orafſe, vt eum imitaretur, centies quotidie aſpirabat ad Deum factis ſibi quibuſdam Litanijſ ex Dei nominibus & attributis: quod qualiter fieri debeat ſcribit Iacobus Aluarez. To. 3.  
lib. 4. Vſus & vnctio plura docebunt. P. 3.  
cap. 10. 10. Concludo hoc caput aliquot documentis ab his ſpecialiter obſeruandis, quibus gratia Aspirationum à Deo conceſſa eſt. Et primò quidem ne huius doni jaſturam faciant, ſe illo prorsus indignos fateantur, nec propterea inſoleſcant, ſed viliùs de ſe ſentiant, & gratiam Dei humilitatis velo occultent. Secundò caueant, ne eos contemnant, qui ejuſmodi dono carent: fieri enim poteſt vt maiorem

## 62 VIA COMPENDII

illi charitatem habeant, & gratiores Deo sint in sua simplicitate. Tertiò aduertant, ne aliqua præuenticon-  
solatione ac dulcedine spirituali, ni-  
mium erga illam afficiantur, sicut ait  
Psalmista: *Diuitia si affluant, nolite*  
*cor apponere.* Satiùs enim, & tutius  
est gloriari cùm Apostolo in cruce  
Domini nostri Iesu Christi, quàm in  
sensibili deuotione, & delitijs spiri-  
tualibus. Cessante autem operatio-  
ne diuina, recurrant ad propriam, &  
gratiæ subtractionem patienter fe-  
rant. Quartò ita influxui diuinæ gra-  
tiæ satisfacere curent, vt vires cor-  
porales minimè lædantur: magno  
etenim periculo subiecta est spiritua-  
lis ingluuies, qua quis percepta gra-  
tiæ suauitate spiritum vrget indiscre-  
tè ad maiorem feruorem, quàm cor-  
pus ferat. Quintò diuinæ gratiæ abũ-  
dantiam ad sui mortificationem diri-  
gant, & ad virtutum exercitationem;  
nec ita sinant se deuotione absorbe-  
ri, vt opera misericordiæ, & vitæ acti-  
uæ officia negligant. Hæc monita  
Thomas à Iesu in libris de diui-  
na oratione tradit, exercitatis au-

Psalm.  
61. 11.

AD DEVM, CAP. VIII. 63  
tem plura suggeret Spiritus san-  
ctus.

---

CAPVT VIII.

*Qui sint fontes Aspirationum, quæ  
materia, quis ordo. De tripli-  
ci statu Incipientium, Profi-  
cientium, & Perfectorum.*

1. **F**ONTES copiosissimi, è quibus  
elici & hauriri possunt quàm  
plurimæ aspirationes, hi ferè sunt.  
Consideratio cœlestis patrię, tædium  
hujus miseræ vitæ, desiderium vi-  
dendi Deum; diuinæ bonitatis, & mi-  
sericordiæ magnitudo, Dei sapien-  
tia, potentia, justitia, & cætera at-  
tributa; dolor de peccatis, affectus  
gratitudinis erga Deum, amor in  
Deum, zelus animarum, passio Sal-  
uatoris, amor Dei erga nos, diuinæ  
providentiæ admiratio, & deside-  
rium patiendi pro Christo. His ac-  
cedunt actus abnegationis, pœni-  
tentia, charitatis, humilitatis, &  
cæterarum omnium virtutum. Quo-



# 64 VIA COMPENDII

rum omnium materia defumi potest  
vel ex proprio cuiusque affectu & de-  
uotione; vel ex verbis sacrae Scriptu-  
rae, vel ex Sanctis Patribus, alijsque  
pijs Scriptoribus. Sacra Scriptura,  
maximè verò in Psalmis, hujusmo-  
di affectuum feracissima est: & hi cæ-  
teris præferendi, quia nihil Deo gra-  
tius esse potest, quàm si verbis à Spi-  
ritu sancto dictatis eum alloquamur.  
Sequuntur opuscula Sanctorum Pa-  
trum, & mysticorum Theologorum,  
quæ vberriam aspirationum mate-  
riam suppeditant; præsertim confes-  
siones S. Augustini, & ejusdem so-  
liloquia, Manuale, & Meditationes:  
opera item S. Laurentij Iustiniani,  
Dionisij Cartusiani, Ioannis Lanf-  
pergij, Thomæ à Kempis, & Ludo-  
uici Blosij, aliorumque recentio-  
rum.

¶ Vide  
Iacob.  
Alua-  
rez to.  
3. &  
Viam  
vitæ  
æternæ  
Ant.  
Suc-  
quet.  
¶ Init.  
lib. 2.  
de cæ-  
les. cõ-  
uers.

2. Thomas Massutius 9 triplicem  
librum describit, vnde materia As-  
pirationum defumi potest. Primus  
liber magnus est valde, semper aper-  
tus, omnibus visibilis. Secundus par-  
uus, occultus, omnino inuisibilis, & à  
paucis tantummodò intelligibilis.

Tertius magnus, & parvus; apertus,  
 & clausus; visibilis & inuisibilis, &  
 ex se intelligibilis. Primus est Mun-  
 dus, qui, vt ait Basilus, perinde est  
 ac liber literis exaratus palam conte-  
 stans & prædicans gloriam Dei. Hu-  
 jus quatuor sunt paginæ euoluendæ,  
 à quo factus sit, ad quid, quâ ratio-  
 ne, & quanta rerum varietate exor-  
 natus. Hunc verò nonnulli inutili-  
 ter legunt, vani scilicet & curiosi  
 mundi sapientes, quales fuerunt in-  
 fideles, qui cùm Deum cognouissent,  
 non sicut Deum glorificauerunt, sed  
 euauerunt in cogitationibus suis:  
 alij perniciosè, qui tanquam pueri  
 analphabeti solam externam spe-  
 ciem creaturarum respicientes, inde  
 sumunt occasionē recedendi à Crea-  
 tore, vt adhæreant creaturæ: qui-  
 dam vtiliter & cum fructu spirituali,  
 qui Deum in creaturis contemplan-  
 tur, & in singulis operibus condito-  
 ris sapientiam, bonitatem, poten-  
 tiam, & reliqua attributa laudant,  
 prædicant, admirantur. Secundus  
 est conscientia, siue cor nostrum  
 prauum, profundum, & inscruta-

Homil.  
 II. exa-  
 mer.

bile. In eo legere oportet quid fuit homo, quid est, quid erit: quid potuit, quid possit, quid poterit: quid fecit, quid nunc faciat, quid facturus sit. Deinde obseruandum à quo sit scriptus, quæ sint in eo scripta, & ad quem finem. Scriptus est autem à Deo, & à nobis, sed stylo valde diuerso: à Deo literis aureis inspirationum, admonitionum, legum, & dictaminis rectæ rationis: à nobis atramento culparum, & imperfectionum. Tertius est sacra Scriptura, cujus sunt libri historici, prophetici, morales & mixti: in quibus quot apices, tot mysteria; quot verba, tot sunt incentiua nostri erga Deum amoris: si tamen legatur eo spiritu, quo scripta est.

3. Quod verò spectat ad ordinem Aspirationum, ille in praxi omnino promiscuus est. Nimia enim amoris fecunditas est, nec attendit quo ordine, qua lege, quâue serie erumpat. Interdum nec verba requirit, nec voces omnino vllas, solis ad hoc contentus suspirijs: tunc præcipuè quando voluntas accensa est, quia

runc, vt monet Seraphica Virgo Teresa, tollendi sunt discursus intellectus, & strepitus verborum, ne his tanquam lignis amoris scintilla opprimatur & suffocetur. Aliæ quidem Aspirationes incipientibus, aliæ proficientibus, aliæ perfectis conueniunt: sed quandoque incipiens proficientium, & perfectorum orationes assumit, vt discat ad altiora cor suum erigere: & isti vice versa incipientium aliquando induunt affectus, ne perdant humilitatem, dum semper habitant in excelsis. Porro affectus incipientium sunt horror inferni, detestatio peccati, timor iudiciorum & iustitiæ Dei, contritio, petitio veniæ, odium & contemptus sui, suæ vilitatis cognitio & erubescencia. Proficientium, imitatio Christi & Sanctorum, gratitudo, perfecta abnegatio, amor virtutum, & desiderium eas acquirendi. Perfectorum, gaudium spirituale, admiratio diuinæ maiestatis, amor Dei, ingens desiderium sanctificationis nominis eius, & aduentus regni ipsius.

4. Triplex igitur est status vitæ spi-

Vitæ  
suæ  
cap. 15.

68 VIA COMPENDII

Homil. ritualis, quia, vt dicit D. Gregorius,  
 15. in aliud sunt virtutis exordia, aliud pro-  
 Ezech. fectus, aliud perfectio. In primo sta-  
 tu sunt incipientes quasi tyronum  
 agmen; in secundo proficientes qua-  
 si tyrocinium prætergressi; in tertio  
 De Ec- perfecti, quasi milites veterani. San-  
 cl. my- ctus Maximus martyr primos ser-  
 sta- uis, medios mercenarijs, postre-  
 gogia mos filijs comparat. Angelicus Do-  
 c. 24. ctor tribus ætatibus hunc triplicem  
 S. Tho. statum assimilât, infantia, iuuentu-  
 2. 2. q. ti, & virilitati: vt enim docet Augu-  
 24. a. 9. stinus, *Nascitur charitas diuina ope-  
 5. in rante in misericordia, cum nata fuerit,  
 Epist. crescit & multiplicatur, reborata denique  
 Iohan. perficitur* Primus status purgat, se-  
 cundus illuminat, tertius perficit: qui  
 sunt tres actus Angelicæ & humanæ  
 Hierarchiæ à Dionysio Areopagita  
 descripti. S. Bonauentura tres afflig-  
 Part. 5. nat operationes, quas juxta hanc tri-  
 Breni- plicem viam charitas in anima exer-  
 logij c. cet. Primam vocat virtutis vigorem,  
 10. quia mediante vigore gratiæ anima  
 purgatur à peccatis: secundam veri-  
 tatis splendorem, quia studio mor-  
 tificationis diuinorū cognitione ani-

ma illustratur: tertiam charitatis ardorem, quia vi amoris anima in Deum transformatur. Via purgatiua purgat ac perficit sensus, illuminatiua rationem, vnituiua spiritum siue mentem, quæ est animæ superior pars. Purgatiua Deo Patri appropriatur, cui potentia attribui solet: illuminatiua Deo Filio, tum quia est sapientia Patris, tum quia hæc via in Christi imitatione consistit: vnituiua Spiritui sancto, cuius proprius effectus est vnio per amorem. In prima cognoscit homo seipsum, in secunda Deum, in tertia studet vnioni & transformationi in ipsum: quia omnis vitæ spiritualis substantia ad hæc tria puncta refertur; quid sit homo, quid sit Deus, & qualiter hæc duo vnum per amorem efficiantur. Sicut ignis cum in lignum viride operatur, primò frigus & humiditatem tanquam obstacula sua expellit; deinde calorem & siccitatem immitit, veluti qualitates ad aditum suum necessarias; ac tandem intimè illi vnitur: sic ad vnionem animæ cum Deo, primùm amoliri oportet om-



nia impedimenta, postea requisitas dispositiones adferre: quibus peractis infallibiliter vnio subsequetur.

5. In primo purgantium statu sunt peccatores post conuersionem, qui præterita peccata puniunt, & pugnant ne iterum labantur in ea; qui prauos habitus exsecant, & passionnes interimunt. Et idè carnem castigant jejunijs, vigilijs, laboribus, aliisque austeritatibus; lacrymisque & contritioni operam dant. In secundo proficientium illi degunt, qui terrenorum affectum deponentes puritati student, & virtutum acquisitioni: virtus enim est proprium, ac verum animæ lumen. Crebris id cird meditationibus de Christi virtutibus & doctrina vrgent semetipsos, & accendunt ad imitationem. In tertio demum illi quiescunt, qui purgata iam mentis acie arcano nexu Deo vniri merentur, & ea pace fruuntur, quæ exsuperat omnem sensum. Vna sanè est charitas, cui omnes isti incumbunt, sed gradus, & incrementa diuersa sunt. Contingit autem

nonnunquam, Deo sic disponente, ut tyrones perfectorum prærogatiuis locupletentur, & ad diuinæ contemplationis altitudinem, quamuis breuimora, eleuentur: ne fortè obiecta virtutis difficultate, ac tentationum pressura territi, ab incepto itinere resiliant. Sicut è contrario acerrimis tentationibus perfectiores animæ aliquando infestantur, Deo permittente; ne, sicut de ipso testatur Apostolus, magnitudine reuelationum extollantur. Gustata enim à pœnitentibus suauitate spiritus, desipiunt illis mundus & caro: & cùm perfectus incipientium molestias patitur, despicit se ipsum, & impensius laborat, ac si ab apice perfectionis longo admodum itinere distaret.

6. Sunt autem hîc tria aduertenda, quæ ex dictis colliguntur. Primum, quod cùm vita spiritualis duplex sit, actiua & contemplatiua; ad actiuam duo priores status pertinent, tertius ad contemplatiuam. Secundum, quod amor, de quo loquimur, & in quo sita est Christiana perfectio, non

est amor afficiens, siue affectuosus, ut aiunt, sed efficiens, practicus, & obedientialis, qui à proprio bono voluntatem omnino abducit, Deoque subijcit, ejusque voluntati tam imperanti quàm consulenti conformem facit. Affectus quidam teneri & molles, ignavi sunt & otiosi, & lacryma nihil citius arescit. Si quis Dominus seruum habeat, qui domini otiosus sedeat, magnificentiam eius & opes semper contemplans, & nihil aliud obsequij præstet, is certè hunc seruum tanquam muneri suo ineptum arguet, & à seruitio amoue-  
bit. Ideò Christus obseruantiam mandatorum præcipit, & Sancti Patres studium bonorum operum super omnia commendant. Ad hunc amorem practicum omnes aspirationes dirigi debent, ex illo quippe oritur vera & solida deuotio, purum gaudium, atque acquisitio virtutū. Tertium, quod licet distinxerimus tres supradictos status penes tria officia & exercitia, puritatis scilicet, lucis, & amoris; non id tamen eo sensu intelligendum est, ac si purgatio ad ex-  
teros

teros status, illuminatio ad primum  
& tertium, & perfectio ad duos prio-  
res non extendatur: In vnoquoque  
enim omnes actus hierarchici repe-  
riuntur, & in purgatiua non solum  
emundatio à peccatis, sed etiam no-  
titia veritatis, & Dei amor vigent,  
& sic de reliquis; tantòque excellen-  
tius isti actus fiunt, quantò status est  
sublimior. Idcirco tamen vnicui-  
que statui proprium destinatur offi-  
cium, quia illi congruentius, ma-  
gisque essentiale est, & ad ipsum duo  
reliqua dirigere oportet: in primo  
nimirum lucem & amorem ad pur-  
gationem, in secundo purgationem  
& amorem ad illuminationem, in  
tertio puritatem & lucem ad amo-  
rem. Hac autem actuum cōmunica-  
tione fit \*, vt & dolor ex amore dul-  
cior sit, & amor ex causis ritè per-  
pensis iusti doloris securior, & inci-  
tator: cumque commiscantur actus  
vnius viæ cum actibus & exercitiis  
alterius, incipientes ad maiora iugi-  
ter aspirant: proficientes verò & per-  
fecti memoriam retinent & affectum  
earum rerum, quæ sunt fundamenta

\* Hæric.  
Mo-  
rus  
in Me-  
thod.  
exer-  
cit. S.  
Igna-  
tij.

74 VIA COMPENDII  
perfectionis, & prima principia sanctitatis.

---

C A P V T IX.

*Transitus ab Aspirationibus ad  
contemplationem. Addita quæ-  
dam de Aspiratione passiva.  
Quid sit Contemplatio. Eius  
objectum, & cause.*

I. **A**spirationibus tanquam alis  
euehitur Anima ad felicissi-  
mas cum Deo nuptias: earum enim  
mediante usu id euenire potest quod  
dixit Abbas Allois: *Quia si vult ho-*  
*mo, in una die vsque ad Vesperam per-*  
*uenit ad mensuram Diuinitatis.* Sed  
hoc rarum, difficillimum, & vix in-  
telligibile est: & nos infra de dura-  
tione status aspirationū differemus.  
Nunc videndum quo pacto ab illis  
ad contemplationem fiat transitus.  
Reuocata si quidem ad interiora sua,  
mediante aspirationum actiuitate,  
inferioris hominis capacitate, & ele-

Vitz  
Pat. lib.  
g. libel.  
21.

uata ad Deum mente motibus anagogicis, affectuque succenso, spiritus rationalis à vinculis passionum & fallaciis seculi expeditus, ad cælestia perlustranda lumen internum dirigit, & ad statum transit altissimæ, ac diuinæ contemplationis. *Illuxerunt*, inquit Psalmographus, *coruscationes tue* *orbi terræ; vidit, & commota est terra.* Sunt enim Aspirationes quasi subitanæ illustrationes, quibus subinde coruscantibus, terra humani cordis admiratione cælestium excitata, terrena relinquens ad superna eleuatur. Quia verò celerimè motiones istæ anagogicæ peraguntur, nisi aspirans cogitationes impertinentes, quæ animo sese ingerunt, reijciat, aliamque protinus substituat aspirationem, cujus additione distractio cohibeatur, haud fieri poterit, quin mens prona ad euagationem statim ad externa dilabatur, quæ sensibus obijciuntur. Hanc calamitatem in seipso experiebatur, & sic deplorabat Augustinus: [Aliquando intromittis me in affectum multum inulitatum introrsus, ad nescio

Psalm.  
76. &  
96.

Lib. 10.  
Cōfess.  
c. 40.



quam dulcedinem: quæ si perficiatur in me, nescio quid erit, quod vita ista non erit. Sed recido in hæc ærū-  
 nos ponderibus, & resorbeor soliti-  
 tis, & teneor, & multum fleo, sed  
 multum teneor. Tantum consuetu-  
 dinis sarcina digna est. Hic esse va-  
 leo, nec volo; illic volo, nec valeo,  
 miser utrobique. ] Satagendum est  
 itaque, ut spiritus in se ipso conclu-  
 sus, atque à distractionibus, affectu-  
 que inordinato liber exardescat sicut  
 ignis; & suspiriis ac desideriis pie  
 scintillantibus seipsum bene afficiat,  
 & Deo conjungat.

r Part.

1. dec.

6. art.

6. &

Can-

feld. de

volunt.

Deip. 1.

cap. 18,

° Dio-

nyf. c.

1. myst.

Theo-

logiæ:

& epist.

rd Ca-

1. 1. 1.

2. In hoc statu aspirationis vix vl-  
 tra annum deuotus exercitator deti-  
 nebitur, ut Gelenius obseruat<sup>1</sup>: solet  
 enim eo spatio emenso ad firmum in-  
 tuitū contemplationis transire, ut ig-  
 nem amoris intus clausum ab instan-  
 taneo motu anagogico ad ampliora  
 spiritualis magnitudinis spatia exten-  
 dat. Si quis tamen gratia abunda-  
 tiori à Deo præuentus, & illustratus  
 fuerit, breuissimo tempore, & ut  
 Mystici nonnulli asseuerant<sup>2</sup>, intra  
 duos menses ad magnam perueniet

contemplationem. Vtrum verò transire quis debeat ab Aspiratione ad contemplationem hoc indicio cognoscet : si constet experientia orationes jaculatorias solito ardore destitui, & internam dispositionem ad intuitus & inhæssiones spirituales inclinare, quasi ad quietem mentalem, non per gustum & intuitum transcurrentem, sed qui permanens sit, & perseverans. Sunt quidam spiritus vteri sui coarctati, quasi mustum absque spiraculo, quod lagunculas novas dirumpit, qui parum memores vicissitudinis humanæ ac inconstantis naturæ, impatientissimo desiderio ad Deum feruntur, quasi velint omnia diuina quodammodo deglutire : Hi miserè decipiunt se ipsos, quia mox fatigati deficiunt, & internam animi serenitatem adeò necessariam ad contemplationem obscurant, & perdunt. Alij inconsultò statum Aspirationum deserunt, ne minus proficere videantur, quam cæteri, quos legunt vel audiunt in altiori statu versari : & hi consilio ac humilitate carentes præcipitio pro-

ximi sunt & ruinæ, quia sine duce  
viæ, sine ope scilicet diuinæ gratiæ,  
per ignoras sibi semitas iter difficilli-  
num arripiunt. Alij denique subti-  
lioris ingenij nudis discursibus & spe-  
culationibus intellectus contēti, pos-  
se se illis Deum possidere existimant,  
sine amore, qui nos similes Deo fa-  
cit: & hi similes sunt antiquis Philo-  
sophis, euanescentes in cogitationi-  
bus suis, & colentes pro Deo suo  
phantasmata sua. Quælibet enim  
speculatio intellectus est quid huma-  
num, quod nos in proprio carcere  
vinctos detinet: amor autem est quid  
diuinum, quod nos eleuat & rapit  
extra nos, atque in Deum transfor-  
mat. Quare Dionysius Timotheum  
monet, vt omnia intelligibilia trans-  
cendat, & ad Caium scribens ait: [Di-  
uinæ tenebræ omnem abscondunt co-  
gnitionē, & si quis viso Deo, cognouit  
id quod vidit, nequaquam ipsum  
vidit, sed aliquid è rebus eius, quæ  
existunt & cognoscuntur.] Cui con-  
sonans Maximus Martyr: [Vnus, in-  
quit, Deus sine principio, incom-  
prehensibilis, totam vim vt sit ha-

bens per totum, notionem quando  
& quomodò sit penitus repellens, ut-  
pote nulli eorum qui sunt ex repræ-  
sentatione naturali cognitus. ] Qui  
putant aliter se posse Deum intellige-  
re & contemplari, parum tutâ gra-  
diuntur viâ; solido enim fundamen-  
to pietatis destituti, cùm naturalis  
de Deo oblectatio disparuerit, ad  
fallaces seculi voluptates miseran-  
do lapsu reuertentur.

3. Non est hoc loco omittendum,  
quod Ioannes à Cruce in Flamma Centu.  
amoris viua scriptum reliquit, præ- +  
ter aspirationes, de quibus hætenus  
differuimus, esse aliam aspirationem  
arcanam, occultam, & passiuam,  
quam Deus in anima mirabiliter  
producit, aspirans illi Spiritum san-  
ctum, qui profundissimè illam ab-  
sorbet, & amore sui inflammat super  
omnem gloriam, & sensum: in cen-  
tro enim animæ, quæcumque illa sit,  
latenter moratur Deus, sed cum dis-  
crimine. In quibusdam manet velut  
extraneus in aliena domo, nihil im-  
perans, aut efficiens. In aliis liben-  
ter habitat, quasi in propria domo,

regens illam & gubernans. Talis est anima, in qua nullus iam appetitus, nullæ imagines, aut formæ creaturarum reperiuntur: huic enim se intimè Deus communicat, hanc amplectitur, in ea quiescit, eique se ipsum reuelat eam excitando, & ad proportionem notitiæ Diuinitatis ipsi concessæ eidem aspirat, illam replens Spiritu sancto, ejusque gloria & bonitate. Cæterùm hæc Aspiratio passiva ineffabilis est, & ab illis vix intelligitur, qui ea felicissimè perfruiuntur. Hac igitur prætermissa, quædam breuiter de Contemplatione, quæ statum Aspirationis subsequitur, pertractanda sunt.

4. Contemplatio propria Mysticorum functio, & optima pars humanæ vitæ, habet pro scopo suo & objecto ipsummet Deum, vt D. Thomas testatur: consistit autem in visione quadam suauis, quieta, & amabili veritatis æternæ, quam sine discursuum varietate sincerè aspicit, & penetrat, ingenti amore, atque admiratione tantaque certitudine, & claritate, vt facie ad faciem, sicut de

2. 2. q.  
180.  
art. 3.  
& 4.

Moysè dicit Scriptura, Deum intue- Exod. 3. II.  
 ri dicatur, non quemadmodum Bea-  
 ti in gloria, sed minori quodam lu-  
 mine, caliginoso, & fidei innixo,  
 quæ ab eo valde perficitur, & clari-  
 ficatur. Ex cognitione verò accendi-  
 tur amor, & vicissim ex amore ipsa  
 crescit cognitio. Amor enim ignis  
 est ardens & lucens, & ardens in vo-  
 luntate illuminat intellectum; impet-  
 litque nos ad ibi figendos oculos, vbi  
 est thesaurus, quem diligit cor no-  
 strum, cujus bonitas & pulchritudo  
 cum sit immensa & infinita, acriores  
 iterum amoris flammæ in corde suc-  
 cendit, ex quibus crescit videndi de-  
 siderium; nec ullus est finis, donec  
 anima Dilecto adhæreat, & vnus fiat  
 cum eo spiritus in æternum. Opti-  
 mè Clemens Alexandrinus: [ Non  
 cessabit qui quærit, donec inueniat;  
 cum autem inuenerit admirabitur,  
 admirans regnabit, regnans con-  
 quiescet. ] Est igitur contemplatio, si  
 latinæ vocis notionem respiciamus, Cicero  
1. Acad.  
& 4. de  
nibus.  
 rerum occultarum consideratio, seu  
 veritatis inuestigatio: Theologicè  
 verò accepta, est terminus meditatio.



## 82 VIA COMPENDII

e Siue  
 Aucto-  
 ris lib.  
 de spi-  
 ritu &  
 anima  
 apud  
 Au-  
 gust.  
 lib. 2.  
 de Cō-  
 fid. c.  
 2.  
 x Lib.  
 1. de  
 con-  
 templ.  
 c. 4.  
 y Vide  
 Maxi-  
 mil.  
 San-  
 ctum  
 myst.  
 Theol.  
 lib. 1.  
 com-  
 ment. 8.  
 z Sua-  
 rez to.  
 2. de  
 Relig.  
 lib. 2.  
 c. 9.  
 a 1. 2.

nis, siue considerationis, qui est ve-  
 ritatis quæsitæ & inuentæ intuitio,  
 Auctor libri de spiritu & anima inter  
 opera D. Augustini<sup>1</sup>, sic eam defi-  
 nit: [ Contemplatio est perspicuæ  
 veritatis jucunda admiratio. ] Con-  
 sonat Bernardus<sup>u</sup>: [ Contemplatio  
 est verus, certusque intuitus animi  
 de quacumque re; siue Apprehensio  
 veri non dubia. ] Aliter Richardus<sup>x</sup>,  
 aliter alij y. Breuissimè D. Thomas<sup>z</sup>,  
 [ Contemplatio est diuinæ veritatis  
 simplex intuitus. ] Fusius & clarius  
 Iacobus Alvarez<sup>a</sup>, [ Est liber, per-  
 spicax & certus intuitus Dei ac re-  
 rum cœlestium, admirationem infe-  
 rens, in amorem desinens, & ex amo-  
 re procedens. ] Dicitur intuitus, quia  
 non est opus rationis discurrentis, &  
 inquirentis veritatem, sicut Medita-  
 tio, sed opus intelligentiæ veritatem  
 simpliciter absque discursu inspiciē-  
 tis. Liber autem vocatur ex parte ho-  
 minis, quia liber esse debet à pecca-  
 tis, ab affectibus inordinatis, & à  
 curis superfluis: ex parte actus, quia  
 animus à rebus terrenis expeditus,  
 quasi auis in aëre, liberrimo motu

vagatur, quocumque Deus illum quaest.  
 fert: ex parte objecti, quia illud nu- 180.  
 dum ab imaginibus sensibilibus, vel art. 1.  
 in ipsis sibi patefactum contempla- & 3.  
 tur. Est etiam perspicax, id est cla- To.  
 rus, apertus, & conspicuus, non in 3. lib.  
 lumine gloriæ, sicut in patria, sed in s. p. 2.  
 lumine fidei, quam lux sapientiæ per- c. p. 1.  
 ficat, & exacuit. Certus præterea  
 est, licet non excludat fidei obscuri-  
 tatē, quia de rebus diuinis eò certio-  
 res reddimur, quò clariùs eas perspi-  
 cimus. Hic verò intuitus admiratio-  
 nem maximam infert, quia licet ob-  
 jecta, quæ contemplamur, iam no-  
 bis cognita & perspecta sint, tam no-  
 uo tamen, & insolito modo propo-  
 nuntur, vt stupenda & mirabilia vi-  
 deantur. Tandem contemplatio ab  
 amore Dei incipit, & in amorem de-  
 finit: tametsi enim essentialiter sit  
 actus intellectus, principium nihilo-  
 minus habet in voluntate, quia ex  
 charitate Dei ad eius contemplatio-  
 nem incitatur: & quia finis corres-  
 pondet principio, finis quoque eius  
 est in affectu, dum in visione rei  
 amatae delectamur, & ipsa delec-

tatio magis excitat amorem.

5. Multiplex est objectum circa quod versatur contemplatio, Deus in primis optimus maximus, ut iam supra dictum est, eiusque infinitæ perfectiones. Deinde Christus Redemptor noster, & quicquid ad illum spectat: B. Virgo, Angeli, & Sancti, eorumque dotes, & beatitudo statûs Ecclesiæ militantis, & eiusdem persecutiones & triumphi: mundus iste visibilis, & omnes creaturæ, quatenus perducunt nos ad Dei cognitionem, & amorem: atque ut vno verbo omnia complectar, quicquid ad meditandum assumitur, materia est quoque contemplationis, nisi quod meditatio inuestigat, contemplatio degustat: illa discurrit circa objectum, hæc simpliciter intuetur. Causa proxima unde oritur, est Spiritus sanctus mediantibus donis suis, sapientiâ præfertim & intellectu. Sapientia enim cõfert intellectui cognitionem altissimam, & simplicissimam rerum divinarum, cum quadam mirabili suavitate, sapore, atque dulcedine. In-

tellectus intellectui nostro superad-  
ditur, vt res fidei intimiùs penetret,  
& subtiliùs apprehendat. Scientia  
fidei veritates manifestat rationibus  
capacitati nostrę accommodatis, ele-  
uatque spiritum nostrum à creaturis  
ad Creatorem, & ab eis cor nostrum  
auellit, docens nos aspicere ea quę  
habent à Deo, & bonum quod per il-  
las nobis confert. Consilium perfic-  
cit mentem nostram, vt se mobilem  
præbeat ad dictamina Dei, & vt dis-  
cernat in quauis occasione quid fa-  
ciendum aut fugiendum sit. Pietas  
voluntatem exornat, & excitat in ea  
piam affectionem ad opera diuini  
cultus, & misericordię erga proxi-  
mos. Neque enim otiosa est con-  
templatio, sed practica esse debet, &  
dirigere non solum ad cognitionem  
& amorem, verum etiam ad operan-  
dum, & exequendum quod Deus iu-  
bet. Fortitudo corroborat ad opera  
difficillima, vires naturę exceden-  
tia, ita vt exeamus ab ipsa contem-  
platione quasi leones Dæmoni for-  
midabiles. Timor denique imprim-  
mit cordi magnam erga Deum re-

b Ruf-  
 broch.  
 in re-  
 gno  
 Deum  
 aman-  
 tium.  
 Har-  
 phius  
 l. 3. p.  
 1. c. 10.  
 & II.  
 Massut.  
 de Cæl.  
 conu.  
 lib. 4.  
 Alua-  
 rez to.  
 3. lib.  
 5. p. 2.  
 c. 4.  
 Ponte  
 in Du-  
 cespi-  
 rit.  
 tract.  
 3. c. 3.  
 §. 1.  
 Bona-  
 uent.  
 in  
 tract.  
 deip-  
 sis.  
 c Tract.

uerentiam, & in prosperis atque ad-  
 uersis nos diuinæ voluntati perfe-  
 ctissimè subdit. Plura de his Scrip-  
 tores Mystici<sup>b</sup>. Dionysius Richelus<sup>c</sup>  
 post dona Spiritus sancti tres adhuc  
 causas contēplationis enumerat, fer-  
 uidum scilicet amorem Dei, abstra-  
 ctionem mentis ab omni operatione  
 circa res creatas, & conatum men-  
 tis ad extensionem, ac defectionem  
 suam in Deo. Et amor quidem ad-  
 mirabili circulo causa simul est, &  
 effectus contemplationis, ut supra in  
 eius definitione notatum est. Abstra-  
 ctio autem pertinet ad præparatio-  
 nem ipsius, ut idem Dionysius alibi<sup>d</sup>  
 scribit. Quod verò de conatu dicit  
 prudenter intelligendum est: nam  
 contemplatio donum Dei est, quæ  
 neque industria nostra, neque labo-  
 re comparari potest; quia tamen dis-  
 positiuè, ut aiunt, nos circa eam ali-  
 quid agimus, ad hoc applicare co-  
 natum nostrum debemus, ut præuiis  
 dispositionibus ad eam præparemur;  
 abnegatione nimirum, mortificatio-  
 ne, puritate vitæ, meditatione, iu-  
 gi præsentia Dei, & exercitio Aspi-

rationum. [ Status enim diuinus, te-  
 ste Hefychio <sup>c</sup>, nascitur in animo  
 nostro ex continua Dei memoria, &  
 assidua eius inuocatione ] Per vi-  
 tam verò practicam, siue actiuam, vt  
 ait Olympiodorus <sup>f</sup>, quæ est veluti  
 præuia introductio ad theoricam,  
 peruenimus ad contemplandam di-  
 uinarum rerum sublimitatem. Vt  
 enim tutum non est cum veste nata-  
 re, ita nec cum passione aliqua Theo-  
 logiam attingere, vt sapienter Cli-  
 macus scribit <sup>g</sup>. His igitur præpara-  
 tionibus ritè præmissis, ad fores di-  
 uinæ sapientiæ cum magna longani-  
 mitate & constantia pulsare oportet,  
 quousque ad contemplationem ip-  
 sius, ipsa auspice, introducatur; ac  
 tandem ad arcanam cum Deo vnio-  
 nem eleuemur, quæ est finis contem-  
 plationis, & huius mortalis vitæ su-  
 prema beatitudo.

de con-  
 templ.  
<sup>d</sup> De  
 fonte  
 lucis  
<sup>c</sup> 9.  
 inf.  
<sup>e</sup> Cen-  
 tur. I.  
<sup>f</sup> c. 96.  
<sup>g</sup> In Ec-  
 cles.  
 cap. 7.  
 v. 12.  
 § Grad.  
 27.





## CAPVT X.

*Indicantur Auctores, qui de contemplatione scripserunt. Quotuplex ea sit. Qui eius gradus & status. Exempla diutine probationis, & patientie in desolatione. Diuisio Animæ, & potentiarum eius secundum Mysticos. Hymnus ad Deum.*

I. **Q**Uæ de contemplatione dicenda forent, paucis verbis perstringo. Quid enim opus pluribus? Patent fontes. Omnes Mystici Scriptores, & qui de ea ex professo agunt, Richardus Victorinus libris quinque, Dionysius Cartusianus libris tribus, & aliis opusculis, Iacobus Aluarez libro quinto tertij tomi de vita spirituali, Ludouicus à Ponte in suo Duce spirituali, & optimè libris sex Thomas à Iesu; quibus addo eximiam Christi heroinam S. Tereſiam. Ab his petenda quæ

hic defunt. Quòd si aliquis cupit Mysticorū effata scholastico rigore examinare, Franciscum Suarez consulat in vtraque Theologia versatissimum libro secundo de oratione; & Maximilianum Sandæum in sua Mystica Theologia, & in ejusdem Clavi siue Onomastico.

2. Inter Ethnicos sapientes plures fuisse diuinorum contemplationi intentos ex scriptis Platoniorum liquet, & ex historiis. Sed vt notat Albertus verè Magnus, illorum contemplatio ob contemplantium perfectionem erat, & idè extra intellectum minimè procedebat, cujus solius illustratione posse se ad vniōnem cum summo bono peruenire, neglectâ curâ voluntatis, falsò existimabant. Nostra verò propter amorem Dei est, & idcirco ab intellectu transit ad affectum per amorem. Hæc diuiditur in acquisitam & infusam. Acquisitam voco, quam propria industria, & exercitatione, sed non sine diuina cooperatione & gratia, acquirimus: Infusam, quæ ex sola gratia siue inspiratione diuina pro-

Lib.  
dead  
haren-  
do Deo  
c. 9.

§ Theol

myst.

l. i.

com.

12.

h De

con-

templ.

l. 5. c.

1. &amp; seq.

i Dio-

nys.

Basil.

Mag.

Iohan.

Cypa-

rius.

Au-

gust.

Bonau.

&amp; alij

relati à

Sandæo

lib. cit.

com.

11.

κ 1. p.

qu. 13.

&amp; ubi

agunt

de attri-

but. in

genere.

manat. Illa ab habitu fidei, aliisque virtutibus Theologicis, & moralibus procedit: hæc à dono Spiritus sancti. Illa longa, & difficilis: hæc facilis, prompta, & suavis. Illa ratiocinativa dicitur, ista experimentalis. Qui primam habent optimè de ea, ejusque regulis discurrunt, experientia destituti; qui secundam, minus periti in sermone sunt, sed in usu, & experientia excellentissimi.

Diuiditur hæc etiam in puram, & mixtam. Mixta nuncupatur, quando intellectus contemplans ab operatione phantasiæ dependet. Pura, cum sine interuentu phantasmarum exercetur. Hæc difficilis est, & admodum rara, & communiter à Scholasticis negatur; admittitur tamen à Sanctis & Mysticis Scriptoribus, ut diffusissimè probant Sandæus §, & Thomas à Iesu h.

Alia diuisio est in affirmatiuam & negatiuam. Approbant hanc duplicem viam Deum contemplandi plerique veterum<sup>i</sup> & Scholastici<sup>k</sup>, docentes alia nomina dici de Deo negatiuè, alia affirmatiuè. Cum enim

Deus sit infinitus, illi attribuimus quicquid perfectionis reperitur in creaturis, sed quia creatis perfectionibus aliqua semper adhæret imperfectio, hanc remouentes in Dei notitiam per negationes assurgimus. Vterque hic modus aptè explicatur duplici symbolo, pictoris & sculptoris. Qui enim imaginem pingit, eam in tabula multorum colorum adjectione delineat: qui sculpsit, segmenta marmoris aut ligni paulatim demit, donec simulachrum perfectum reddat. Sic cum asserimus Deum esse sapientem, bonum potentem, iustum, misericordem; perfectiones ei creaturarum, velut colores iconi, adiicimus. Cum verò dicimus Deum non esse ens, neque vitam, neque sapientiam, neque potentiam, neque aliud cæterorum, eo scilicet modo, quo à nobis concipiuntur, quasi statuam dedolamus: & hoc est Deum per nescientiam scire, vt S. Maximus obseruat<sup>1</sup>, quod est proprium mysticæ Theologiæ. Vtitur prædicta similitudine S. Dionysius<sup>m</sup>; cui aliam non dissimilem corporis vesti-

<sup>1</sup> In  
cap. 2.  
myst.  
Theol.  
Dionysij.  
<sup>m</sup> Ibi-  
dem.

<sup>n</sup> Serm. ti & spoliati affert Maximus Tyrius <sup>n</sup>  
 i. Philosophus Platonicus.

Rursum diuiditur contemplatio in clarain, & caliginosam. Clara est Beatorum in patria. Caliginosa Viatorum, quæ sublimior est, quàm contemplatio pura, & ab ea differt per maiorem approximationem ad diuinam vnionem °. Caligo autem diuina, vt scribit primus Mysticorum magister P, est lumé inaccessible, in quo Deus habitare dicitur, quod nec cerni potest propter excellentem claritatem, & inaccessible est ob exceedentem supersubstantialis lucis effusionem. Quare hæc contemplatio nihil aliud esse videtur, quàm defixio mentis in huiusmodi lucem intelligentiæ oculum reuerberantem, & sua immensitate seipsam abscondentem.

Alia denique est contemplatio supereminens, altior quàm caliginosa, in qua Deus, non per dona Spiritus sancti, sed per se solus rapit ac eleuat mentem ad diuina, quæ sic eleuata Deum attingit, non per ænigmata similitudinum corporalium, sed al-

° Thö.  
 à Iesu  
 de Cō-  
 temp.  
 lib. 5.  
 c. 4.  
 P Dio-  
 nys.  
 epist.  
 5. ad  
 Doro-  
 theum.

tiori, atque ineffabili modo. Talem  
fuisse existimo Sanctissimi Patris no-  
stri Benedicti raptum<sup>q</sup>, quando extra  
mundum eleuatus, quasi sub vno  
Solis radio, vniuersum mundum col-  
lectum conspexit. Differunt de hac  
profundissimè Thomas à Iesu<sup>t</sup>, &  
latè Sandæus<sup>s</sup>: atque hanc existimo  
elegantissimè describi ab Augustino  
libro nono suarum confessionum, in  
colloquio habito cum Matre de Re-  
gno cœlorum.

3. Plures itaque, & diuersi sunt gra-  
dus contemplationis, quamuis ipsa  
vna sit, nec facilè possunt certo nu-  
mero comprehendere. Multis enim  
modis animæ contemplanti se com-  
municat Deus, & spiritus eius ubi  
vult spirat, & quando vult, & quo-  
modo vult. Et quis poterit sensum  
eius assequi, aut quis audebit termi-  
num ponere eius admirandis opera-  
tionibus? Ideò à viris Theodidactis  
horum sublimium mysteriorum ex-  
plicatio petenda est, quibus Deus,  
mirabilis in Sanctis suis, incerta &  
occulta sapientiæ suæ manifestauit.

Richardus Victorinus<sup>s</sup> sex genera

q Greg.  
2. Dia-  
log.  
c. 35.

De  
con-  
templ.  
l. 6.  
s Myst.  
Theol.  
l. 1.  
com.  
14.

Lib. de  
gratia  
con-  
templ.  
c. 6.



94 VIA COMPENDIT

contemplationis enumerat, quæ do-  
ctè, copiosè, & eleganter explanat  
toto opere de gratia Contemplatio-  
nis. Primum, inquit, est in imagi-  
natione, secundùm solam imagina-  
tionem. Secundum in imaginatione,  
secundùm rationem. Tertium in ra-  
tione, secundùm imaginationem.  
Quartum in ratione, secundùm ra-  
tionem. Quintum est supra, sed non  
præter rationem. Sextum supra ra-  
tionem, & præter rationem. Duo  
itaque sunt in imaginatione, duo in  
ratione, duo in intelligentia. Vbi  
notandum rationem distingui ab in-  
telligentia, quod qualiter intelligen-  
dum sit, infra explicabitur. Hos gra-  
dus aliter ordinat Auctor libri de spi-  
ritu & anima, & post eum Seraphi-  
cus Bonauentura<sup>u</sup>.

<sup>u</sup>Itin.  
3. æter-  
nit.  
dist. 4.  
art. 3.  
x 2. 2.  
qu.  
180.  
art. 6.  
y Cap.  
4. de  
diu.  
nomi.

D. Thomas<sup>x</sup> secutus Dionysium<sup>y</sup>  
tres gradus contemplationis distin-  
guit juxta triplicem differentiam mo-  
tus localis, circularis scilicet, recti,  
& obliqui. Anima enim quasi circu-  
lariter mouetur contemplando sensi-  
bilia, & ex his ad seipsam peruenien-  
do. Mouetur rectè, ascendendo à

se ad substantiam separatam. Oblique, cum ad diuinam veritatem contemplandam eleuatur.

Iacobus Alvarez omnia completens, quæ Sancti Patres & viri spirituales de hac re tradiderunt, quindecim nomina ad contemplationem pertinentia quasi totidem eius gradus explanat, & Sanctorum sententijs confirmat. Nomina do, explicatio apud ipsum vtilius legetur. Sunt autem ista, Intuitio veritatis, secessus animæ ad interiora, silentium spirituale, quies, vnio, auditio loquelæ Dei, somnus spiritualis, ecstasis, raptus, Christi & Sanctorum apparitio corporalis, eorundem apparitio imaginaria, visio intellectualis, visio Dei in Caligine, admirabilis visio Dei disiecta caligine, visio clara & intuitiua Dei, quæ licet propria sit Beatorum in cœlo, fuit tamen, vt probabiliter quidam Theologi docent, quibusdam sanctissimis viris etiam in hac vita concessa.

Thomas à Iesu, Angelorum immixtus choris, tres eorum Hierarchias, & cuiusque Hierarchiæ triplicem ordi-

To. 3.  
lib. 5.  
p. 3.

nem menti humanæ applicans, tres contemplantium Hierarchias in nouem gradus distinctas constituit. Prima in imaginatione potissimum residet, secunda in intellectu, tertia in apice mentis. Prima à rerum sensibilium cognitione ad inuisibilem contemplationem nos ducit. Primus eius gradus in mundi hujus visibilis speculatione & admiratione consistit. Secundus Scripturæ sacræ intimos sensus profundè scrutatur. Tertius circa Verbi incarnationem, & omnia Christi mysteria occupatur: in ipso enim sunt omnes thesauri sapientiæ & scientiæ Dei absconditi. Secunda Hierarchia rerum inuisibilium intuitu ad superna eleuat mentem, ipsumque Deum vt vnum, & trinum intuetur. Primus gradus docet nos ad Deum ascendere per suæ imaginis, animæ scilicet rationalis contemplationem, secundùm dona naturalia, & gratuita, & finem eius, qui est gloria cœlestis, ac felicitas Beatorum. Secundus relictis creaturis ipsum Deum, ejusque attributa contemplatur. Tertius tran-

sit

fit ab vnitatem Dei ad sanctissimam Trinitatem. Tertia Hierarchia per negationes ad Deum assurgit, & diuinam caliginem ingreditur. Primus ipsius gradus est pura contemplatio sine phantasmatum admixtione. Secundus contemplatio Dei in caligine. Tertius vnio mystica cum Deo.

Victor Gelenius Treuirensis summam practicam mysticæ Theologiæ in duas partes digestam conscripsit, ediditque Coloniae anno huius seculi quadragesimo sexto; in qua septem mysticos status accuratissimè describit, per quos successiuè transit anima, antequam perueniat ad culmen sanctitatis. Primus est status meditationis. Secundus aspirationis. Tertius contemplationis; modis affirmatiui & negatiui. Et hi tres modo actiuo, humano, & naturali procedunt, quamuis principio supernaturali innituntur, nec careant aliquando diuinis perceptionibus. Reliqui verò status ad modum operandi supernaturalem spectant, nec debet aliquis à Deo non vocatus temerè ad eos

transire: sunt enim hæc mystica, & secretissima Dei dona, quæ nemo nouit, nisi qui accipit; nec accipit, nisi qui desiderat; nec desiderat, nisi quem ignis Spiritus sancti inflamat. Est igitur quartus status priuationis rigorosæ, quo disponitur anima ad status supernaturales, & ideo medius consetur esse inter status naturales, & supernaturales tanquam dispositio necessaria ad modum operandi supernaturaliter. In eo cessant discursus, & conuersio ad phantasmata: anima omnino expeditur, & deputatur à modo operandi humano & naturali, spoliatur omni solatio, omnibus externis exercitijs, omni sensibili consolatione: omnes potentia in fundo animæ commorantur languentes, ac desolata: deficit & obscuratur viuacitas intellectus: actus virtutum essentiali modo exercentur: nulla hîc lætitia, sed tormentum inexplicabile. Dicant quid sit, qui experti sunt. Doctor mellifluus<sup>2</sup> comparat hunc statum morti spiritali, quam vocat mortem Angelorum. Ruibrochius<sup>3</sup> diuini spiritus

<sup>2</sup> Serm.  
52. in  
Cant.  
<sup>a</sup> De  
cro  
spirit.  
nup-  
tial.

& nostri concertationem appellat, & quandam desperationem: Taulerus<sup>b</sup> pressuram internam: Harphius<sup>c</sup> languorem infernalem, & diuisionem animæ ac spiritus: Barbansonius<sup>d</sup> item diuisionem naturæ ac spiritus: Maria Vela sanctimonialis Cisterciensis<sup>e</sup>, terribile martyrium: B. Catharina Genuensis<sup>f</sup>, horribile & indicibile tormentum. Ioannes à Cruce<sup>g</sup> sub noctis obscuræ symbolo eum pingit, & purgatorio assimilat. Thomas à Iesu<sup>h</sup> purgatorium quoque esse dicit in via vniuiua contingens. B. Angela de Fulgineo<sup>i</sup> maluisset in inferno esse, quàm talem priuationem sustinere, quæ in ipsa mirabilis fuit. Seraphica Virgo Teresa<sup>k</sup> quid pateretur in hac pressura constituta, ipsa enarrat in vita, & scriptis suis. Alia aliorum effata prætermitto, & transeo ad alium statum. Hic est quintus, & dicitur status mysticæ vniionis, quando à pressura rigidæ priuationis respirans anima incipit reuiuiscere, & spe interioris perceptionis erecta lumen & amorem suscipit, in libertatem spiritus paulatim

<sup>b</sup> Serm.

1. Dom.

15. post

Pente-

cost.

<sup>c</sup> Lib.

3. c. 13.

<sup>d</sup> Se-

mit.

occult.

p. 2. c.

10.

<sup>e</sup> Vitæ

P. 2. c.

43.

<sup>f</sup> Dialo-

gi c. 2.

<sup>g</sup> Assim

in as-

cens.

mont.

Car-

meli.

<sup>h</sup> De

orat.

in sc.

lib. 4.

c. 19.

1 Vitæ

c. 19.

x Vitæ

c. 25.

&amp; man-

sione 6.

c. 1.



transit; & quantò ampliùs ascendit, tantò faciliùs capaciratem spiritus erigit ad Superiora, donec à Deo sursum tracta perueniat ad felicissimam cum ipso vnionem. Sextus est status Transformationis per donum Sapientiæ, per quam intelligimus, non substantialem Transformatio- nem: Absit, vt consentiamus erro- ri iam pridem damnato, quo quidam opinati sunt animam hominis à pro- prio esse desinere, & in ipsam Dei es- sentiam transire: sed arctissimam vnionem cum summo bono, qua My- sticus diuinæ consors naturæ factus modo perfectissimo, in eandem ima- ginem transformatur de claritate in claritatem tanquam à Domini spiri- tu, ita vt in eiusmodi felicitate per- fecta ratio mysticæ possessionis inue- niatur. Hujus Transformationis du- plex est modus, vnus quo ex alto ad inferiora descendere dicitur; alter, quo ab inferioribus ad superiora af- cendit. [ Charitas enim, vt verbis vtar S. Bonauenturæ, ad superiora ascendit, vt in eis requiescat; ad in- feriora tendit, vt ea ad se reducat:

quart.  
fin.  
atq. n.  
dist.  
c. art.  
3.

fursum mouetur, vt illic maneat; deorsum, vt redeat. ] Porro hinc anima silentij mystici quietam fruitionem adipiscitur, quousque spiritum suum supra se in alto videat. Licet enim in statu vnionis supremas spiritus fruitiones experiatur, nondum tamen plenam requiem, & appetitus satietatem consecuta est; quia frequenter reincidit in carentiam & cessationem vnionis: in hoc autem statu nullam patitur distractionum molestiam, nullam passionum inordinationem, nullam gaudij spiritualis interruptionem. Septimus denique status est Sanctorum militantis Ecclesiæ, quando anima abundantiori gratia, vitæ eximia sanctitate, dono miraculorum, aliisque gratiis, quas gratis datas vocant, à Deo illustratur. Hujus autem status ecstases, raptus, & alias mirabiles operationes reuereri oportet, & admirari, non æmulari.

4. Hi sunt gradus & status vitæ contemplatiuæ, quos, Deo auspice, majori, qua potui claritate & breuitate explicare conatus sum: à suis

enim Auctōribus fusiùs & obscuriùs describuntur. Quæ verò ex præfatis diuisionibus præferri debeat, non est meum diffinire. Hoc solùm admo-  
neo, quòd Richardus gradus distin-  
xit in ordine ad potentias, quarum ministerio Anima contemplatur. An-  
gelicus doctor modum respexit ope-  
randi; Iacobus Aluarez non tam gra-  
dus recenset, quàm effectus & pro-  
prietates contemplationis. Thomas  
à Iesu in prima & media Hierarchia  
omnia objecta complectitur circa  
quæ versatur contemplatio: in ter-  
tia modum tradit, quo anima suum  
primarium objectum perfectiùs con-  
templando attingere potest. Tan-  
dem Victor Gelenius non gradus  
contemplationis, sed vitæ mysticæ  
& contemplatiuæ varios status sibi  
inuicem succedentes describit, me-  
thodum seruans & ordinem, quo so-  
let Anima ab infimis ad suprema per  
media progredi. Legimus quidē ali-  
quem nonnunquam extitisse, qui ab  
infimo statu ad supremum sine me-  
dio pertractus fuit: sed hæc priuile-  
gia singularia sunt, quæ Deus omni-

potens quando vult operatur: quæ  
 nec trahere in consequentiam licet,  
 nec curiosè perscrutari. Sapientia  
 Dei infinita est, iustissima prouiden-  
 tia, iudicia eius abyssus multa. Ali-  
 quando imperfectis gratiam con-  
 templationis largitur, quam perfe-  
 ctis negat, & vni dedit quinque ta-  
 lenta, alij duo, alij vnum. Dicam  
 cum Augustino: [ Nemo venit ad Tra&. 26. in  
 Deum, nisi tractus. Non traheris? Ioan.  
 ora vt traharis. Quare autem illum  
 trahat, & illum non trahat, noli  
 velle iudicare, si non vis errare. ] Si  
 Dei beneficio ad sublimiora euectus  
 es, custodi thesaurum tuum cum hu-  
 militate, & gratiarum actione: si re-  
 lictus es in gradu inferiori, caue tepi-  
 ditatem, & negligentiam; & te per-  
 fectius semper exerce in meditatione  
 & aspirationibus; nam vt docet Ioan-  
 nes Abbas apud Cassianum: [ Me- Coll.  
 lius est deuotum in minoribus, quàm 19. c. 1.  
 indeuotum in maioribus professio-  
 nibus inueniri. ]

§. Libet autem hîc quærere & ob-  
 stupefcere, vnde proueniat tam exi-  
 guum esse numerum incumbentium

myſtica Theologia & contempla-  
 tion; cū ſint tamen innumeri vi-  
 ri piſi, & religioſi, diuinæ gratiæ con-  
 ſortes, & donis Spiritus ſancti præ-  
 diti: creſcitque admiratio expenſa  
 ratione habitus, qui quò nobilior eſt,  
 eò maiorem confert potentiæ ope-  
 randi facilitatem. Cum ſit ergò in  
 omnibus juſtis habitus ſapientiæ, quæ  
 eſt donum Spiritus ſancti, cur è tot  
 millibus vix vnus reperitur rerum di-  
 uinarum contemplator? Profectò  
 mirum eſt hoc, & poſſumus cum  
 Propheta plorare & dicere, [ Viæ  
 Sion lugent, eo quod non ſint, qui  
 veniant ad ſolemnitatem. ] Hujus  
 rei cauſas ſubtilius indagare, maio-  
 ris otij & voluminis foret. Nonnul-  
 las breuiter attingam. Calagurita-  
 nus, qui hoc dubium proponit, cau-  
 ſam potiffimam eſſe putat, non ſeriò  
 vitare leuioreſ culpas, nec perennem  
 cordis alere puritatem: ſi enim hæc  
 exquireretur, in cordibus puris faci-  
 le diuina cerneretur imago. Hæc il-  
 le veriſſimè, nam & ſapientes Eth-  
 nici hanc veritatem cognouerunt.  
 Hierocles tunc hominem poſſe fieri

Thren.  
 l. 4.

Ioan.  
 à Ieſu  
 Maria  
 myſt.  
 Theol.  
 c. 3.

Init.  
 carmi-  
 num  
 Py-  
 thag.

diuinum ait, cum exuerit quicquid humanum est. Musonius apud Aristidem, [Eijce, inquit, quod est in anima mortuum, & Deum cognoscas.] Plato mentem à corpore separandam asserit, vt Deo jungatur. Alij causam reiiciunt in naturalem corporis, & temperamenti dispositionem, ratione cuius nonnulli ad mysticas functiones inepti sunt: nam teste Magno Gregorio sunt quidam ita inquieti, vt sedere cum Maria ad pedes Christi minimè valeant. Sed vt obseruat sanctæ memoriæ Episcopus Geneuensis debent qui sunt huiusmodi naturam vincere ope diuinæ gratiæ, quæ omnibus inuocantibus adest, & volenti nihil difficile. Ludouicus à Ponte aliam assignat rationem singularem Dei prouidentiam in Ecclesiæ gubernatione, in qua diuersa officia & gradus sunt. Quare debet vnusquisque suam attendere vocationem, & inuitantis vocem sequi, omnia remouendo impedimenta. Præclarè Bernardus,<sup>1</sup> [Omnes nobis causamur deesse gratiam, sed iustius forsitan ipsa sibi querita gra-

6. Sa-  
c er m  
S i m o.  
t. i.

Moral.  
cap. 17

Dedi-  
uino  
amore  
l. 12. c.  
Ducis  
spirit.  
tr. 3.  
c. 2.

Th.  
S.  
na.



tia deesse nonnullos. Nempe res cordis est gratia deuotionis ista quam quærimus, & hoc munere ipse se fraudat, qui internum ei dissimulat recepraculum exhibere.]

6. Quòd si loquamur non simpliciter de contemplatione, sed de transitu à modo operandi humano, & naturali ad diuinum & supernaturalem; aduertendum est non nisi post longam & durissimam probationem, quam in statu priuationis supra descripto anima experitur, à Deo concedi: qua de re mysticum admonere placuit, ne diutino labore pertæsus animus despondeat, & à cœpto itinere retrocedat. Et ne videar temerè loqui, adfero exempla. Vbertinus de Casali<sup>m</sup> quatuordecim annis laborauit, priusquam introduci ad intimam perfectior em mereretur. S. Terefia<sup>a</sup> octodecim annis intolerabiles angustias passa est. S. Franciscus<sup>o</sup> per biennium grauissimo mœrore tabescebat. B. Clara de Monte Falco<sup>p</sup> quindecim annos huic priuationi impendit. B. Catharina Genuensis martyrium suum in suo dia-

in Arb.

uitæ

prolog.

1.

in Vitæ

lib. c.

o.

Chro-

nic.

Minor.

1. lib.

c. 57.

Har-

ius

b. 2.

5.

illat.

in fi-

re.

logo ipsa describit. Altera Catharina Bononiensis<sup>q</sup> per quinque annos valdè desolata fuit, & à Dæmonibus exagitata. Maria Ægyptiaca<sup>r</sup> septemdecim annis afflicta ad purum decoxit scoriam suam. B. Maria Magdalena de Pactiis<sup>s</sup> per annos quinque, & deinde per alios sexdecim tantam ariditatem passa est, vt videretur à Deo derelicta. B. Henricus Suso<sup>t</sup> per decennium diuina caruit consolatione. Balthassar Alvarez<sup>u</sup> vir eximie sanctitatis è Societate Iesu non nisi post sexdecim annos in vitamystica cum tenebris & labore decursos diuinę lucis adeptus est illustrationē. Thomas à Iesu<sup>x</sup> annis plusquam viginti laborans percipere non potuit quid sit vnio animæ cum Deo, donec tandem diuina bonitas ei reuelauit. Quod si in viridi hæc facta sunt, in arido quid fiet? Animo igitur infracto in via Domini perseuerare oportet, & ab eius disciplina non deficere, quia vt ait B. Laurentius Iustinianus<sup>y</sup> in bono occupatos non derelinquit, illosque ex insperato, & in nesciente caligine visitare consue-

q lib.  
de 7.  
armis:  
& Iacob.  
Grasset.  
vitæ  
eius.  
<sup>r</sup> In vitis Patr.  
lib. 1.  
<sup>s</sup> In vita ip-  
sius.  
<sup>t</sup> Vitæ suæ c.  
23.  
<sup>u</sup> Lud. Ponte  
in vita eius c.  
2. & 13.  
<sup>x</sup> In praf.  
lib. de de orat  
infusa  
<sup>y</sup> De trium-  
phali Chrit  
agone  
c. 17.

Serm.  
de Cir-  
cumcil.

uit. D. Bernard. vsque ad finem vitæ hanc spem, & patientiam extendit, sic enim ait: [ Multi tota vita sua ad hoc tendunt, & nunquam pertendunt; quibus tamen si piè, & perseueranter conati sunt, statim vt de corpore exeunt, redditur quod in hac vita dispensatoriè est negatum: illuc perducende eos sola gratia, quò priùs tendebant ipsi cum gratia, vt consummati in breui expleant tempora multa.

In fine  
lib. i.  
ladi.  
Arium.

7. Desino, si priùs explicauero quod ante promisi, animæ scilicet & potentiæ eius diuisionem secundùm Mysticos. Marius Victorinus Afer duas distinguit animas in homine, duas mentes, duplicem rationem cœlestem, & hylicam. Constat enim homo duplici natura corporali & spiritali, & ideò duplices debet habere operationes corporales, & spirituales; quarum ordinem & directionem in proprium finem respicientes Mystici hominem animale & spirituale distinguunt, non per substantiam, sed per meriti qualitatem, vt loquitur Paulinus Aquileiensis<sup>2</sup>.

In li-  
br. i.  
adu.  
Felic.  
Vige-  
lit &  
El. an-  
tum  
Tolof.  
Episco-  
pus m-  
ner.

Animæ autem virès siue potentias in Ordine ad contemplationem sex esse statuit Seraphicus Bonauétura, nempe sensum, imaginationem, rationem, intellectum, intelligentiam, & apicem mentis, siue synderefis scintillam. Asserunt quidem Philosophi rationem, intellectum, & intelligentiam non esse diuersas potentias; non tamen negant esse diuersos actus, siue gradus intellectus. Nam vis intellectiua, in quantum est discursiua, dicitur ratio; in quantum est simpliciter intuitiua, dicitur intellectus: in quantum est Diuinitatis contemplatiua per simplicem apprehensionem, dicitur intelligétia, quod optimè Richardus obseruat. Synderefis verò, quæ est habitus rationis practicæ animæ concreatus, quo prima principia in operabilibus naturaliter cognoscit, meritò à Mysticis apex mentis nuncupatur, & scintilla rationis siue intelligentiæ, quia per eam sortitur anima quemdam respectum ad Deum immediatum, quo capax est ab ipso immediatè rangi, & irradiari: & quia semper nata est in

Mentis  
in Deū  
c. 1.

Lib. 1.  
de con-  
templ.  
c. 9.

# 110 VIA COMPENDII

superioribus figi, & ad diuina eleuari: illustratque animam splendore cognitionis & ardore inclinationis ad bonum eam succendit. Hæc ad mentem Bonauenturæ. Alij aliter procedunt. Animam vocant secundum operationes partis sensitivæ, & appetitivæ: spiritum quoad vires rationales. Mens vel apex spiritus est nudus ac Deiformis animæ fundus, id est simplex animæ essentia imagine Dei insignita. Per fundum autem intelligo animæ nostræ *ἡμετέραν*, seu principem partem, ut voce utar Stoicorum, aliter tamen quam ipsi intelligent. Concipio enim animam tanquam vas quoddam lucidum, capax omnium illuminationum, & umbrarum à rebus quibuscunque prouenientium. Sicut autem infimum vas fundus vocatur omnia superinfusa sustentans ac retinens: ita princeps nostri pars, seu apex mentis idem sortitur nomen. Et sicut fundus eò magis absconditur, quò magis repletur corporibus densis: ita anima eò minus diuinam percipit irradiationem, quò crassiores species re-

AD DEVM, CAP. X. III

rum terrenarum Dei illustrationi superinfundit. Cunctis verò imaginibus creaturarum euacuatis, simplex dumtaxat, & amabilis Dei vultus in fundo animæ apparebit. De hoc fundo plura Taulerus, & alij Mystici passim. Eius quoque mentionem facit S. Diadochus Photicensis Episcopus, qui vixisse creditur circa finem quarti seculi, quod notare volui, ne quis hanc vocem nouitatis incuset.

De  
perfect.  
c. 26. &  
33.

8. Quoniam autem huc perueni, & hanc breuem Hægogem mysticæ Theologiæ, Deo duce, conscripsi, iam ad praxim Aspirationum descendendum est, si prius hymnum cecinero, quo & gratias primæ omnium causæ agam, & vires postulem ad ea quæ desunt perficienda.

[ **O** Fons decori luminis,  
O lux serena siderum,  
Ignis Deus purissime,  
Vigor perennis cordium.

Te voce semper, te prece,  
Te mente grata, vindicem  
Meæ salutis concinam,  
A Sole Eoo ad Hesperum.

Ex li-  
bel.  
meo-  
rum  
carmi-  
num  
non-  
dum  
impres-  
so.



112 VIA COMPENDII

Tu spes mihi, tu præmium,  
 Tu portus es fiducia:  
 Te fretus vno pertuli  
 Sortis procellam turbidæ.

Inter labores asperos  
 Lumen tuæ clementiæ,  
 Repente fulgens, vim procul  
 Abesse iussit Tartari.

Salve supernum incendium,  
 Clarumque mentium jubar:  
 Ad te reuertor, supplicem  
 Voca per ignes mysticos.

Descende flamma, illabere  
 Cœlorum ab arce fulgida,  
 Infunde cæco pectori  
 De fonte lucis lumina.

Cor, ossa, fibras concrema,  
 Venas, medullas, viscera;  
 Ipsamque mentem, ac spiritum,  
 Vt totus ardeam tibi.

O fors beata, ô gaudium,  
 Conjuncta cum mens Numini;  
 Et immemor rerum omnium,  
 Te diliger perenniter.

Summo Parenti Cœlitum,  
 Natoque, & almo Flamini  
 Sit laus, decusque perpetim  
 Nunc & per omne seculum.]

## CAPVT XI.

*Gemitus Animæ Pœnitentis pro  
Incipientibus.*

**Q**Uamuis expertis difficile non sit propriis motibus ad Deum assurgere, possitque vnusquisque ex pharetra sui cordis sagittas orationum depromere; ne his tamen deficientibus pius Asceta aridus reperiatur, defectuue lignorum mysticus ignis in ara cordis extinguatur: ex scriptura & Sanctis Patribus sylulam Aspirationum collegi, pro triplici statu Incipientium, Proficientium, & Perfectorum; in quarum vsu & praxi quid seruandum sit, iam supra explicatum est. Habes hîc eas in varias decades distributas, quò faciliùs valeant memoriæ mandari: cui studio aliquot dies tribuendi sunt. Quid enim prodest multas Aspirationes in libello descriptas habere; nisi etiam memoriæ inscripte, imò & insculptæ sint, vt in pròptu habeantur

#### 114 VIA COMPENDII

omni hora, & momento? Proponò autem primo loco gemitus animæ pœnitentis, naturæ & doctrinæ ordinem sequutus: quia vt perueniamus ad id quod nondum sumus, purgare primò, id quod sumus, & lacrymis eluere debemus.

#### DECASI.

1. **D**omine Deus meus, ego vilissimus sum peccator; indignus planè, quem terra sustineat. Misererè mei, & salua me.

2. Domine, qui es summum bonum meum, quam longè per peccatum recessi à te, & habito in regione hac longinqua miseriarum, vbi perdididi me.

3. Pater amantissime, peccaui in cælum & coram te, verè non sum dignus vocari filius tuus, fac me obsecro sicut vnum de mercenariis tuis.

4. O quàm pœnitet me peccasse, dulcissime Deus, quàm pœnitet me, quòd legem tuam transgressus sum: ampliùs laua me ab iniquitate mea, & à peccato meo munda me.

AD DEVM, CAP. XI. 113

5. Domine Deus meus detestor peccata mea, abominor vniuersa flagitia mea, confiteor ingratitudinem meam, & confugio ad aram misericordiæ tuæ.

6. Ablue me, Christe Iesu, pretioso sanguine tuo, & munda me ab omni peccato.

7. Sana Domine animam meam peccatis vulneratam, vnge oleo gratiæ tuæ cicatrices delictorum meorum, ne quæso despicias me.

8. Domine Deus pijsissime, ab hac hora nunquam transgrediar legem tuam, nunquam ampliùs consentire volo in aliquod peccatum: malo incurrere omnem pœnam, omnem infamiam, atque ipsam mortem, quàm deinceps peccare.

9. O Pater amantissime, da mihi vt faciam fructus dignos pœnitentiæ, & puniam delicta mea debita castigatione.

10. Erraui sicut ouis quæ perierat, audio tamen dulcissimam vocem tuam: Tu fornicata es cum amatoribus multis, tamen ad me reuerte-  
re, & ego suscipiam te.

## DECAS II.

1. **N**unc cœpi, Domine, nunc vivere incipio, non in fortitudine mea, neque in virtute brachij mei, sed in multitudine miserationum tuarum: confirma hoc tu, quod operatus es in me.

2. Tu, Domine, integros sensus, & cor docile tribuisti mihi: sed heu me miserum & infelicem, quia omnibus bonis tuis abusus sum. Tu verò Pater misericors peccantem reuocasti, & à pœnis inferni liberaasti.

3. Doleo & angor vehementer ob innumera peccata mea, quibus te benignissimum Redemptorem offendi, diaboli seruum me feci, indignationem tuam prouocaui.

4. O si nunquam, Amantissime Pater, præcepta tua transgressus essem? ô si nunquam in tantam miseriam, & calamitatem incidissem? ô si nunquam peccassem? ô illos felices, qui innocentiam non perdidērunt, qui baptismatis gratiam illibatam custodierunt.

AD DEVM, CAP. XI. 117

5. Statuo, summe Deus, in posterum non peccare: firmissimè propono tua sanctissima præcepta non transgredi; verè & ex corde decerno cum adiutorio gratiæ tuæ vniuersam legem implere

6. Respice in me, Domine, oculis misericordiæ tuæ, dele præterita peccata mea, concede mihi per bonitatem tuam gratiam emendationis.

7. O quanta fuit hætenus ignauia mea? tempus ad pœnitentiam concessum perdidi, gratiam & auxilia reieci, vocibus tuis, quibus me vocabas obsurdus: & nunc, Domine, quid faciam? Pœnitet me peccasse, miserere mei.

8. Eheu Domine Deus, quanta sunt vulnera mea, quanta infirmitas & prauitas mea, pro quibus sanandis crucifixus es, & occisus.

9. Deus propitius esto mihi peccatori: Iesu Fili Dei viui miserere mei.

10. Dominator vitæ meæ, ecce video, cum non est in me bonum, nec sanitas animæ meæ: miser & cæcus sum, nihil possum, nihil sum sine te,



## DECAS III.

1. **O** Saluator piissime, tu sci squot mala commisi, quot bona omisi: propitius esto mihi & salua me.

2. O magna domus Dei quàm vilis mihi fuisti, & quàm turpiter te pro nihilo contempsisti?

3. O quàm iustè me in infernum detrudere poteris, iustissime iudex, & mihi clementer pepercisti.

4. Confiteor, Domine, me omnium quos mundus habet vitiosissimum esse; sed nihilominus in immensa confido bonitate tua. Et si sunt super numerum peccata mea, non est etiam numerus misericordiæ tuæ.

5. Deus tu scis insipientiam meam, & delicta mea à te non sunt abscondita. Delicta iuventutis meæ, & ignorantias meas ne memineris.

6. Deus meus misericordia mea, oro te per dilectum filium tuum, da mihi virtutes amplecti, vitia reiicere, terræna calcare, cœlestia scire.

7. Væ tempori illi, quando te non cognoscebam summum bonum animæ meæ : væ cæcitati illi, quando te non videbam.

8. Domine Deus meus, quando plenè mihi moriar, & tibi viuam? quando me ab omnibus rebus terrenis expediam? quando sensus meos & affectus plenè cohibebo, & quicquid est in me vitiosum frænabo?

9. O si iam mundum contemnerem? ô si terrena calcarem? ô si quod amant mundani pro nihilo ducerem?

10. Vtinam ab omni vitio purgatus, & ab omni inordinata affectione emundatus diuino illapsu dignus essem, & cœlestium charismatibus gratiarum.

#### DECAS IV.

1. **M**ortifica, Domine, passiones meas, cohibe illas, & moderare amore & præsentia tua, ne me perturbent; sed magis ad id iuuent, cuius gratia eas dedisti, ad bonas scilicet operationes.

2. Amoue à corde meo inanes cogitationes, & verear illud euoluere in conclau animæ meæ, vbi tu habitas, quòd si ad notitiam hominum venturum esset, cogitare erubescerem.

3. Vilescat mihi, Domine, omnis creatura, & nihil mihi placeat, nisi tu.

4. Dulcis Iesu, quàm amabilis est gratia tua, quàm suavis amicitia tua? ne quæso abiicias me propter peccata mea.

5. Ne proicias me Deus à facie tua, accelera, precor, & sensus meos erue citò de luto fœcis.

6. Ablue me, Domine, pretioso sanguine tuo, sana me vulneribus tuis, sanctifica me amarissima passione & morte tua.

7. Qui plasmasti me, & per crucem tuam redemisti mundum, adiuua me, & miserere mei.

8. Aperi mihi viscera benignitatis tuæ, clementissime Pater, recipe me in gratiam tuam, & dimitte omnia peccata mea.

9. Da mihi, Domine, fortis & patiens,

AD DEVM, CAP. XI. 121

tiens tantam contritionem, quantam  
scis deberi peccatis meis. Peccaui,  
miserere mei.

10. Hic vre, hic seca, vt in ater-  
num parcas: hic me castiga, & noli  
in futurum reseruare mala mea.

DECAS V.

1. **P**eccau super numerum arenæ  
maris; indignus sum, Domine,  
miserationibus tuis, sed misericordia  
tua superat scelera mea.

2. Nonne dixisti, Domine, gau-  
dium esse in cœlo super vno pecca-  
tore pœnitentiam agente? exple igitur  
hoc gaudium in cœlis de me.

3. Tu Domine, qui non vis mor-  
tem peccatoris, sed vt conuertatur  
& viuat, largire mihi vitam, qua de-  
stituor.

4. Venistine, Domine, vt iustos  
traheres ad te, an vt peccatores? Si  
peccatores, ecce me maximum om-  
nium, trahe me ad te.

5. Miserere mei Deus secundum  
magnam misericordiam tuam & se-  
cundum multitudinem miserationis

num tuarum dele iniquitatem meam,

6. Asperge me Domine sanguine tuo, & super niuem dealbabor.

7. Cor mundum crea in me Deus, deterfis sordibus animæ meæ.

8. Redemptor animæ meæ, quamdiu auertis faciem tuam à me, & non succurris gementi?

9. Ecce me filium prodigum, & prodigo deteriorem: miserere Pater, & dona me annulo, & veste, & dignum fac amplexu tuo.

10. Non sit frustra pro me fusus sanguis tuus, dulcissime Saluator, sed in salutem & vitam æternam.

### DECAS VI.

1. **Q**Uousque non mederis vulneribus meis medicorum peritissime, & clementissime Iesu Christe? Ecce cæcus sum ad videnda quæ recta sunt, claudus ad obsequia tua, surdus ad monita, mutus ad preces, paralyticus ad opera bona: miserere, & sana me.

2. Sanguine tuo medere mihi Dô-

mine, & cura vulneribus tuis vulnera mea.

3. Domine ne in furore tuo arguas me, neque in ira tua corripias me.

4. Ecce ego seruus tuus sum, & filius ancillæ tuæ, lætifica animam serui tui, quoniam ad te, Domine, animam meam leuauit.

5. Non mereor filij nomen, & tamen tu pater es: semper sis, vt semper sim filius.

6. Deus tu scis insipientiam meam, & delicta mea à te non sunt abscondita. Vtinam non peream in insipientia mea.

7. Dixi, confitebor aduersum me iniquitatem meam Domino, & tu remisisti impietatem peccati mei.

8. Non veniat mihi pes superbiæ, & manus peccatoris non moueat me.

9. Delicta quis intelligit? Ab oculis meis munda me Domine, & ab alienis parce seruo tuo.

10. Memento quæso quod sicut lutum feceris me, & in puluerem reduces me.



## DECAS VII.

1. **N**on intres in iudicium cum seruo tuo Domine, quia non justificabitur in conspectu tuo omnis viuens. Misericordia indigeo, pacem quæro, non iudicium.

2. Vide humilitatem meam & laborem meum, & dimitte vniuersa delicta mea.

3. Ostendo tibi Pater immania delicta mea, quæ libentiùs occultarem, si possem, & obliterarem sanguine cordis mei. Atque vtinam aboleantur vnâ guttâ sanguinis dilectissimi Filij tui, Redemptoris mei, ne appareat coram te sceleritas mea.

4. Heu me Domine quia peior Dæmonibus sum, & in natura quidem manifestum est, in moribus etiam fateor, nam video plura in me peccata, quàm in illis.

5. Confiteor tibi Deus meus decora mea in laude tua: recolo coram te scelera mea, non quod ea amem, sed vt amem te lumē oculorum meorum, & fons misericordiarum.

6. Purissime & sanctissime Deus, malo millies mori, quàm te vel leuissimè offendere.

7. A nullo hoste magis timeo, quàm à meipso. Quis me custodiet à meipso? Non utique ego. Nisi enim tu custodieris me, frustra ego vigilo ad mei custodiam.

8. Veni Domine ad me, quia longè recessi à te. Docce me venire ad te, non enim possum, nisi tu qui es via, doceas me.

9. Detestor peccata mea, Deus meus, corde saluatoris mei. Sicut cor Iesu ea fleuit, ita ea ploro & abominor.

10. Quis mihi det vt fit magna velut mare contritio mea, ex quo lacrymarum flumina exeant, & in illud intrent, vt iterum ac perenniter fluant?

# DECAS VIII.

1. **O** Vbi estis lacrymæ, vbi dolores? Describite omnes & in me tot scelerum reum agminatim irruite.

2. O quàm bonum erat mihi si natus non fuisset : neque enim vitam mihi dedisti, vt te offenderem Deus meus.

3. O Sol mundi oculo, qui me toties peccantem aspexisti, vtinam me deinceps non nisi dolentem & lugentem aspicias.

4. Contremiscite omnes artus mei ad horrificum nomen peccati. Et vos omnes creaturæ vindicate in me creatoris offensam.

5. O qualem Deum offendi, quàm amabilem, quàm amantem mei, Deum dilectionis, beneficentiæ, & bonitatis?

6. Quid iniquitatis inueni in te, ô bone Iesu, vt tam crudeliter, tam impiè agerem tecum?

7. O si quod factum est possem infectum reddere! ô si tempus præteritum reuocare! quàm libenter cum perdita innocentia vitam commutarem!

8. Pœnitet me peccasse Deus meus, semperque pœnitebit : & si possem infinito dolore dolerem quòd offenderim te.

9. Conuertere Domine, & eripe animam meam, saluum me fac propter misericordiam tuam.

10. Vide Domine afflictionem meam amaram nimis, quia non est qui auxilietur mihi, nisi tu Deus meus.

DECAS IX.

1. **S**iccine permittis, Domine, me indignissimam creaturam tuam à terra sustentari? ô quanta est bonitas, & misericordia tua.

2. Placare, Domine, ostende mihi serenum vultum tuum.

3. Ecce Deus tuus, anima mea, ecce qui delet peccata tua: vide quanta pro te pertulit, quanta charitate te diligit: caue ne vnquam ab eo discedas.

4. Hoc vnum à te peto, Domine mi, exaudi me, vt non peccem, vt cognoscam & faciam voluntatem tuam.

5. Veni Domine in cor meum, fac flagellum de funiculis, & eijce ab eo omnes profanantes domum tuam.

6. Da mihi, Iesu benignissime;

128. VIA COMPENDII

vnam ex tuis lacrymis, quas pro me  
vberrimè effudisti, vt eam offeram  
Patri tuo in satisfactionem pro pec-  
catis meis.

7. Recipe fugitiuum tuum, Cle-  
mentissime Pater, pateat mihi pul-  
santi janua tua, accipe me fugientem  
ab inimicis.

8. Mortifica & auelle à me quic-  
quid displicet tibi: viuifica & auge  
in me quod tibi placet, tu qui mor-  
tificas, & viuificas.

9. O Pater amantissime, si vis po-  
tes me mundare. Sana animam meā,  
quia fateor me peccasse.

10. O si omni vitio carerem? ô si  
sensus ab illicitis objectis cohibe-  
rem? ô si totus compositus intus &  
foris essem? Quando, quando ab  
omni labe purus ero? Quando ita  
expurgatus, & ordinatus, vt nihil  
appareat in me, quod intuitum ocu-  
los possit offendere? Adiuua me Do-  
mine Deus meus, & peccatricis ani-  
mæ meæ ablue sordes.



## CAPVT XII.

*Pia desideria ad vsum Proficientium.*

**A** Nima, quæ à Deo aberrauerat, post quam redijt in viam bonam, similis est filiis Israël, quos Dominus in manu forti de seruitute Ægyptiaca liberauit. Sicut enim illi egressi de Ægypto in terram fluentem lac & mel, duce Moysè, progressi sunt: ita anima ad vltiora procedere debet, contemptis hostium tentationibus ad reditum in Ægyptum sollicitantibus, quia Dominus pro nobis pugnat, & adiutor noster est, virtus nostra, & tutissimum refugium; ad quem feruidis motibus cor erigere, ejusque opem jugiter implorare debemus piis desideriis, & aspirationibus, quæ statui Proficientium specialiter conueniant. Harum decades aliquot subijcio in vsum, & exemplum.



## DECAS I.

1. **I**llumina, Domine, oculos mentis meæ lumine fidei, & sapientiæ, vt te semper respiciam tanquam exemplum mihi datum ad vitam sanctè instituendam.

2. O si vires animæ meæ, Christe dulcissime, per vires sanctissimæ animæ tuæ perficeres, & reformares? Vtinam ad imaginem tuam me animo & corpore effingam.

3. Deus meus, & vita animæ meæ, quis ego sum, & quæ domus patris mei, vt præstares mihi tot beneficia? A te Domine, & ad te creatus sum: tu requies mea, tu centrum animæ meæ.

4. Bone Iesu, spes mea, & refugium meum, saluto & veneror suavissima vulnera tua, immerge me & absconde in illis; imprime illa cordi meo, vt tui amore totus ardeam & medullatus tibi compatiar.

5. Da mihi Domine intentionem rectam, vt ex filiali amore tuum honorem & beneplacitum in cunctis

quæram. Da intentionem perfectam, vt nec spiritualement consolationem exquiram, sed in omni desolatione tibi soli adhærere concupiscam.

6. Tolle Domine à corde meo nimium amorem mei, & infunde perfectum tui amorem: tolle cor serui pigri, & minus fidelis, & da cor filij per sanctam fiduciam in te sperantis.

7. O si tui dumtaxat recordarer, te solum cogitarem, te solum diligerem!

8. O si januas sensuum meorum rebus mundanis occluderem, cunctisque virtutibus ornarer, vt tibi per omnia placerem!

9. O si mentem meam ab omni multiplicitate expedires, si eam penitus in te colligeres!

10. Quæram te diligenter summum bonum meum, te sollicitè cupiam immensa pulchritudo mea, ad te velociter curram vera requies animæ meæ.



## DECAS II.

i. **D**iscedite à me creaturæ omnes, vestrarum curarum me expertem relinquire, ne impediatis salutem animæ meæ, nec me ab assidua Dei memoria interpelletis.

2. Ne me permittas, Domine, in salebra tepiditatis hædere, & caliginis ignorationis obuolui, sed expedire vires meas, vt ad perfectionem velociter curram.

3. In tuum pretiosum sanguinem me totum proijcio, vt vniuersa delicta mea, & imperfectiones absorbeat, ac in humilitate, patientia, cæterisque virtutibus contineat.

4. Hoc vnum volo, Domine, hoc vnum desidero, hoc vnum peto, vt benignis oculis respicias me.

5. Illumina cor meum, accende affectum, roboram manus, vt eum virtutis gradum, ad quem sum destinatus, per tuam misericordiam adipiscar.

6. Præsta Domine, vt per mei perfectam abnegationem ad perfectum

AD DEVM, CAP. XII. 133

tui amorem perueniam. Tu iussisti  
vt diligam te, da quod jubes, & ju-  
be quod vis.

7. Seda, precor, tentationum pro-  
cellis agitatam animam meam, tu  
qui mari terminos ponis, & dicis:  
Huc vsque venies, & hîc confringes  
tumentes fluctus tuos.

8. Adorna Rex Sion thalamum  
animæ meæ sponsæ tuæ, vt nihil ad-  
mittat, quod non sit honestum & de-  
corum, nihilque in ea appareat, quod  
displiceat oculis tuis.

9. Vnam, Domine Deus meus,  
verè mitis essem, & humilis corde;  
verè pauper, & nudus spiritu.

10. Ecce, Domine, constituo me  
in infimo loco infra omnem creatur-  
ram, quia peccator sum & omnium  
indignissimus.

DECAS III.

1. **O**Mnem voluntatem meam in  
tuam, Domine, transfundo:  
fiat voluntas tua de me & per me in  
tempore, & in æternitate.

2. Conformam me, suauissime Iesu

34 VIA COMPENDII

sanctissimæ humanitati tuæ, & da mihi liberam ad te introuersionem.

3. Instrue, dirige, & adiuua me in omnibus, vt nihilagam, nihil loquar, nihil cogitem, nihil velim, nisi quod tibi sit acceptum.

4. Benedico & gratias ago omnipotenti clementiæ tuæ, Domine Deus meus; nam quicquid mihi impendi potuit à largitate tua recepi semper inæstimabiliter supra condignum.

5. Domine quid me vis facere? fac vt viuam in beneplacito tuo.

6. Da mihi, Domine, mentem tranquillam, & excita in me castæ dilectionis ardorem.

7. Illucesce mihi anhelanti ad te, ne tenebræ mortis me comprehendant.

8. Quam bonum est pati pro Christo, pro Christo affligi, contemni, & mori?

9. Aue dulcis Iesu, qui pro me mori dignatus es, ne permittas me damnari, quem tuo pretioso sanguine redemisti.

10. O dulcis societas semper esse

AD DEVM, CAP. XII. 135  
cum Christo: ô dulcis vita cum Christo  
viuere, cum Christo pati, & mori!

DECAS IV.

1. **S**eruiat tibi, Domine Deus, quic-  
quid ago, quicquid loquor,  
quicquid cogito: omne opus meum  
âte incipiat, in te finiatur.

2. Seruus tuus ego sum, da mihi  
intellectum Domine, vt discam mā-  
datatua: nolo mei ipsius esse, tu li-  
bera me ab omni proprietate.

3. O quàm suaue est sedere in so-  
litudine, & tacere, cum solo Iesu lo-  
qui, solum Iesum meditari, in quo  
sunt omnia bona!

4. Planta in me, Domine, radices  
solidarum virtutum, & fac excre-  
scere cum viriditate boni operis, ne  
velut arbor infructuosa otiosus sim  
in domo tua.

5. O dulcis Iesu fons omnium bo-  
norum, fons vitæ & gratiæ, dirige  
gressus meos in semitis tuis, & doce  
me facere voluntatem tuam.

6. Cor meum euacua ab omni  
creatura, & ab omni impedimento:



fac ut sim purus & simplex, ac totus in te defixus, ut nihil respiciam, nihil amem in creaturis, nisi quod tuum est, & propter quod creatæ sunt.

7. Da mihi feruorem spiritus tui, Iesu amantissime, accende in me ignem, quem venisti mittere in terram, ut tibi soli placere studeam, & ab omnibus propter te despici exoptem.

8. O vnice dilecte Iesu, ne derelinquas me desolatum in hoc exilio; sed sicut promisisti, ita mecum age, ut vadas, & venias iterum ad me tempore opportuno, donec finito probationis certamine assumas me ad te ipsum.

9. Domine virtus mea sis in omnibus benedictus, in quibus me affligis; voluntatem tuam adimple in me, scio enim quod nihil potes agere iniuste.

10. Oro te, Deus meus, eripe distractum & captiuum animum meum ab omnibus concupiscentiis, & corporalibus imaginibus, ut te ipsum in me illuminata ratione inueniam, qui

AD DEVM, CAP. XII. 137  
me ad tuam pretiosam & incorru-  
ptibilem imaginem fecisti.

*DECAS V.*

1. **D**Eus meus, omne bonum meū,  
quando replebis me gratia, &  
charitate tua, vt cognoscam quod tu  
sis mihi omnia, quodque verè extra  
te nihil sint omnia?
2. Orere mihi lux sempiterna, &  
inclinentur vmbræ vanitatis meæ, vt  
ne atomus quidem me separet à te,  
aut obumbret mihi.
3. O quàm suavis est, Domine, spi-  
ritus tuus, & quàm dulcia faucibus  
meis eloquia tua! vtinam semper eo-  
rum memor sim ad faciendum ea.
4. Domine Deus, desidero lauda-  
re te pro omnibus qui te ignorant,  
vel blasphemant siue in terris, siue in  
inferno.
5. Intuere me oculis misericordiæ  
tuæ, & iustitiam tuam longè fac à  
me, Deus meus, amor meus.
6. Tu scis, Domine, quia amo te:  
repelle à me quicquid displicet tibi.
7. Nihil habeo, quod offeram tibi,

138 VIA COMPENDII

præter lacrymas contriri & amantis cordis; suscipe eas, & misce sanguini tuo, benignissime Iesu.

8. Tibi, Domine, hoc corpus nutrio, tibi conseruo hanc vitam: vires mihi largire, vt seruiam tibi.

9. Vtinam efficere possem, dulcissime Deus, vt omnia gaudia, quæ sunt & erunt in mundo, non sint nisi de te. In te enim verum gaudium, in te vera consolatio.

10. Posside, bone Iesu, cor meum, & reple illud gratia tua.

DECAS VI.

1. **I**N te viuam, in te moriar, suauissime Iesu, & tam in vita quàm in morte cantabo tibi, quia bonus es, & in æternum misericordia tua.

2. Absorbe, Domine, concupiscentiam meam dulcedine tua, quam abscondisti timentibus te, ne interior gustus vanis illectus, & deceptus ponat amarum dulce, & dulce amarum.

3. Confugiat, Domine, mens mea sub vmbra alarum tuarum ab æsti-

bus cogitationum huius seculi, vt in te abscondita cantet: In pace in idipsum dormiam & requiescam.

4. Da quæso, Domine, cordi meo te desiderare, desiderando quærere, quærendo inuenire, inueniendo amare.

5. Fac me funditus mori huic mūdo, & transeuntium rerum obliuisci præ magnitudine timoris & amoris tui, vt nihil temporale diligam aut metuam.

6. Deduc me, Domine, in iustitia tua propter inimicos meos, dirige in conspectu tuo viam meam.

7. Saluum me fac, Domine, quoniam defecit Sanctus, quoniam diminutæ sunt veritates à filiis hominum.

8. Perfice gressus meos in semitis tuis, vt non moueantur vestigia mea.

9. Tu qui dixisti, si quis sitit veniat ad me & bibat, da sitienti animæ meæ semper bibere ex te, vt secundum promissionem tuam fluant aquæ viuæ de ventre meo.

10. Expelle à me, omnipotens Deus, iactantiam mentis, & auge

cordis compunctionem : minue superbiam meam , & perfice in me veram humilitatem : libera me ab insidiis inimici , & conserua in tua voluntate.

## DECAS VII.

1. **C**Ognoscam te Domine virtus mea , inueniam te desiderium cordis mei , diligam te vita animæ meæ.

2. Tibi laus , tibi gloria , tibi gratiarum actio in secula sempiterna , ô beata Trinitas , pro omnibus contumeliis , quæ tibi ab impiis inferuntur.

3. Laudo te , Amor dulcissime , & glorifico te pro omnibus , & in omnibus bonis , quæ tua gloriosissima Diuinitas , & beatissima Humanitas operata est in nobis per nobilissimum instrumentum cordis tui , & operabitur in secula seculorum.

4. In te projectus sum ex vtero , de ventre matris meæ Deus meus es tu , ne discefferis à me.

5. Dominus illuminatio mea , & salus mea , quem timebo ? Dominus

AD DEVM, CAP. XII. 147  
protector vitæ meæ, à quo trepidabo?

6. In manus tuas, Domine, commendo spiritum meum; redemisti me Domine Deus veritatis.

7. Complaciat tibi, Domine, ut eruas me; Domine ad adjuuandum me respice.

8. Iudica, Domine, nocentes me, expugna impugnantes me, apprehende arma & scutum, & exurge in adiutorium mihi; dic animæ meæ salus tua ego sum.

9. Miserere mei Deus, miserere mei, quoniam in te confidit anima mea.

10. Sitiuit in te, Deus, anima mea, quam multipliciter tibi caro mea.

### DECAS VIII.

1. **M**iserere mei Deus omnium, & ostende mihi lucem miserationum tuarum.

2. Benedicite omnia opera Domini Domino, laudate & superexaltate eum in secula.

3. Venite, audite, & narrabo, om-



142 VIA COMPENDII

nes qui timetis Deum, quanta fecit animæ meæ.

4. Deus in adiutorium meum intende, Domine ad adiuuandum me festina.

5. Repleatur os meum laude, ut cantem gloriam tuam, tota die magnitudinem tuam.

6. Domine Deus virtutum quis similis tibi? potens es Domine, & veritas tua in circuitu tuo.

7. Bonitatem, & disciplinam, & scientiam doce me; quia mandatis tuis credidi. Doce me justificationes tuas.

8. Quò ibo à spiritu tuo, & quo à facie tua fugiam? si ascendero in cælum, tu illic es; si descendero in infernum, ades.

9. Ad te, Domine, leuavi animam meam, Deus meus in te confido, non erubescam.

10. Vidi præuaricantes, & tabescebam; quia cloquia tua non custodierunt.



DECAS IX.

1. **Q** Vis similis tui in fortibus, Domine, quis similis tui? magnificus in sanctitate, terribilis, atque laudabilis, & faciens mirabilia.

2. Opto, Domine, patiens esse, & humilis, & resignatus: tu pro me supplere digneris quicquid mihi deest in his virtutibus.

3. O quàm desidero humilitatem habere! Da mihi thesaurum humilitatis tuæ, humillime Iesu Christe.

4. O quantum desidero pati pro te, amantissime Iesu! Tametsi induxeris omnes fluctus tuos super me, lætus omnia tolerabo per gratiam tuam ob amorem tui.

5. Recordare, Domine, quia Pater meus es: ecce anima mea nuda est; indue eam virtutibus tuis: ad patrem enim pertinet nudam & pauperculam filiam vestire.

6. Quid volo præter te, Domine, aut quid mihi prodesse omnia sine te? Tu solus sufficis animæ meæ.

244 VIA COMPENDII

7. Quàm vani sunt homines, qui te non quærunt; quàm miseri, & auari, quibustū non sufficis?

8. O si omnium hominum, quotquot fuerunt, sunt, & erunt, corda & voluntates solus haberem, ut iis te summè diligerem vnicum bonum meum!

9. In te, Domine speravi, non confundar in æternum. Et si Angelus de cælo assereret mihi, me projectum esse à facie tua, non crederem illi. Et si tu ipse, summe Deus, diceres mihi, ego in æternum te damnauī, nolo audire preces tuas. (Ignosce, Domine) in hac re non crederem tibi; sed etiam si occidas me, & in inferno demergas me, semper in te sperabo.

10. Da mihi, Domine, vulnera tua: abhorreo enim videre cor meum, nisi vulneribus plenum, cū te adeò crudeliter pro me videam crucifixum. Non possum viuere sine vulnere, cū te vndique videam vulneratum.

## CAPVT XIII.

*Suspiria amantis anime pro  
Perfectis.*

**P**erfectos appello, non ex omni parte: quis enim in hoc mundo? Imò, vt verissimè scribit Bernardus Drogoni Monacho, [ Nemo perfectus est, qui perfectior esse non appetit: & in eo quisque perfectiorem se probat, quòd ad maiorem tendit perfectionem. ] Perfectos igitur voco expurgatos à peccatis, ornatos virtutibus, qui in humilitate & charitate magnos iam progressus fecerunt, & ad intimam cum Deo vnionem feruenti affectu aspirant. Quia verò perfectio in amore Dei consistit, motus anagogici ad Perfectorum statum pertinentes, ex amore potissimum desumuntur, vt ex subiectis formulis apparet.



## DECAS I.

1. **O** Dulcedo cordis mei, ô vita animæ meæ, ô essentia essentia meæ, & jucunda requies spiritus mei, abstrahere me ab omnibus creaturis, ut solum requiescam in te.

2. O Domine Deus meus, spes mea & refugium meum, ô dilecte votorum meorum, quando omnem dissimilitudinem, & imperfectionem absumes in me?

3. O charorum omnium charissime: ô sponse floride, sponse melliflua, quando me ornabis illis monilibus, quibus tibi placebo?

4. Trahe me post te, sponse dulcissime, ut alacriter, pure, perseveranter curram in odorem unguentorum tuorum.

5. Effice me hominem secundum cor tuum, prepara tibi in me gratam habitationem, ut ad me venias, & mansionem apud me facias.

6. Inebria me vino charitatis tuæ, ô pulcher in me amator meus, uni me tibi intumescere, & me totum transmutare in te.

AD DEVM, CAP. XII. 147

7. O ignis increate, quando me totum concremabis flamma ardentissima amoris tui? quando perempta in me omni proprietate totus tuus ero?

8. O dilecte mi, quem solum quero, quando mihi pulsanti, & gementi aperies? quando te ipsum mihi manifestabis, & dices, salus tua ego sum?

9. O immensa dulcedo mea, quando me totum in te rapies, & absorbebis, & abscondes? Quod enim est mari absorbere vnā guttam, hoc tibi est absorbere me.

10. O felicitas mea, ô totum & solum gaudium meum, quando sublati omnibus impedimentis introduces me in cubiculum gloriæ tuæ, & me tibi inseparabiliter agglutinabis?

DECAS II.

1. **Q**uæsiui vultum tuum, vultum tuum, Domine, requiram: frustra enim laboro, quamdiu te non quero.

2. Nolo te sequi, Domine, per viam consolationum, & delectatio-



num; sed veri & puri amoris. Nolo id quod egreditur à te, sed te ipsum solum. Te solum volo, te solum desidero: nihil mihi extra te.

3. In te, Domine, est omne esse meum, omnis delectatio mea, omne bonum meum: Si quid meum dico, si meipsum nomino, te solum intelligo, qui solus meus es, & omnis essentia mea in te est.

4. Anima mea sicut terra sine aqua tibi: effunde ergo, clementissime Deus, largam super me benedictionem de rore cœli, & de pinguedine terræ viventium.

5. Utinam dirumperes cœlos, & ad me descenderes, ut durities mea liquefacta deflueret, & amore tuo totus ignitus inenarrabilibus te gemitibus inuocarem.

6. Heu mihi, quia incolatus meus prolongatus est, & cogor ibi vivere, unde mallem abesse: cogor abesse à te, cum quo tantopere cupio permanere.

7. O Amor quàm absconditus, quàm ignotus es? Te cupio, Domine, nihil aliud. Præbe mihi cor

AD DEVM, CAP. XIII. 149  
tuum, & accipe meum.

8. O si possem velocissimè totam terram peragrarè, & clamore valido vbique vociferari, viuat amor Iesu Christi: Viuat amor Iesu Christi?

9. O superlucida & delitiosa Trinitas vnus Deus, pascè me tuis influxibus. O simplicissimum, & iucundissimum bonum, ô bonum incommutabile imple me te ipso: transfer in te originem meam: introduce me in fundum animæ meæ.

10. O charum principium meum, quando te feliciter inueniam? quando te ardentissimè diligam? quando me totum in te rapies? quando me totum absorbebis, & sine medio tibi vnies?

### DECAS III.

1. **Q**uando obdormiam, & requiescam in te, pax mea dulcissima? quando plenè aspirabit mihi Diuinitatis tuæ fragrantia? quando mihi exorietur dies sempiterna tuæ manifestæ visionis.

2. Per tuum cor transuerberatum

150 VIA COMPENDII

transige, amantissime Iesu, cor meum in jaculo amoris tui, ita ut nihil terreni continere possit, sed à sola efficacia tuæ Divinitatis contineatur.

3. Ave Iesu sponse melliflue, saluto & veneror te omnium electorum tuorum affectu. Excita & rege spiritum tuo vivifico omnes motus cordis mei.

4. O amor meus & omne gaudium meum, quando inclinabitur umbra mortalitatis, & aspirabit dies æternitatis? quando depositâ sarcinâ corporis hujus cum Sanctis tuis perpetuè laudabo?

5. Recipe me, ô floride sponse, inter suavissimos amplexus amoris tui, quibus constrictus spiritus meus totus ardeat, & comburatur.

6. O bonum super omne bonum, ô finis sine fine, quando fruam te sine modo, & sine fine?

7. Pulcher es, dilecte mi, & amabilis valde, non carni & sensui; sed animæ credenti, mundum cor habenti, & ad invisibilia se transferenti.

8. Dominus meus, & Deus meus,

AD DEVM, CAP. XIII. 131  
amem te solum propter te, & nihil  
amem nisi in te.

9. O suauissime Cœli splendor adu-  
re cor meum potentissimo charitatis  
incendio : tibi viscera mea sacrifico,  
vt ea aternis flammis comburas.

10. Cupio, Domine Iesu, vt quo-  
ties aërem ad me attraho, te ipsum  
cordiali affectu intra me attraham,  
quatenus omnes cogitationes, verba,  
& opera mea tuis cogitationibus,  
verbis, & operibus vniantur, & sic  
vnita Deo Patri ad maiorem eius  
gloriam repræsententur.

#### DECAS IV.

1. **D**A mihi, Domine, vt te vi-  
deam sine forma corporea, si-  
ne specie imaginaria, sine luce crea-  
ta. Trahe me post te extra me, &  
extra omnes creaturas.

2. Malo, Domine, ex voluntate  
tua acerbissimas inferni pœnas sine  
fine tolerare, quam sine te gaudiis  
perfrui sempiternis.

3. Emerge, dilectissime mi, par-  
uulam guttam spiritus mei in im-

menso pelago bonitatis tuæ, demerge & absorbe me totum in abyſſo infinitæ miſericordiæ tuæ.

4. Veni ſuſpirata quies amantiſ animæ meæ, vt nulli mihi dies, nullæ noctes eant ſine te, nullus mihi ſomnus ſine te: tibi ſoli viuam, & moriar.

5. Quis ego ſum, & quis es tu amor meus? Numquid non multum eſſet, ſi te permitteres à me amari? ſed & inſuper te amari præcipis, & mihi mortem ſempiternam minaris, ſi te non amo.

6. Clementiſſime Pater, ſicut tu ab omni æternitate voluiſti, antequam ego eſſem, ita fiat: charior eſt enim mihi tua gratiſſima voluntas, quàm operandi libertas.

7. Quando me lætificabis in regno tuo, Domine Deus meus, clariſſimo vultu tuo? Quando omnia quæ credo, lego, & audio de te, & gloria tua clarè, & intuitiue videbo?

8. Sileat ante te omnis creatura, Deus meus: tu ſolus mihi loquaris, adſis, & illumines, qui es omnia in

AD DEVM, CAP. XIII. 153  
omnibus, & super omnia amabilis,  
& gloriosus.

9. Vulnere cor meum tam potenti  
jaculo dilectionis tuæ, vt omnis  
terrena consolatio amara mihi red-  
datur, & omni solatio creaturarum  
libenter caream.

10. Extingue, Domine, omnes ex-  
traneas imagines in corde meo, vt  
pacem nullibi, siue delectationem  
vel quæram, vel inueniam, nisi in  
te dulcissime Deus meus.

*D E C A S V.*

1. **O** Charitas Deus meus, fac me  
obsecro vnum tecum, sicut  
tu, & Pater vnum estis, & sufficit  
mihi.

2. Utinam, suauissime Iesu, ea flam-  
ma amoris arderem, qua ardent Se-  
raphim, qua ardet Mater tua, qua  
ardes tu.

3. O si possem ab omnium cordi-  
bus amorem, qui non est tuus, euel-  
lere, & tuum inferere, vt amore tuo  
omnes arderent, & languerent?

4. Amote Deus meus, quia Deus



254 VIA COMPENDII

es. Amo te æternitas mea, quia æternus es. Amo te immensitas mea, quia immensus es.

5. In amoris signum gratulor tibi, Deus meus, Diuinitatem tuam, simplicitatem tuam, æternitatem tuam, omnesque tuas perfectiones, quæ ita sunt in te, vt idem sint quod tu.

6. Vtinam omnia quæ cogitavi, quæ sum loquutus, & operatus ex puro tui amore semper fuissent? Vtinam te semper amassem?

7. O si possem, Deus meus, retrovertere annos meos, & peractæ ætatis spatia amoris tui actibus replere? ô si te semper dilexissem cum alia extra te dilexi.

8. Nihilum mei præceffit me à diebus æternitatis tuæ, Deus æterne; nunc verò exulto tibi factori meo, & cupio annihilari quicquid in me terrenum est, vt tu solus viuas in me.

9. O æternitas quàm clarè luces, quàm blandè, quàm præcisè, quàm in puncto? Ad te secedo à mundo isto sensibil: in te meum solatium, & recreatio est post negotia vitæ humanæ, post ædium vitæ labentis.

10. Tu desiderium collum eternorum, dulcissime Iesu: tu desideratus cunctis gentibus: tu sponsus, tu rex cordium: tu amor meus, & omne bonum meum.

### DECAS VI.

1. **T**V scis Domine, quia si possem, omnem tibi laudem, gloriam, & honorem tribuerem, quibus te laudant, glorificant, & honorant omnes Angeli, & Electi tui; sed quia impotens ad hoc sum, suscipe saltem desiderium meum, & bonam voluntatem.

2. Exclude à me, Deus, omnia impedimenta gloriæ tuæ, & in eo statu me constitue, quem aptiorem fore nosti, ut major tibi gloria ex me proveniat.

3. Possideam te in medio cordis mei, beatitudo sempiterna, possideam te, summa dulcedo animæ meæ.

4. Me tibi resigno, Creator meus, purè propter te ad omnia officia, loca, casus, euentus, statumque ani-

mæ, & corporis, qui tibi placuerit.

5. Nihil à te peto, Domine, nihil volo, nisi pro majori gloria tua. Quòd si per ignorantiam, vel errorem aliud peterem, nolo exaudiri.

6. Si tibi æquale præstatur obsequium; malo, Domine, desolationem, quàm consolationem, ut pro tui amore aliquid patiar internæ afflictionis.

7. Quia sine te nihil possum pati pro te, da mihi multam & magnam gratiam, ut multa & magna patiar pro amore tuo.

8. Major es omni laude, Deus meus; & ob id gaudeo, quia quicquid obsequij omnes puræ creaturæ præstare tibi quocumque modo conantur, longissimè impar est dignitati, & magnitudini tuæ.

9. Quicquid virtutum, piorum actuum, & affectuum in libris editis & edendis describitur, quicquid fieri potest tibi gratum & acceptum, id omne approbo, & volo, & cum gratia tua perficere cupio.

10. Utinam possem, Deus meus,

aliquid hoc momento efficere, quod  
summè tibi placeat. En hoc quod  
nunc aggredior purè ad hoc dirigo,  
vt maximam in eo habeas compla-  
centiam.

### DECAS VII.

1. **Q**uæso te, Domine, ne pa-  
tiaris quidquam in me, quod  
non sit vsquequaque tuum & diui-  
num; & si quid est, illud protinus  
cuelle.

2. Si scirem, Deus meus, me fore  
annihilandum, adhuc tibi omni stu-  
dio seruirem; non enim tibi seruiò  
propter me, sed propter te.

3. Da, bone Iesu, vt oratio illa  
tua suam vim in me habeat, vt sicut  
tu in Patre, & Pater in te est; ita ego  
tecum vnus sim voluntate, amore,  
opere, moribus, & vita.

4. Extingue me, Domine, in cor-  
de omnium hominum; & cunctos  
homines in corde meo ocide, vt mi-  
hi mundus crucifixus sit, & ego mun-  
do.

5. Mitte mihi Deus quamcum-

que volueris afflictionem & crucem  
& in omni tribulatione præsta ut  
reum me fatear & cognoscam, & ut  
meipsum contemnam.

6. Hactenus quosdam amaui, qui  
me non amabant; iam te amabo,  
amator æterne, qui me amasti an-  
tequam te nouissem; quem amare  
virtus summa est, à quo amari felici-  
tatis.

7. De profundis cordis mei clamo  
ad te, suauissime Deus, ut auferas à  
me vanissimum amorem corporeæ  
pulchritudinis, & me totum trans-  
feras ad purissimum amorem deco-  
ris tui.

8. Illabere, precor te, in pene-  
tralia cordis mei, & imprime mihi  
seruo tuo dulcissimam & admirabi-  
lem speciem tuam, ut quiescam in  
suauitate præsentis tuæ.

9. Veni Domine, amor meus, gau-  
dium meum, & corona mea: veni  
& noli amplius tardare, ne ex nimio  
desiderio sine sensu efficiar.

10. Scribe, dulcis Iesu, nomen  
tuum in corde meo, & amorem  
tuum ellisuum per jugem memo-

AD DEVM, CAP. XII. 139  
riam pectori meo inscribe.

*DECAS VIII.*

1. **V**incat nequitiam meam, Domine, immensa bonitas tua, & imaginem tuam in me recognosce, quamuis deturpatam.

2. Reuertor ad te felicissimum principium meum, dulcis origo & finis meus: esto deinceps totum ac solum cogitationum mearum obiectum.

3. O vnum diuinum, te solum desiderat cor meum, libera me ab omni multiplicitate.

4. Diligam te, Deus, pro dono tuo, & pro modo meo, exiguo quidem & minus iusto; sed non possum ultra quam possum: potero autem plus, cum plus donare dignaberis, nunquam tamen pro ut dignus haberis.

5. O quam beati sunt illi, qui edunt & bibunt ad mensam tuam in regno tuo, quoniam te ardentem diligunt, & te fruuntur in letitia & exultatione. Ego autem huc fame per-



co, & projectus in cinere & caliginelumen cœli non video.

6. Sitio te clarè cognoscere, esurio te perf. & diligere, nec desiderium meum adipisci valeo. Obsecro, Domine, si inueni gratiam in oculis tuis, ostende mihi faciem tuam.

7. Fac mihi, Domine, quodcunque placitum fuerit in conspectu tuo: in manibus tuis ego sum, & corpus meum, & spiritus meus: quocunque peruenero laudabo te, & exultabo vehementer.

8. Satia animam meam ad te suspirantem, felicitas mea, & reple esurientem bonis tuis.

9. Deiciantur, quæso, omnia simulacra de throno gloriæ tuæ, vt tu sis solus regnans in corde meo, nec sum ego amplius miserabiliter instabilis, & fugitiuus à te.

10. Vniat me sibi verbum Dei, gignat seipsam in me sine intermissione æterna sapientia; & pro minimo mihi erit, si me despiciant cœlum, & terra, & omnia quæ in eis sunt. Quòd si me repuleris ab osculo tuo, non poterunt me omnia, quæ

AD DEVM, CAP. XIII. 161  
infra te sunt, consolari.

DECAS IX.

1. **V**eni gaudium meum, lumen  
oculorum meorum : veni  
amor meus, lux incomprehensibilis,  
imple omnes potentias animæ meæ  
intus & foris, vt nihil nisi te videam,  
cogitem, amem, & desirem.

2. Tu dixisti Domine: Ducam eam  
in solitudinem, & ibi loquar ad cor  
eius. Et quid aliud est solitudo, ni-  
si te solum amare, in te solo quiesce-  
re?

3. O diuina solitudo tam concu-  
piscenti animo desiderata, quando  
fiet istud, vt in te omnino quies-  
cam?

4. Heu me, quia non diligo te, vira  
animæ meæ, nam si verè te dilige-  
rem, semper te in corde haberem;  
scriptum est enim: Vbi est thesaurus  
tuus, ibi est & cor tuum.

5. Congrega nos in vnum, poten-  
tissime amator, data est enim tibi om-  
nis potestas in cœlo, & in terra.

6. Trahe me post te, suauissime

Redemptor, qui dixisti, si exaltatus fuero à terra, omnia traham ad me ipsum.

7. Accende cor meum igne tuo, Deus meus; tu enim ignis comburens es, & facis ministros tuos ignem viventem.

8. Deus meus es tu, qui infinita tua bonitate locupletissimus nec bonorum meorum, nec alterius cuiusque rei indigentiam habere potes. Et in hoc gaudeo & exulto, quòd nulla tibi perfectio, nec quidem per imaginationem adungi possit.

9. Domine Iesu, quantum te diligunt, qui te nouerunt? Pater tuus te diligit, Spiritus sanctus te diligit; omnes Angeli, omnes Electi & amici tui amore tuo exardescunt; & ego solus frigidus ero?

10. Libera me Deus à multiloquio, quod patior intus in anima mea: non enim cogitationibus taceo, etiam si vocibus taceam. Multæ sunt cogitationes meæ, quales tu nosti cogitationes hominum, quoniam vanæ sunt. Da mihi eis non cōsentire, nec immorari, ne me impédiant ab amore tuo.

DECAS X.

1. **O** Amor, quàm parum cognosceris, & amaris? Accede ad me, ô Amor, & si nullibi requiem inuenis, te totum transfunde in me, æterne & suauissime Amor.

2. Semper ardeat ignis amoris tuï in altari cordis mei, & in tantum crescat incendium, vt non solùm sacrificium, sed & ipsum altare comburat, & consumet.

3. Nihil me lætificet, Domine Iesu Christe, nisi tu: nihil me contristet, nisi culpa mea, & offensio tuæ Majestatis.

4. Tu es vnicum desiderium meû, æterna Sapientia, tu thesaurus quem quæro, tu beatitudo ad quam suspiro.

5. Quàm pulcher es, dilecte mi, quàm speciosus in deliciis tuis? Vtinam potentissimus amor tuus omnem extraneum amorem in me occidat. Quicquid videro, quicquid audiero, quicquid sensero; tu solus intres, & possideas cor meum.

6. O Amor potentissime, qui lulum transfiguras in Deum, transforma me totum in te. Nimis faxeum est cor meum, nisi molliatur sanguine tuo: nimis distractum est, nisi colligatur in latere tuo.

7. O æterna veritas, & vera charitas, & chara æternitas! Tu es Deus meus, ad te suspiro die ac nocte. Te amo, te diligo, & magis amare desidero: percussisti enim cor meum verbo tuo, ut amarem te.

8. Quid amore dulcius? quid securius? quid suavius? Quare sagittis eius non est transfixum cor meum? Ergone amor tuus circumdat me undique, & nescio quid sit amor? cur sic maneo insensibilis? cur me magis attraxit creatura, quam Creator?

9. Venustissime Iesu, vita mea perennis, per quam vivo, & sine qua morior, vita dulcis & amabilis; concede ut tibi jungar, te complectar, & suavi charitate soporatus in te obdormiam.

10. Quando te videbo, dulcissime Deus? quando apparebo ante faciem tuam? quando transibo in admirabi-

AD DEVM, CAP. XIV. 165  
Ilem domum tuam? quando videbo  
te in terra viuentium? In ista enim  
terra jumentorum mortalibus oculis  
videri non potes, sed in regione An-  
gelorum videbimus te, sicuti es.

---

C A P V T XIV.

*Laudem virtutis in actione consi-  
stere. Actus diuersarum  
virtutum.*

**N**Orunt omnes, qui vel primis  
Philosophiæ rudimentis imbu-  
ti sunt, omnem vim & laudem vir-  
tutis in actione sitam esse. Habitus  
enim virtutum, siue à Deo infundan-  
tur, siue acquirantur à nobis, data  
opportunitate in opus exire debent:  
& hoc est primarium eorum munus,  
bonæ actionis principium, & fon-  
tem esse; & potentiam, quam im-  
buunt, disponere ad hoc vt certius,  
& facilius operetur. Causa exigui  
profectus in vita spiritali non defe-  
ctus cognitionis aut desiderij, sed  
defectus executionis esse solet. Aliud



## 166 VIA COMPENDII

est scire multas diuitias, aliud possidere: nec notitia diuitem facit, sed possessio. Actiones autem, quibus vnaquæque virtus aut generatur aut crescit, duplices sunt, internæ & externæ. De externis non est hic disserendi locus, nec earum vsus semper occurrit. Internæ perfectiores sunt, solaque mente & voluntate perficiuntur, & idèd his incumbere possumus omni loco, omni tempore, & in qualibet occasione. Sunt qui vnâ virtutem singulis mensibus seligunt, cui ex professo incumbant, instituto ea de re examine particulari, quæ res necessaria omnino est proficere in studio perfectionis desiderantibus, vt fusiùs explicauì in meo Horologio

Sect. 2.

§. 27. &

Sect. 3.

§. 2.

christianæ diei. Scripsit etiam de virtutis actionibus luculentissimum tractatum ex Scripturis & Patribus Bernardinus Rossignolius, quem Lectori meo enixè commendo. Ego interim in exemplum actus subijcio præcipuarum virtutum per breues Aspirationes feruentissimè eliciendos: qui modus seruari quoque potest in reliquarum actibus ad vñum & præ-

*ACTVS FIDEI.*

1. **A**uctor fidei, Iesu Christe, fir-  
missimè credo vera esse om-  
nia, quae te reuelante credit & do-  
cet sancta mater Ecclesia, & pro hac  
assertione & veritate millies mori  
paratus sum.

2. Auge in me fidem à te semel in-  
fusam, vitamque fidei consonam  
concede, vt quod mente credo mo-  
ribus exprimam.

3. Testimonia tua, Domine, cre-  
dibilia facta sunt nimis, vtinam se-  
cundùm ea semper vixissem.

4. Verissima sunt omnia, quae in  
sacris libris, & Apostolicis traditio-  
nibus, ac decretis Ecclesiae continen-  
tur: pro qua veritate tuenda vitam  
meam libentissimè offero.

5. Omnino verum est te Deum  
meum vnum esse in substantia, &  
Trinitatem in personis: quod ego per  
medios gladio, & ignes profitebor.

6. Vtinam fides tua integra sem-  
per, & sincera conseruetur, qualem

tu, Domine, tradidisti, qualem Apostoli prædicauerunt.

7. Credo tibi, ô summa veritas, & quia fides sine operibus mortua est, da mihi, vt fidem meam patientia & charitate, aliisque virtutibus viuam esse demonstrem.

8. Gratias ago tibi, Domine, quod mihi fidem dederis, qua te agnoscerem, quòd me Christianum feceris, & Catholicæ Ecclesiæ membrum. In hac fide vixi, in eadem mori volo, atque vtinam pro eadem.

9. Credo te Deum ingenitum, Filium vnigenitum, Spiritum Sanctum ab vtroque procedentem. O credam, & fruar semper, quia tu Deus meus es, principium meum, & finis vltimus, & mea æterna beatitudo.

10. Credo te Dei filium pro mea salute carnem humanam induisse. Credo te passum pro me, & mortuū in cruce. Credo te Deum & hominem in sacramento mirabiliter existere. Credo hæc omnia, & alia, quæ de te docet Ecclesia, & credens adoro, & amo te.

11. Reuela, Domine, oculos meos, &

AD DEVM, CAP. XIV. 169

& considerabo mirabilia de lege tua.  
Quàm dulcia faucibus meis eloquia  
tua super melori meo!

12. O si fidem possem annunciare  
in vniuerso mundo, & omnes infi-  
deles ad Deum conuertere: quàm  
libenter id facerem, & si propterea  
omnia tormenta sustinere deberem?

13. Utinam possem, Deus meus,  
omnium infidelium intellectibus in-  
te credere, omnium affectu te ama-  
re, omnium viribus tibi seruire!

14. Discedite à me omnes pessimi  
hæretici, filij diaboli, & pestes ani-  
marum: vos detestor, & abominor,  
& cum Ecclesia Dei anathematizo.

15. Quæcumque docet fides adedò  
firmiter credo, ac si oculis ea viderem.  
Adauge, Domine, & confir-  
ma fidem meam: hac enim duce se-  
curus ibo ad tribunal tuum, quacun-  
que hora me vocaueris, quia credo  
& spero videre bona tua in terra vi-  
uentium

## ACTVS SPEI.

1. **C**lementissime Deus, tametsi multa & grauissima peccata commiserim, spero tamen ex tua misericordia, & ex bonis operibus gratiæ tuæ adiutorio præstitis me gloria sempiterna fruiturum.

2. Et si reus essem omnium peccatorum mundi, tamen in te sperabo, major est enim misericordia tua, quàm iniquitas mea.

3. Gaudeo, Domine, nihil in me esse, in quo confidere possim: lator quòd nullibi spes mea consistere queat, nisi in te, qui solus es refugium meum, & firmamentum meum.

4. Dixisti, Domine, & ita est: Sine me nihil potestis facere: quid ergo residui habeo, nisi ut oculos ad te dirigam, & tu, ô bonitas, adiuues me?

5. Adjutor meus esto, ne derelinquas me, neque despicias me Deus salutaris meus. Tanquam prodigium factus sum multis, & tu adjutor fortis.

AD DEVM, CAP. XIV. 171

6. Ad te confugio, Domine, vt per patientiam, & consolationem scripturarum spem habeam, & in te sperans non confundar.

7. Omnis spes mea, optime Iesu, & totius fiducia certitudo in pretioso sanguine tuo mihi est. In ipso respiro, & in ipso confisus ad te peruenire desidero, non habens meam iustitiam, sed eam quæ est ex te.

8. Quicquid asperum & molestum mihi euenire permiserit diuina providentia tua, benignissime pater, semper in te sperabo: certus enim sum, quia si in inferno demersus fuero, inde me liberabis.

9. Magna valde est misericordia tua, Domine, & in ea sola posita est tota spes, & consolatio mea.

10. Mirifica misericordias tuas, qui saluos facis sperantes in te: custodi me vt pupillam oculi, sub vmbra alarum tuarum protege me.

11. Bonum est confidere in Domino, quàm confidere in homine: bonum est sperare in Domino, quàm sperare in Principibus.

12. Domine virtutum, beatus ho-



mo qui sperat in te. In te eripiar à tentatione, & in Deo meo transgrediar murum.

13. Toto corde firmissimè spero, omnipotens Deus, me posse à te omnia obtinere, quæ mihi necessaria sunt ad salutem: & quia Filius tuus, Redemptor meus omnia bona mihi promeruit, tantam in eius meritis fiduciam habeo, ac si bonum, quod desidero, iam tenerem & possiderem.

14. Ego autem in te speravi, Domine, dixi, Deus meus es tu, in manibus tuis sortes meæ.

15. O si citò adueniret regnum tuum, summum bonum meum, regnum quod spero, quod expecto, quod toto corde concupisco! Vicinam citò adueniat, quia regnum omnium seculorum est, plena possessio totius felicitatis.

### ACTUS CHARITATIS erga Deum.

1. **O** Ro te, dulcissime Deus, ut cordis mei principatum ge-

ras. Absit à me, optatissimum bonum meum, vt aliquid amem præter te.

2. Vre me incendio decoris tui, speciosissime princeps cordis mei, sacrifico tibi omnia viscera mea, & præcordia mea.

3. Viue potentissime imperator cordis mei, & dominare, sicut decet te. O quam mihi placet, vt regnes in æternum, & vltra.

4. Utinam tot millia cordiũ, quot tibi placuerunt, vel placere possunt, ipse possiderem, vt te perfectissimè amarem.

5. Utinam subdere tibi possem, amabilissime Domine, omnia colla filiorum Adæ, vt te solum requirerent, & amarent.

6. O vnice amor meus, & serena lux oculorum meorum, omnia mihi sordeant, & vilescant præter te.

7. O amabile principium meum, & tota sufficientia mea, nihil volo, nihil cupio præter te.

8. O quantum gaudeo quòd Deus sis, summè bonus, & perfectus, immensus, infinitus, iustissimus, sapien-

174 VIA COMPENDII

tissimus, omnipotens, & incomprehensibilis! amo te purè propter te ipsum, & gaudeo de bonis tuis ob hanc solam causam, quia bona tua sunt.

9. Ad te summum bonum toto cordis affectu feror, in immensa bonitate tua exulto: gaudeo quòd omnes Angeli, & Sancti adorent, & laudent te.

10. Utinam possem amare te, quantum amabilis es! sed quia hoc excedit vires omnium creaturarum, utinam saltem amem te quantum possum, quantum debeo.

11. Reple, Deus meus, animam meam amore tuo, ut amore totus ardeam, & amore æstuans amore moriar.

12. Quam pœnitet me quòd alia extra te dilexi. Utinam possem transactos annos reuocare, & amoris tui actibus replere!

13. O dulcissima vita animæ meæ, utinam, deficiat in te cor meum! Quid enim mihi est in Cœlo, & à te quid volui super terram?

14. Vnam petij à te, Domine, hanc requiram, ut habitem in domo tua

omnibus diebus vitæ meæ.

15. Utinam ultimus halitus, quo animam efflabo, halitus amoris sit. Moriar amore tuo, Deus meus, & quia vitam ab amore non inchoavi, da mihi vitam amando finire. Ultimus vitæ actus sit amare.

*ACTVS CHARITATIS*

*erga Proximum.*

1. **I**Nsere, Domine pectoribus nostris tuæ dilectionis affectum, ut diligamus nos inuicem, sicut tu diligis nos, & alter alterius onera portemus.

2. Da mihi, Domine, non diligere verbo, neque lingua, sed opere & veritate, ut quæcumque volo ut faciant mihi homines, id faciam illis.

3. Doleo, Deus meus, quòd ea hactenus non præstiti in obsequium proximi mei, quæ tuo auxilio adiutus poteram.

4. Detestor quicquid injuriæ, & offensæ olim patraui verbo, opere, & cogitatione in proximum meum,

paratus singulis satisfacere, si quid alicui debeo. Inspira tu Deus, vt sciam; & da, vt faciam.

5. Amator hominum Deus, oro te pro omnibus, qui persequuntur, & calumniantur me; & qui me quouis modo offenderunt. Da illis salutem mentis, & corporis.

6. Utinam, Clementissime Deus, omnes peccatores resipiscant, & conuertantur ad te.

7. Obsecro, Domine, vt omnes, qui oppugnant Ecclesiam tuam dexteræ tuæ potentiâ conterantur, & agnoscant veritatem.

8. Propono, Domine, omnes injurias & offensas, te adjuuante, æquo animo tolerare: nec vllum vnquam hominem, quantumvis mihi infestum, odio habebo.

9. O si possem pro fratribus meis, iis præsertim, qui me aliqua injuria, aut molestia affecerunt, sanguinem fundere, quàm libenter id facerem. Confirma, Domine, in me hanc voluntatem.

10. Fac obsecro, Deus meus, per viscera misericordiæ tuæ, vt omnes

ad te conuertantur, qui rebus terrenis adhærent, & quos voluptas carnis illexit.

11. O si ego possem omnes peccatores ab erroribus viæ suæ conuvertere, etiam cum vitæ dispendio id præstarem.

12. Utinam totus mundus in te crederet, & te cognosceret. Confiteatur tibi populi omnes. Omnis terra adoret te, & psallat tibi.

13. Diligo te, Domine, toto corde, proximum in te, & propter te.

14. De bonis omnium fiat unum meorum gaudeo, & de malis doleo, ac si mea forent: & mala quidem ab omnibus auertere efficaciter vellem, si possem; bona verò multiplicare.

15. Libenter, si possem, omnium indigentium necessitatibus subuenirem, esurientibus cibum, sitientibus potum darem; reliqua item opera misericordia spiritualia, & corporalia exercerem.



## ACTVS PATIENTIÆ.

1. **S**I oportuit te, Christe, pati, & Ita intrare in gloriam tuam, quo pacto ego in illam intrabo, nisi viâ regiâ sanctæ Crucis.
2. Cognoui, Domine, quia æquitas iudicia tua, & in veritate tua humiliasti me.
3. Opto potiùs cunctos inferni cruciatus tolerare, quàm tuam justitiam violare.
4. Iram tuam, Domine, portabo, quoniam peccaui tibi. Quòd si bona suscepi de manu tua, quare mala non sustinebo?
5. In omni aduersitate te, bone Iesu, recogitabo, qui talem pro me sustinuisti aduersus te ipsum contradictionem.
6. Utinam dignus sim gaudenter cum Apostolis tuis contumeliam, pauperiem, & quicquid volueris pati pro nomine tuo.
7. Quicquid laboris mihi vnquam acciderit, id propter te, Domine, patienter feram. Si tentationibus

exercear; si mœror importunus ingruat, si morbi, si dolores, si quævis tormenta contingant, omnia te iuuante fortiter tolerabo.

8. Absit à me, Domine, vt animum despondeam à christiana perfectione comparanda: omnes enim difficultates, te duce, superabo, & in Deo meo transgrediar murum.

9. Absit à me, vt amore vitæ, vel timore mortis à virtutis proposito desistam. Et si me oporteret vniuersis mundi miseriis, & calamitatibus obrui, numquam à te recedam.

10. Imprime, fortissime Deus, robur magnum cordi meo: cupio enim te sequi per omnem afflictionem, & desolationem internam, & externam.

11. Vt iumentum factus sum apud te, Domine Deus meus: Tu nosti onus meum quale sit, da mihi illud patienter ferre, vt per viam crucis extollar ad te.

12. Offero me tibi, Domine, paratum ad omnia mala æquanimiter, hilariter, ac sine vlla prorsus que-

180 VIA COMPENDII  
rimonia sustinenda.

13. O si patientiam Sancti Iob assequi possem, & constantiam Sanctorum Martyrum!

14. Utinam dignus essem martirium pro te subire, Domine virtus mea, & firmamentum meum. Utinam pro te viuus comburerer: utinam affari cum Laurentio mererer.

15. Da mihi, Domine, disciplinam, vt non auferas misericordiam: cæde contumacem, vt reddas mihi promissam hereditatem. Auge tormenta, sed auge patientiam.

ACTVS HUMILITATIS.

1. **O** Gemma pretiosissima humilitas, quando te possidebo! quando tranquillitatem animorum tibi obsequentium habebō! quando tuo splendore, & pulchritudine ornatus ero!

2. Nouerim te, nouerim me, Deus meus: quoniam in te sunt omnia bona mea, & ex me nihil sum.

3. Hoc ex corde desidero, bone Iesu, hoc eligo, abiectus esse, & pu-

illus in domo tua, magis quàm habitare in tabernaculis peccatorum.

4. Nolo, Domine, vt me homines laudent & honorent, quia omni laude & honore indignissimus sum: volo autem ad gloriam tuam despici, conculcari, & tanquam canis mortuus vilissimus reputari.

5. Latrones ipsi & sacrilegi, ô misericordissime Domine, perfectiùs tibi famularentur, si tot beneficiis, ac donis eos cumulasses, quibus me benignissimè affecisti.

6. Peccaui, Domine, & non sum dignus aspicere altitudinem Cœli præ multitudine iniquitatum mearum.

7. Omnia animalia pro capto suo tibi, Domine, appropinquant. solus ego infinita vitæ meæ turpitudine à te recedo.

8. Vnde mihi hæc infania, Deus meus, vt audeam gloriari tot peccatorum reus, ob quæ potes hoc momento mittere me in gehennam?

9. Abicio, me, Domine propter te infra homines vniuersos, quia vilior, & contemptibilior omnibus

sum, & pro tali haberi, ac tractari desidero.

10. Nihil aliud volo, nihil opto, altissime Deus, nisi pati & contemni pro te, da mihi claram & veram mei notitiam.

11. Indignus sum, Domine, omnibus donis tuis ob vilitatem, & ingritudinem meam: indignus consortio hominum propter sordes culparum mearum, quarum pessima tabe vel aërem ipsum inficio.

12. Vtinam vniuersi homines, equissime Deus, miseriam meam agnoscerent, & despicerent me, ac meam mihi indignitatem exprobrarent, vt spernerer propter te.

13. Domine non sum dignus calcare hoc pavementum, per quod transeunt tot serui tui, quibus comparatus vermis sum & non homo, opprobrium hominum, & abjectio plebis.

14. Absit à me, Domine, vt velim ambulare in magnis, & in mirabilibus super me. Magna enim est abyssus fragilitatis, & nihili mei: nihil sum, nil possum sine te.

15. Fac me, Deus, tamquam pa-  
uimentum mundi, vt ab omnibus  
conculcer, & indignissimè tracter,  
quia sic exigunt peccata mea.

CAPVT XV.

*Fasciculus aspirationum ad Iesum,  
ad B. Virginem, ad Caelites  
vniuersos.*

**T**Ametſi oratio, vt est actus Re-  
ligionis cultum patriæ continēs,  
ad ſolum Deum fundenda ſit, tan-  
quam ad primarium auctorem boni,  
qui illud per ſeipſum nobis conferre  
potest; certum est tamen ex fide ca-  
tholica poſſe nos, & debere Ange-  
los etiam, & ſanctos homines cum  
Deo regnantes humiliter exorare,  
opemque illorum deuotis aspiratio-  
nibus implorare: Licet enim Chri-  
ſtus ſit principium vniuerſale totius  
meriti, mediator Dei & hominum,  
qui ſemper interpellat pro nobis; aliis  
tamen mediatoribus indigemus, qui



pro nostris necessitatibus efficaciter intercedant. Notissima est sententia Eliphaz Themanitis ad patientissimum Iob: [Voca si est qui tibi respondeat, & ad aliquem Sanctorum conuerrere.] Idem operæ pretium me facturum existimaui, si huic lucubrationi caput istud attexerem, quo varias aspirationes breuiter digessi ad Iesum Redemptorem, à quo primitus omnia bona speranda, tum ad Virginem Beatissimam eius genitricem, deinde ad Angelos, & reliquos Ciuces cœlestis patriæ, vt ipsi nobis quicquid ad salutem, & perfectionem necessarium est suis precibus obtineant, pro sua in nos pietate, & apud Deum auctoritate.

#### AD IESVM REDEMPTOREM.

1. **I**esu sapientia Patris, da mihi quærere & sapere, quæ sursum sunt, vt gustem quam suavis es.
2. Iesu verbum Patris vtinam audiam quid loquaris in me.
3. Iesu Redemptor, esto mihi in Deum protectorem, & in domum.

AD DEVM, CAP. XV. 185  
refugij, vt saluum me facias.

4. Iesu frater primogenite, fac me tibi coheredem in domo Patris nostri.

5. Iesu Fili Dei, qui pro me factus es homo, non sit mihi graue humiliari pro te.

6. Iesu creator meus, cor mundum in me crea, & spiritum rectum in noua in visceribus meis.

7. Iesu vita mea tibi soli viuat anima mea, nam mihi viuere tu es, & mori lucrum.

8. Iesu Domine mi, posside me seruum tuum, & nemo præter te.

9. Iesu præceptor, doce me facere voluntatem tuam, vt discam à te quia mitis es, & humilis corde.

10. Iesu lux mundi, illumina oculos meos, & deduc me in semitam mandatorum tuorum.

11. Iesu fons vitæ, sitiuit in te anima mea: fac me haurire aquas in gaudio de fontibus tuis.

12. Iesu pastor bone, propter nomen tuum deduces me, & enutries me.

13. Iesu saluator, salua me, qui

136 VIA COMPENDII

venisti quærere, & saluum facere quod perierat.

14. Iesu sponse sanguinum, desponsa te mihi in misericordia, & miserationibus.

15. Iesu amator speciosissime, trahè me post te in funiculis charitatis.

16. Iesu zelator animarum, cujus delitiæ esse cum filiis hominũ, amem te ardentissimo amore, & cætera omnia propter te.

17. Iesu panis vitæ, anima mea sustinet te, ne dimitte eam jejunam, vt non deficiat in via.

18. Iesu Iudex misericors, qui non venisti perdere quemquam, parce mihi, & responde pro me.

19. Iesu corona, & merces nostra magna nimis, iube me numerari inter electos tuos.

20. Iesu gloria mea, cupio dissolui, & esse tecum: da mihi viuere in te, & in te mori.



AD BEATAM VIRGINEM  
MARIAM.

1. **P**Rotege me, dulcissima Virgo Maria, sub umbra alarum tuarum, & non recedat in æternum mellifluum nomen tuum ab ore, & corde meo.
2. Ne vnquam elongeris à me, potentissima Mater Dei, quia circumdederunt me vndique inimici mei.
3. Quid possum sine te, Virgo beata, aut quid fiet de me, si auerteris faciem tuam à me :
4. Quando venies, dulcissima Virgo, quando apparebis indignissimo seruulo tuo !
5. Spiritus tuus, ô Maria, super mel dulcis, & possessio amoris tui super aurum, & topazion.
6. Sentiât anima mea suauitatem amoris tui, & in tuis semper versetur laudibus, quia vnica post Deum consolatio mea tu es.
7. Compatere, Domina, animæ meæ ad te suspiranti, respice in me, & festina in adiutorium meum.

188 . VIA COMPENDII

8. Da mihi gratiam tuam, vt semper de te gaudeam, & post istud exilium te contempler in gloria.

9. Sicut filius ad sinum matris, ita suspirat ad te anima mea, ne despicias me Mater misericordiæ.

10. Quantum desidero videre vultum tuum, speciosissima Virgo, assume me velociter ad te, & comple desiderium meum.

11. Quis non diligit te, Regina cordium, & Mater sancti amoris, quis non diligit te? Vtinam omnes creaturæ tibi seruiant, & in amore tuo viuant, ac moriantur.

12. Suscipe cor meum, dilectissima Mater mea, & offer illud purissimis manibus tuis purissimo Filio tuo.

13. Gaudeo, & exulto, B. Virgo, quòd Deus te amet super omnia opera sua, & de hac re super omnia delector: magisque optarem inferni pœnas, quàm vt momenti spatio quicquam de gloria, & dignitate tua minuatur.

14. Sperent in te qui nouerunt nomen tuum, gloriosa Virgo, quo-

AD DEVM, CAP. XV. 189  
niam non derelinquis sperantes in  
te.

15. Gloriosus vultus tuus mihi ap-  
pareat in extremis, & consolatio tua  
latificet egredientem spiritum meū,  
clementissima Mater.

*AD SANCTOS ANGELOS.*

1. **A** Ngele sancte, vitæ meæ gu-  
bernator, & custos apprehen-  
dende arma & scutum, & exurge in  
adjutorium mihi.

2. Custodi me sub vmbra alarum  
tuarum ab insidiis inimici, & ab om-  
ni periculo, & tentatione.

3. Adesto mihi, Beatissime Spiri-  
tus, doce, dirige, & protege me:  
cumque finis vitæ meæ aduenerit,  
in extrema lucta versanti benignè  
succurre.

4. Septem Spiritus, qui astatim an-  
te Dominum, purgate, illuminate,  
& perficite me: & dirigite omnia stu-  
dia, & actiones meas ad gloriam  
Dei, & animæ meæ salutem.

5. Estote mihi singulare solatium.  
Ad mortem, Angeli Dei, potentes vir-



tute, qui estis in vita salutare præsidium.

6. Infundite menti meæ deificum lumen, vt absorbpta omni materia totus ardeam diuino amore.

7. Venite in adiutorium meum cœlestis militiæ exercitus innumerabiles, & defendite me ab incurſu malignorum spirituum.

8. O supremi amatores Dei, succendite me illo igne, quem Dominus Iesus misit in terram, & voluit vehementer accendi.

9. Fontes sapientiæ pascite me cœlesti doctrina, & docete me scientiam Sanctorum.

10. Facite me, mentes purissimæ, docilem Dei, vt discam justificationes eius; & discussis tenebris diuinum lumen inserite menti meæ.

### AD OMNES SANCTOS.

1. **F**elices Sancti, qui iam nostræ mortalitatis pelagus pertransistis, securi de vestra immarcescibiligloria, solliciti estote de mea multiplici miseria,

AD DEVM, CAP. XV. 191

2. Date manus infirmo, cœlestis patriæ Ciues, & erigite jacentem, vt conualefcens de infirmitate fortis efficiar in bello.

3. Eripite me de aquis multis, & de limo profundi fufis precibus ad eū, qui dominatur proteſtati maris.

4. Impetrate mihi fidem & perfeuerantiam, ſeruire Domino in timore, & ſeruare mandata eius.

5. Clamo ad vos, potentiffimi protectores ſalutis meæ, mittite è patriæ felicitatis pauculas guttas pretioſiffimi vini charitatis veſtræ, quia aruit ſicut teſta virtus mea, & deficit præ ſiti anima mea.

6. Subuenite mihi miſero peccatori ſedenti in tenebris, & vmbra mortis, & ſoluite vincula captiuitatis meæ.

7. Liberate me à tumultuantium affectionum turba, vt ſedeam ſolitariuſ, & taceam, & audiam vocem Domini loquentis in ſilentio ad cor meum.

8. Eleuate me ab hac ſordidaterra, vt mihi mundus crucifixus ſit, & ego mundo.

9. Ad me respicite, gens illustriſſima & hereditas ſummi Dei, adhuc peregrinantem in hoc exilio, & mittere de Cælo opem, & conſolationem.

10. Circumdate me gaudentem, & exultantem de veſtra beatitudine, & gratiam impetrate virtutes veſtras imitandi, vt veſtris adiutus ſuffragiis particeps ſiam veſtri gaudiij, & coronæ.

Hæc in exemplum. Plura ſuggerent uſus, & affectus. Sunt autem quatuor capita, ac veluti fontes verri mi è quibus aspirationes ad omnes, & ſingulos æterni regni proceres peti poſſunt. Primò quidem ex titulis honoris, dignitatis, perfectionis, & diuerſarum virtutum, quæ in illis elucent. Secundò ex perceptis beneficiis, pro illis gratias agendo. Tertio, inuocando illos, vt propitientur peccatis noſtris, eorumque remiſſionem nobis obtineant. Quarto, multiplicem miſeriam noſtram, & innumerabiles neceſſitates proponendo, vt à malis omnibus erui, cunctiſque bonis imbuti,  
 ipſorum

AD DEVM, CAP. XVI. 195  
ipsorum meritis, & precibus, mereamur.

---

C A P V T XVI.

*Aspirationes ex nominibus Dei,  
eiusque attributis, & perfectionibus.*

**Q**ui magna mentis adepta puritate ad vnionem cum Deo aspirare iam digni sunt, præter affectus, quos pro perfectis supra descripsimus, alios elicere possunt ex diuinorum attributorum contemplatione. Ad hos enim pertinent Dei verba per os Prophetæ dicentis. [ Vacate & videte quoniam ego sum Deus. ] Vacate, inquit, ab inutilibus cogitationibus, ab affectibus, & desiderijs terrenis, & videte oculo fidei ac contemplationis, quoniam ego sum Deus omnipotens, immensus, infinitus. Rectè Sapiens: [ Noscere Deum consummata iustitia est, & scire virtutem eius ratio est immortalitatis. ] Si tamen ad cognitionem

accedat amor: parum enim prodes-  
set nuda Dei speculatio, nisi simul  
voluntas ad eum assurgeret pijs af-  
fectibus & motibus anagogicis. Id  
qualiter fieri debeat, sequentibus  
aspirationibus breuiter indicabo, vt  
qui Theologica Dei notitia imbuti  
sunt, dicant cum Apostolo: [ Con-  
uersatio nostra in Cœlis est. ]

## D E C A S I.

1. **A** Peri, Domine, oculos ani-  
mæ meæ, vt non contenti  
aspectu rerum temporalium, quas  
percipiunt sensus; ascendant ad æ-  
terna contemplanda, quæ non vi-  
dentur, teque aspiciant Deum inui-  
sibilem, qui es tu omnibus, & super  
omnia.

2. Deus immensæ maiestatis, ve-  
rè mirabilis facta est scientia tua ex  
me, omnia tamen ossa mea, omnia  
membra, sensus, & potentie dicunt,  
quia tu es Deus, & non est alius simi-  
lis tibi. Tu es merum esse & me, vi-  
ta, & gaudeo, quia te plusquam me  
diligere debeo.

3. O si omnia membra mea, omnes sensus, & fibrae verterentur in linguas, vt hoc prædicarent toti mundo, quia tu solus es qui es, ac propterea omnes gentes te laudarent, & glorificarent! O si te omnes agnoscerent, & diligerent plusquam vitam suam, quia in te omnes viuunt, mouentur, & sunt!

4. O pelagus omnis essentiae, & existentiae, tu es ipsummet esse omne esse cōtinens: à te omnia pendent & effluunt, & in te refluunt, & eatenus sunt, quatenus aliquid tui esse participant. Me igitur despiciam, & omnia quæ non sunt: te autem amabo, & tibi adhærebo, qui solus es.

5. Deus perfectissime, & causa omnium entium, perfice gratia tua esse, quod mihi dedisti, vt perfectum sit, sicut & tuum perfectum est, quia ex me ipso nihil sum.

6. O substantia simplicissima, quæ omnia es, quam intimè te diligere, & super omnia æstimare deo! Tu nihil de temporibus, nihil de locis, nihil de rebus trahis. Non partibus constas, vt corpus: non af-



fectibus distas, vt anima non formis  
substas, vt omne quod factum est.  
Fac me æmulari simplicitatem tuam,  
vt in omnibus simplex & purus sim,  
te solum quærens & desiderans.

7. Tu solus impeccabilis es, tu  
solus habes immortalitatem. Per  
hanc te oro, vt moriar morte iusto-  
rum, & à morte peccati semper eri-  
piar.

8. Clarifica, Domine, mentem  
meam, vt cognoscam illud esse, quod  
tu habes per tuam essentiam, & il-  
lud non esse, quod ego habeo ex me  
ipso; vt supra duplicem hanc co-  
gnitionem, tanquam supra duplicem  
polum moueatur rota vitæ meæ,  
donec ad te perueniam.

9. Quàm immensa, & incompre-  
hensibilis est perfectio tua, Domine,  
cui nihil deest, & à quo omnia per-  
fectionem accipiunt! Sim & ego  
perfectus, sicut & tu perfectus es.  
Operare in me quod iussisti, & fac  
me ita perfectum, vt nihil mihi desit.

10. Deus meus & omnia, princi-  
pium meum & finis vltimus, tu es  
mihi omnia quæ concupiscere pos-

AD DEVM, CAP. XVI. 197  
fum : tu meæ diuitiæ , meæ delitiæ ,  
mei honores , & dignitates , ac the-  
sauri infiniti : in te solo omnia ha-  
beo , omnia autem sine te nihil sunt  
mihi. Quando veniam ad te , vt in  
te omnia habeam ?

## DECAS II.

1. **I**llumina intellectum meum ,  
perfectissime Deus , vt in creatu-  
ris omnibus te respiciam earum  
creatorem , à quo illæ suam perfe-  
ctionem accipiunt. Purifica affe-  
ctum , vt in omnibus te amem , &  
quæram , qui es bonum & finis om-  
nium.

2. O dilecte cordis mei , si ita me  
oblectat pulchritudo , & perfectio  
creaturarum , cur non potius pul-  
chritudo , & perfectio tua , à qua illæ  
processerunt ? Diligam te præ om-  
nibus , qui omnium pulchritudinem  
& perfectionem excedis in infinitum ,  
nec illas diligam , nisi in te , &  
propter te.

3. Tu solus , Domine , nullum  
terminum habes : omnes gentes.

198 VIA COMPENDII

quasi non sint, sic sunt coram te. Tuam igitur infinitatem adoro, & absque vlllo termino te amare desidero.

4. Deus immense, qui excelsior Cælo es, profundior inferno, longior terra, latior mari; qui omnia replet, omnia, contines, omnia penetras, clarifica internos oculos meos, vt certiùs te videam, quàm si te viderem oculo externo & corporeo.

5. Rex superne, qui in toto tuo regno ita es per essentiam, vt totus assistas cuilibet parti; concede mihi, vt totus coram te sim, tibi que seruiam ex toto corde, ex tota mente, ex tota virtute.

6. Domine Deus, qui in omni loco contemplaris bonos & malos, acue fidem meam, vt cùm solus sum, me solum, non esse considerem, teque præsentem attendens, nihil faciam tua præsentia indignum.

7. Deus meus, qui realiter intra me es, magis intimus mihi, quam sim ego mihi ipsi, perface in me hanc coniunctionem, quam mecum

habes, addens perfectissimam vni-  
onem gratiæ, & charitatis tuæ, vt  
vnus tecum spiritus efficiar in æter-  
num.

8. Deus immutabilis, apud quem  
non est transmutatio, nec vicissitu-  
dinis obumbratio, fac me immuta-  
biliter tibi adhærere, vt sicut tu idem  
ipse es, & anni tui non deficient, ita  
ego à via rectitudinis nunquam de-  
ficiam, & in amore tuo semper idem  
perseuerem.

9. Æterne Deus, principio ca-  
rens & fine, fac me despiciere tem-  
poralia, quæ caduca sunt & transito-  
ria, & diligere æterna, quæ semper  
tecum perdurabunt.

10. Omnes dij gentium damo-  
nia, tu autem, Domine, solus es  
Deus, & non est alius præter te, Pro-  
pugna causam tuam, & destrue mul-  
titudinem idolorum, vt omnes ho-  
mines in te vnum sint, teque vno  
ore laudent & glorificent. Da etiam  
mihi illud vnum, quod solum est ne-  
cessarium.

## DECAS III.

1. **D**Eus inuisibilis, quando te videbo, non per speculum, & in ænigmate, sed facie ad faciem! O si te cognoscerem, sicut à te cognitus sum, ut sicut tu me amas, ita te amarem! sed quia cognitio obscura & brevis est, te amabo quantum possum, donec te videam sicut desidero.

2. Incomprehensibilis & ineffabilis Deus, gaudeo quòd ipsi supremi Spiritus in tuo conspectu quasi cæci sint: vincis enim omnem scientiam illorum, nec vlla creatura te nominare, sicuti es, aut comprehendere potest. Utinam saltem vires omnes intendam, & applicem ad te diligendum, quandoquidem ad comprehendendum non sufficio.

3. Deus viuens & verus, prima & summa veritas, verax in sermonibus tuis, & fidelis in promissionibus: da mihi, obsecro, veritatem amare, in veritate ambulare, in te sperare & credere, & omnem hypocrisim ac duplicitatem detestari.

4. Sancte Sanctorum Deus, exemplar & finis totius sanctitatis, fateor me nullam sanctitatem habere posse, nisi tu dederis; nec in ea persistere, nisi tu conseruaueris. Funda me in hac profunda humilitate, vt dignus sim ascendere ad altissimam sanctitatem.

5. O summa, suprema, & essentialis bonitas, Deus meus, quam pœnitent me, quòd te derelicto fonte omnium bonorum, ad bona fucata & apparentia me conuerterim ! Mirifica voluntatem meam, vt te vnicum & summum bonum quæram & diligam.

6. Da mihi, ô summa bonitas, summum amorem mihi possibilem, vt toto illo te summè amabilem amem. Deberem sanè infinito amore te prosequi, quia infinitè bonus es, sed quia incapax infiniti amoris sum, opto saltem te amare summo conatu mihi possibili.

7. Torus mihi es amabilis, Dilecte mi, quia totum est bonum quicquid est in te. Vtinam sic tibi amabile esset quicquid est in me. Aufer ab



anima mea omne genus culpæ & maculæ, vt tota sit pulchra in oculis tuis, & amabilis cordi tuo.

8. Ne permittas, bonitas infinita, vllum esse hominem, qui te non amet: aperi oculos odientium te; si enim viua fide te cognoscerent, nunquam odissent.

9. Mirabilis es, Domine, in te ipso, mirabilis in operibus tuis, mirabilis in Sanctis tuis: Tu facis mirabilia magna solus. Te igitur intellectus meus rerum nouarum & mirabilium indagator semper consideret, reliqua omnia tanquam vilia & communia reijciat.

10. Cor meum & caro mea exultauerunt in Deum viuum: licet enim horrendum sit incidere in manus Dei viuentis ad vindictam, valde tamen amabile est incidere in manus tuas, Deus viuens & vita, ad misericordiam.

#### DECAS .IV.

1. **D**eus scientiarum, & totius sapientiæ fons, qui omnia

noſti, & nihil eſt abſconditum ab oculis tuis: ecce colloco me in infimo loco mei nihili, & meæ omnimoda ignorantia; precorque humiliter, vt tribuas mihi noſſe te ipſum, & voluntatem tuam, & hæc cognitio ſufficit mihi, adiuuante me gratia tua, vt te cognitum diligam, & faciam quod à me requiris.

2. Domine diſcretor cogitationum, & intentionum cordis, in cuius conſpectu nulla eſt creatura inuiſibilis, vtinam noſcas me ex nomine, vt me cognitum & tuæ prouidentia ſubiectum ſciens, omnem mei curam & ſolicitudinem in te proijciam.

3. O altitudo diuitiarum ſapientia & ſcientia Dei, quàm incomprehenſibilia ſunt iudicia tua, & inueſtigabiles via tuæ! Incerta & occulta huius admirabilis ſapientia veneror & adoro, eiſque iuſtiſſimæ diſpoſitioni me prorsus committo.

4. Emitte, Domine, ſapientiam tuam à ſede magnitudinis tuæ, vt mecum ſit, & mecum labore, vt ſciam quid acceptum ſit coram te:

omnitempore: præcedat illa omnia opera mea, comitetur me in omnibus quæ fecero, ac eò deducat, ubi clarè te videam.

5. Rerum omnium summe Artifex Deus, qui omnia disposuisti in numero, pondere, & mensura, iuxta exemplar in mente tua præexistens; fac me ita perfectum, ut ideam veræ perfectionis in te existentem, quantum fieri potest, imiter, & exprimam in me ipso.

6. Lux beatissima Deus, & lumen cordium, qui lucem habitas inaccessibilem, & illuminas omnem hominem venientem in hunc mundum, emitte lucem tuam à montibus æternis, & splendoribus Sanctorum illumina cor meum, ut verbo & exemplo cunctis præluceam.

7. Deus, qui reuelas abscondita, & vides in tenebris constituta, da mihi abyssum iudiciorum tuorum timere, & venerari, tuamque voluntatem in præceptis & consilijs tuis reuelatam semper agnoscere, & strenuè perficere: cætera verò, quæ ad me non pertinent, nequaquam perscrutari.

8. Ostende mihi, Deus, magnitudinem amoris tui, vt eo cognito vehementer admirer, & secundum paruitatem meam tantæ dignationi vicem rependam.

9. Gratias tibi ago, Amantissime Deus, quia ab æterno dilexisti me, & ex mera gratia tua voluisti, vt essem, & talis essem. Fateor impossibile esse, vt eo modo te diligam, quo tu me: possum enim bene tibi velle, sed non aliquid dare tibi, quo tu careas. Do nihilominus tibi quod ipse mihi largitus es, seruiens tibi, & pro omnibus gratias agens: quod verò tibi dare nequeo, debeo proximis meis, amore tu.

10. Quàm admirabilis est amor tuus erga hominem, Deus meus, propter quem tot creaturas in sua natura perfectas condidisti! O si tot haberem corda, quot illæ sunt, vt illis omnibus earum nomine te diligerem & glorificarem, reddens tibi debitum quod illæ nequeunt, & cuius ego illarum causa debitor sum!

*DECAS. V.*

1. **A** Mator sempiternæ, qui nunquam cessas amare, & cum amore operari, nam si cessares, omnia desinerent esse; concede mihi, ut nunquam cessem te amare, aut propter amorem tuum operari; si enim charitatem non habuero, nihil sum.

2. Diligam te toto corde, Deus meus, & omnem amorem meum in te vno collocabo, quia tu Pater meus es, tu frater, tu sponsus, tu amicus, & benefactor in æternum.

3. Dulcissime Deus, amabilis super omnia quæ cogitari possunt: magnum fuit beneficium, quod me ad imaginem & similitudinem tuam condideris, sed infinita charitas tua adhuc me voluit ad altiore similitudinem eleuare per gratiam & charitatem, ut non solum seruus, sed amicus tuus essem. Vtinam hæc amicitia ex parte mea perfecta sit, sicut ex tua est perfectissima.

4. Vtinam semper te dilexissem,

superoptime Deus, ex quo sum homo, quia tu me dilexisti ex quo es Deus. Ne differas, anima mea, Deum diligere, ama Amorem ab aeterno te amantem.

5. Quàm immensa est charitas tua, æterne Deus, qui solem tuum oriri facis super bonos & malos! Occlude, si fieri potest, ianuas inferni, ut nemo eò descendat, vbi omnes te oderunt: aperi portas Cœli, ut omnes eò conscendant, vbi omnes te diligunt.

6. O altitudo bonitatis Dei, ô amor ineffabilis, qui ut perfectam cum homine amicitiam contraheres, illum ad Dei æqualitatem sublimasti. Quas tibi referam gratias pro tam eximio beneficio? laudet te ipsamet charitas tua, & benedicant opera, quæ ab illa proueniunt.

7. Exulto, Domine, cùm lego in scripturis tuis, quia tu charitas es. Quid enim dulcius, quid lætius audiri potest? Da igitur mihi te ipsum, da charitatem tuam. Diligam te, sicut vis diligere, & da quod iubes, ut implere possim quod desideras.



8. Deus fortis, & Zelotes, Deus æmulator, qui ob nimium erga me amorem zelo zelaris, ne amorem tibi debitum alteri tribuam: accendatur velut ignis zelus tuus, nec me vnquam permittas ab amore tuo declinare.

9. Amator ardentissime, cuius amor transít in zelum, comedat me zelus gloriæ tuæ, & ad eam propagandam semper impellat.

10. Deus author pacis & amator, aufer à zelo meo omnem perturbationem, vt similis sit zelo tuo, pacificus, discretus, secundum scientiam. Tu es enim princeps pacis, & Ecclesiam tuam fundasti in pulchritudine pacis: omnia in pace & tranquillitate disponis, & factus est in pace locus tuus.

## DECAS VI.

1. **M**iserator, & misericors Domine, longanimis & multum misericors, cui proprium est misereri semper & parcere; mirifica super me misericordiam tuam, & se-

cundum multitudinem miserationum tuarum dele omnes iniquitates meas.

2. Præueniat me misericordia tua, Domine, & subsequatur omnibus diebus vitæ meæ, vt liber sim ab omni miseria animæ, & corporis. Veniant mihi miserationes tuæ. & viuam, & cantabo in æternum, quia tu es Deus vita mea, & misericordia mea.

3. Iustus es, Domine, & rectum iudicium tuum, iustitia plena est dextera tua. Millies pro hac te laudo, precorque, vt non intres in iudicium cum seruo tuo, quia non iustificabitur in conspectu tuo omnis viuens.

4. Iustissime Iudex, qui scrutaris Hierusalem in lucernis, & iudicas æquitatem, vide si via iniquitatis in me est, & deduc me in viam æternam. Viciscere hic in omnes adinventiones meas, vt parcas in æternitate. Libera me nunc ab omni peccato, vt in iudicio tuo ab ultione liber euadam.

5. Fortissime Deus, in quo omnia, & sine quo nihil possum, vide infir-

210 VIA COMPENDII

mitatem meam, & laborem meum,  
& roboram me virtute tua, vt meipsum  
vincam, & omnia quæ virtuti ad-  
uersantur.

6. Scio, Domine, quia tu es Deus  
clemens, & benignus, & infinitæ  
patientiæ, qui dissimulas peccata  
hominum propter pœnitentiam: su-  
scipe me itaque reuertentem ad te,  
& præsta, vt patientia tua non abu-  
tar.

7. Verè tu, Domine, suavis & mi-  
tis es, & multæ misericordiæ omni-  
bus inuocantibus te; quare, precor,  
vt corripias me in mansuetudine, &  
suauitate tua, non autem in furore  
tuo; ne fortè ad nihilum redigas  
me.

8. Magnus es Domine, & lauda-  
bilis nimis, terribilis super omnes  
Deos: benedicant te omnia opera  
tua, cælum & terra, & quicquid in  
eis continetur.

9. Quicquid eueniat mihi, Do-  
mine, semper laus tua erit in ore  
meo. Lingua autem deficiente, om-  
nis respiratio mea sit laudis tuæ si-  
gnificatio, corpore verò extincto, &

AD DEVM, CAP. XVI. 217

in puluerem redacto, laudes tibi infinitas dicant minutissima quæque pulueris grana vsque ad extremum iudicij diem.

10. Vniuersa propter temetipsum operatus es, Domine, tu finis omnium rerum, & non est alius vltimus finis præter te. Verè fecisti nos ad te, & inquietum est cor nostrum, donec requiescat in te. Tu es ciuitas, ad quam tendimus; tu portus, ad quem nauigamus; tu magnes cordis nostri. Trahe nos igitur ad te ab hoc durissimo exilio, ab hoc mari procelloso.

DECAS VII.

1. **T**erribilis es Domine, & magnus vehementer, & mirabilis potentia tua; fecisti enim omnia quæ voluisti in cælo & in terra, quia subest tibi cum volueris posse: imò plura infinities facere potes, quàm vel cogitatione ego assequi valeam. Robora impotentiam meam omnipotentia tua, quia sine te nihil facere possum, & tu omnia operaris in me.

412 VIA COMPENDII

2. Deus liberalissime, gratias ago tibi ob tot insignia opera tuæ infinitæ liberalitatis: concede vt sim liberalis in reddendo tibi, quod à te accipio.

3. Offero tibi cor meum, suscipe illud, Domine, quia melius & securius apud te erit, quàm apud me.

4. O Deus omnipotens, qui totam terræ molem appendis, nulli rei extra innixus, oro vt mihi nihil meum verè agnoscanti, tu solus mea sis firmitas, & in te securus sit virtus mea.

5. Benignissime Pater, cuius providentia in sui dispositione non fallitur, dirige omnes actiones meas in finem à te destinatum, quia in manibus tuis sortes meæ, & ijs me totaliter committo.

6. Amantissime creator, qui admiranda providentia singulis prospicis creaturis, & mihi ab æterno bona preparasti, quibus nunc fruor: fac me ita transire per bona temporalia, vt non amittam æterna.

7. Relpexisti me, Deus, ante mundi constitutionem, & dilexisti me

antequam quicquam boni vel mali facerem, & ex mera tua bonitate elegisti me in Christo, vt essem sanctus & immaculatus. Et nunc, Domine, gratias ago pro tam insigni beneficio, precorque, vt des mihi per bona opera certam facere vocationem meam.

8. Manus tuæ, Domine, fecerunt me, & plasmauerunt me: da mihi intellectum, vt discam mandata tua. Et sicut esse quod habeo dedisti mihi, ita etiam da perfectionem, qua careo, vt opus tuum sit omni ex parte perfectum.

9. O Sapientia Diuina, quæ ex ore Altissimi producti, primogenita ante omnem creaturam, quæ effectisti in cælis, vt oriretur lumen indeficiens, largire mihi partem aliquam tuæ lucis quæ indeficiens in me permaneat.

10. Æterna Sapientia, cuius delicta creare filios hominum, & esse cum illis, quandoquidem me creasti, conuersationis tuæ & boni infiniti capacem, ne vacuum esse permittas hanc in me capacitatem, sed age



me cum familiariter, & imple me te-  
ipſa, quia tu ſola ſufficis mihi.

### DECAS VIII.

1. **P**ater miſericordiarum, qui  
Electos tuos prædeſtinasti  
conformes fieri Imagini Filij tui, ita  
me illi conforma in ſanctitate, ut  
cum apparuerit, ei ſimilis ſim in  
gloria.

2. Benefactor immenſe, dator &  
conſeruator omnium bonorum, qui  
omnia quæ feciſti continuata qua-  
dam creatione conſeruas, & ad om-  
nes actiones noſtras ſemper concur-  
ris; conſerua me, quoniam in te  
ſperaui, & fac me ſemper operari  
quod tibi placet, ut concurſus tuus  
in meum commodum ſemper cedat,  
& ad maiorem tui gloriam.

3. Rege me, Domine, & guber-  
na me: ne, quaſo, ego meipſum re-  
gam, nec me gubernet mundus, aut  
caro: tu enim ſolicitus es de me,  
meique curam ſapientiſſimè geris, ac  
ſi ego ſolus eſſem in mundo, qui tu-  
men omnium ſum miſerrimus.

4. Submitto me, Domine, prouidentia & dispositioni tuae in tempore & in aeternitate: in te projicio omnem sollicitudinem meam; quia non derelinquis diligentes te: & si quaesiero regnum Dei, & iustitiam eius; caetera omnia adijciuntur mihi.

5. Gratias tibi ago, bonum infinitum, quia ex malis nostris bona deducis, & permittis nostram miseriam, ut magis emineat misericordia tua: Ostende quaeso in me huiusmodi prouidentiam, ut omnia mihi cooperentur in bonum.

6. O iuuuissima Dei prouidentia, quid amplius facere potuisti? Sic nimirum dilexisti mundum, ut Filium tuum Unigenitum dares: Filium, inquam, tuum, ut seruum redimeres, tradidisti. Applica nunc mihi tam copiosae redemptionis fructus, ut per gratiam tuam redemptus, te fruatur semper in gloria.

7. Esto mihi, dulcissime Iesu, sapientia, iustitia, sanctificatio, & redemptio, applicans mihi efficaciter pretium sanguinis tui, quem pro om-

8. Tibi gratias ago, Amantissime, Pater, quia me vocasti vocatione tua sancta ad fidem tuam, & statim natum per baptismum regenerasti; à te autem auersum miris modis ad te pertraxisti, & gratiâ tuâ iustificasti. Nisi enim tua inspiratio me prænissset immeritum, iam meritis pro sceleribus pœnis afficerer.

9. Domine Dominus noster, quam admirabile est nomen tuum in vniuersa terra! Mirabilis enim fuisti in creatione, mirabilis in redemptione, sed multò mirabilior in conuiuio quod parasti nobis in dulcedine tua, in quo anima nostra, Redemptoris nostri carnem manducat, & sanguinem bibit. Utinam mihi liceat hac salutari mensâ refectò dicere cum Apostolo: Viuo ego, iam non ego, viuit verò in me Christus.

10. Pastor supreme, salua me ex ore leonum, & luporum infernalium, quia parasti in conspectu meo hanc mensam cœlestem, aduersus eos qui tribulant me.

## DECAS IX.

1. **O** Fons bonitatis, Deus anima mea, quis sum ego, & quæ domus mea, vt me vocare dignatus sis ad hunc sublimem statum Religionis; Nam cū essem in seculo sicut vnus ex multis, claudicans in duas partes, innotuisti de cælo, & dedisti vocem tuam, vocem magnam & efficacem, qua de mundi deserto eduxisti me, & in paradysum transtulisti.

2. Gratias tibi, Magister supreme, quod me in discipulum tuum elegeris in hac schola perfectionis, multis aliis relictis, qui me digniores erant. Da mihi sequi vestigia tua, & quod docuisti semper implere.

3. Adueniat regnum tuum, Rex sempiternæ, regnum æternum, quod præparasti diligentibus te: Ostende mihi bona, quæ promisisti, & ita me excita ad illa procuranda, vt ea tandem obtineam.

4. Quam dilecta tabernacula tua, Domine virtutum! Concupiscit, &

præ magnitudine desiderij deficit anima mea, dum cogitat de atriis tuis. O quando veniam, ut in eis habitem, & tanta fruatur pulchritudine?

5. Multa scio de te, Domine, sed nescio quid dicam. Quicquid enim dixerō, quicquid cogitauerō finitum est, tu autem immensus es, & incomprehensibilis, & magnitudinis tuæ non est finis.

6. Deus infinite, qui es Trinus in personis, sed vnus in essentia; & ita diuinitatem communicas, ut Vnitas non lædatur; communica mihi copiosam gratiam, ut sim tecum vnus charitate perfecta.

7. Sancte Sanctorum, Deus spirituum, & cunctæ carnis, à cuius conspectu tremit cælum & terra, omni qua valeo virtute te benedico, quia per Ecclesiæ tuæ sancta documenta in fide tua confirmasti me.

8. Temuoco, Beata Trinitas, ut venias in me, & templum dignum gloriæ tuæ efficias me. Perfice me Deus, qui plasmasti me, usque

ad plenam formam imaginis, & similitudinis tuæ, ad quam fecisti me.

9. Deus immense, à quo omnia per quem omnia, in quo omnia facta sunt, custodi me opus manuum tuarum in te sperantem, & in tua solummodo misericordia confidentem.

10. Domine, qui dixisti: Non videbit me homo, & viuet, Moriar, vt te videam. Hæc est enim vita æterna, vt te Patrem, Filium, & Spiritum Sanctum, vnum, verum, & solum Deum cognoscam, & amem in secula seculorum.

*DECAS X.*

1. **P**ater immensæ maiestatis, principium absque principio, qui à nullo procedis, gaudeo quod intra te ipsum Verbum tuum æternum concipias, Filiumque generes ad eò tibi similem, vt sit vnum & idem tecum.

2. Pater cœlestis, à quo omnis Paternitas in cœlo & in terra no-



minatur, obsecro te per Filium tuum Vnigenitum, in quo tantopere delectaris, vt multos alios gignas filios per gratiam adoptionis, vt Paternitas tua vbique dilatetur, & resplendeat.

3. Pater ingenite, innascibilis, improducibilis, fons Deitatis, ac totius entitatis origo, sanctifica me in veritate, vt qui à te processi, in te perpetuò maneam, nec vnquam mens mea à te auertatur.

4. Fili Dei Vnigenite, qui æterna generatione à Patre procedis, ipsi coræqualis, & consubstantialis, fac me pro modulo meo huius similitudinis, & æqualitatis aliqua ex parte participem.

5. Fili Dei, Deus de Deo, lumen de lumine, sapientia increata, candor lucis æternæ, fac me filium lucis in hac vita, vt in æterna lumine gloriæ illustratus videam te gloriosum & benedictum in seculà.

6. Splendor paternæ gloriæ, & figura substantiæ eius, qui summè dilectus à Patre, ipsumque Patrè summè diligens, simul cum ipso vnica

spiratione producis Spiritum Sanctum: emitte lucem tuam, & veritatem tuam, vt splendoribus tuis illustratus cognoscam te, & diligam, sicut tu diligis Patrem, & eum perfecte cognoscis.

7. Sancte Spiritus, consolator dulcissime, donum Altissimi, & vnctio Electorum, da mihi te ipsum donum infinitum, vt & ego spiritus sim sicut es tu, omnis terrenæ contagionis expers; & sanctus sicut tu, currens inoffenso pede viam mandatorum tuorum.

8. Spiritus Patris, à quo accipis diuinitatem, & omnipotentiam: Spiritus Filij, à quo accipis eiusdē sapientiam: Spiritus vtriusque, à quibus accipis infinitum amorem, quo se mutuo amant; illabere menti meæ, & fac concordiam in affectibus meis, vt coniungar tibi in vno spiritu, & totus conuertar in spiritum amoris.

9. Sanctissime Spiritus, & amor suauissime, charitas essentialis, & totius charitatis principium, bonitas æterna, à qua omnia bona in nos def-

cedunt: inflamma voluntatem meam  
feruentissimo tui amore, & adstringe  
me tibi, ac Patri, & Filio; ut nec  
intellectu, nec affectu à vobis diuel-  
lar.

10. Sancta & adoranda Trinitas,  
Deus meus, & omne bonum meum,  
da teipsum mihi, & sufficit mihi.  
Quid enim ei sufficiet, cui tu non  
sufficis?

---

## CAPVT XVII.

*Vitam Christi esse fontem om-  
nium bonorum. Quomodo ex  
ea pij affectus eliciantur.*

**P**ROLIXI voluminis opus foret bo-  
na omnia commemorare, quæ  
ex vita Christi velut ex fonte vber-  
rimo, & nunquam deficiente scatu-  
riunt, & perenniter fluunt. Ipse  
enim Saluator noster factus est no-  
bis à Deo sapientia, iustitia, redem-  
ptio, & sanctificatio. In ipso habemus  
diuitias salutis, thesaurum me-

ritorum, cumulum perfectionis. Si-  
 cut Sol aspectu suo latificat, influit,  
 illuminat, nec vnquam cessat ope-  
 rari: ita verus Sol animarum Iesus  
 Christus iugi influxu infundit in nos,  
 & imprimit mores suos, virtutes  
 suas, suam Diuinitatem. Vitæ eius  
 consideratio erigit in aduersis, in  
 prosperis reprimat, tollit peccata,  
 conciliat gratiam, excitat ad amo-  
 rem, inuat incipientes, dirigit pro-  
 ficientes, edocet perfectos. Quem-  
 admodum vnguentarij semper olent  
 id quod attrectant; sic Christianus,  
 qui assiduè cùm Christo versatur,  
 eius redolet patientiam, charitatem,  
 humilitatem, cæterasque virtutes,  
 quas vitæ suæ studioso sensim instil-  
 lat idem Dominus virtutum, cuius  
 doctrina seminarium iustitiæ, vita  
 speculum prudentiæ & temperan-  
 tiæ, mors exemplum est fortitudi-  
 nis. Sed quia non sufficit Christi vi-  
 tam meditari, nisi etiam ex ea pij &  
 deuoti affectus eliciantur, huius rei  
 praxim in hoc capitulo breuiter in-  
 dicabo, vt auctorem fidei respicien-  
 tes, eundem salutis nostræ atque

DECAS I.

1. **D**omine Iesu Christe, conce-  
de mihi misero peccatori vi-  
tam & mores tuos præ oculis men-  
tis semper habere, & pro viribus  
imitari.

2. O charitas infinita, ô admiran-  
da dignatio tuâ, Domine, vt ser-  
uum redimeres Filium tradidisti.

3. Vidisti, suauissime Iesu, afflictio-  
nem populi tui, & graue onus filio-  
rum Adam, & tactus stimulis cha-  
ritatis intrinsecus cogitasti super nos  
cogitationes pacis, & redemptionis.  
Nam vbi aduenit plenitudo  
temporis, visitasti nos oriens ex al-  
to.

4. Deus immensæ maiestatis, quid  
est homo, quod memor es eius, aut  
filius hominis, quoniam visitas eum?  
Laudent te Angeli tui ob tantum a-  
morē, quo nos miseros prosequeris.

5. Salue dies tot ætatibus optata,  
qua Deus pro nobis factus est homo,

AD DEVM, CAP. XVII. 225  
Salve Gabriel Archangele tanti gaudi-  
j annunciator. Salve Virgo glo-  
riosa, in cuius castissimo utero car-  
nem assumpsit Deus.

6. O quàm potens es Amor, qui  
ad tam infima abijs Deum ! O  
quàm diuino dissimilis est amor  
meus !

7. Princeps supreme, qui de Cœ-  
lo in terram pro mea salute descen-  
disti, tanto mihi charior es, quan-  
to pro me factus es vilior.

8. Verbum incarnatum plenum  
gratiæ & veritatis, eadem gratia im-  
ple animam meam, vt tibi placeat.

9. Verbum diuinum partem ali-  
quam largire mihi lucis, & gratia-  
rum, quas tribuisti assumptæ huma-  
nitati. Deprime cor meum humili-  
tate vsque ad intimum locum : erige  
gratitudine & amore ad altissimum  
gradum.

10. Christe Saluator, qui adhuc  
clausus maternis visceribus ad Præ-  
cursorem sanctificandum propera-  
sti, da mihi peccatorum veniam, &  
spiritualem in tuo obsequio læti-  
tiam.



## DECAS II.

1. **I**esu amabilissime, qui pro me nasci in sordenti stabulo voluisti, illumina mentem meam, & voluntatem, quo tuam Natiuitatem contemplari valeam, & elucentes in ea virtutes imitari.

2. Cur non ardet cor meum tenerissimo tui amore, Infans formosissime, qui salutem meam in ipso tui ortu operari cœpisti?

3. Utinam Natiuitati tuæ præsens fuisssem, dignusque habitus, qui te amplecterer, & mea tibi obsequia deferrem. Accepta, Domine, hanc voluntatem & præsta, vt quicquid possum, quicquid sum tuo semper famulatui impendam.

4. O inaudita amoris prodigia! Dilecti mei cubile, stabulum est, desponsationis meæ thalamus præsepe, lectus sponsi mei fœnum, puluillus stramen, aula vilis speculunca.

5. O sanctam Filij Dei paupertatem, omnibus mundi diuitijs præ-

rosiorem ! hanc mihi commendabilem tuo exemplo reddidisti, bone Iesu, natus in stabulo, pannis inuolutus, qui Cælum stellis, terram floribus adornasti. Infunde cordi meo eius amorem, & da patienti animo eius molestias perferre.

6. O quantum lugere debeo pro peccatis meis, pijsissime Iesu, quandoquidem tu pro eis ploras ! Me enim abluunt vagientis tuæ infantis fletus, mea delicta tuæ deplorant lacrymæ.

7. Iesu sapientissime, qui tacendo doces & vagiendo prædicas ; doce me in silentio humilitatem tuam sequi, tibi que conformem fieri infantili simplicitate, & innocentia.

8. Fortunati Pastores, quibus ante omnes lapsus è Cælo Deus, stabuloque reconditus angelica voce nuntiatur.

9. Verè gloria in excelsis Deo : nam cui gloria, nisi tibi Rex gloriæ ? Trahe cor meum in excelsa, ut nunquam degenerem ab excelsis cogitationibus filiorum tuorum.

10. Da mihi, Saluator dulcissime,

quam omnibus offers bonam voluntatem, pacemque diuinam, vt abiecta mundi inconstantia, & discordia in beneplacito tuo stabilis perseuerem.

## DECAS III.

1. **L**audote te, redemptor mundi, pro prima sanguinis tui in terrima ætate effusione, cum tua caro immaculata pœnam circumcisionis, quam non meruit, sustinuit.

2. O lapsus Adæ, quàm es amarus Domino meo! ego peccaui, & tu Domine, pœnam exoluis, ego in concupiscentia conceptus & natus sum, & tu suscipis in te vltionem.

3. Sponsus sanguinis tu mihi es, qui cum voce nondum possis, ipso cruore tuo clamas pro me ad Patrẽ; mihi que tribuis arrham desponsationis sanguinem tuum, preciosum super aurum & topazion.

4. Circumcide, Domine, omnia membra & sensus meos spirituali petra, quæ tu ipse es, & quicquid in me repereris carnale, & superfluum abscinde, & extirpa; vitamque meam

AD DEVM, CAP. XVII. 229  
disciplinæ tuæ rigore coërcere.

5. O dulcissimum nomen Iesu, super omne nomen in Cælo & in terra benedictum, esto mihi salus & redemptio: non enim est aliud nomen hominibus datum, in quo oporteat nos saluos fieri.

6. Esto mihi, Iesu, id quod diceris. Esto mihi turris fortitudinis à facie inimici. Scribe nomen tuum salutiferum in corde meo, vt ibi maneat semper impressum, donec perducatur ad æternam salutem.

7. Glorifico te Deus, pro primitiis gentium, & earum admirabili illuminatione, cum eas ob oriente in persona trium Magorum ad fidem tuam secreta inspiratione traxisti.

8. Adoro te, Rex Regum, cum sanctis Magis, & pro illorum muneribus offero tibi aurum paupertatis, thus obedientiæ, myrrham castitatis.

9. Utinam omnes gentes te fide viuam cognoscerent, & adorarent, & tibi fideliter seruirent!

10. Da mihi, Domine, horum virorum fidem, & constantiam, vt

230. VIA COMPENDII  
eadem, qua illi, perseuerantiâ te  
quæram, donec inueniam.

DECAS IV.

1. **V**Oluiſti, Domine, præſentari  
in templo, & more ſeruo-  
rum quinque ſiclis redimi: ſit bene-  
dicta immenſa charitas tua: & quia  
Pater tuus te mihi tradidit quinque  
ſiclorum pretio, ego viciffim trado  
me tibi in ſeruum perpetuum. Fiat  
per gratiam tuam, vt nec tu me vn-  
quam deſeras, nec ego te.

2. Benedico te, ſanctiſſime Re-  
demptor, quia vt nobis veræ obe-  
dientiæ exemplum relinqueres, te  
legalibus inſtitutis, tanquam vnus  
de populo ſubdidifti. Da mihi in  
omnibus perfectiſſimam obedi-  
tiam.

3. Offero tibi, Domine, par tur-  
rum, geminam ſcilicet compun-  
ctionem; primò quidem pro pecca-  
tis, & negligentis meis, deinde ve-  
rò pro æterna felicitate, ad quam  
iugiter ſuſpiro.

4. Da mihi, bone Ieſu, radium

aliquem illius lucis, quam Sancto  
feni Simeoni tribuisti, cum te infan-  
tem in vlnas suas suscepit, vt te a-  
gnoscam, & amem, sicut ille te no-  
uit & amauit.

5. Sapientissime Iesu qui Sanctæ  
Genitrici tuæ doloris gladium, quo  
transigenda erat, reuelari voluisti,  
transige animam meam gladio  
compunctionis, ne me dissoluant  
vanæ mundi consolationes.

6. Vix natus eras, Rex amantissi-  
me, cum subito mundus te perse-  
quitur, & Rex Herodes statim te  
querit, vt perdat te, sicut autem te  
caput bonorum persecuti sunt im-  
pii, ita & membra tua. Da mihi igi-  
tur hanc veritatem agnoscere, &  
malorum persecutiones patienter  
ferre.

7. Tecum fugere, Iesu dulcissime,  
& omnia quæ mundi huius sunt re-  
linquere, graue mihi non erit: nam  
si tu mecum fueris, quid poterit mi-  
hi deesse?

8. Comitare fugientem Deum,  
anima mea, nec erubescere ad hanc  
fugam. Gloriosum est & dulce pro



232 . VIA COMPENDII

Deo abijci, & contemni.

9. Adesto mihi, Deus, gratia tua, vt in huius vitæ exilio, voluntati tuæ subiectus viuam, semper bonum exemplum illis præbens, cum quibus vixero.

10. Dulcis Iesu, qui reuocatus ab Ægypto, vbi exul diu fuisti, in Nazareth secessisti, & Nazaræus vocatus es: da mihi leges Nazaræorum spiritualiter obseruare, abstinere nimirum ab omni amore inordinato, & nihil tangere quod possit maculare animam meam.

DECAS V.

1. **N**ihil scimus de te, ô Sapientia incarnata, vsque ad annum duodecim ætatis tuæ, & multa scimus. Ipsa enim taciturnitas tua clamat in cordibus nostris; vt silentium tuum, & humilitatem admiremur, & imitemur.

2. Sedisti in medio Doctorum, sapientissime puer, interrogans prudenter, & respondens modeste, ita vt omnes mirarentur. Vtinam illic

AD DEVM, CAP. XVII. 233  
ad fuiffem, & fèrmones tuos audire  
licuiffet. Repete eos, Domine, in  
corde meo, vt fructu eorum per-  
fiuar in æternum.

3. O quàm dolenter quæfuit te  
amiffum mater tua, quàm lætanter  
te inuenit! Da mihi exemplo tuo in  
his fèmpèr effe, quæ Dei fùnt, nulla  
habita ratione cognationis, & fan-  
guinis: & fac, vt te abfentem folici-  
tè fèmpèr quæram, donec inueniam.

4. Congratulor tibi, Beatiffima  
Virgo, quòd dilectiffimum tuum in-  
ueneris: ora pro me, ne vnquam il-  
lum amittam, aut ab eo difcedam.

5. Proficiebas, dulciffime puer, fa-  
pientia, ætate, & gratia apud Deum,  
& homines; quia maiora quotidie  
edebas virtutis indicia, ego autem  
proficere opto à remiffiori vita ad  
feruentem & perfectam. Da tu mihi  
benedictionem tuam, vt iuxta defi-  
derium meum crefcam de virtute in  
virtutem, donec ad gradum fupre-  
mum perueniam.

6. O humilitas Chrifti quantum  
confundis superbiam & vanitatem  
meam? Tulatuifti, Domine, & tacui-

sti vsque ad trigesimum annum, cūm  
esses sapientia æterna: ego verò stul-  
tissimus cūm sim, inaniter loqui præ-  
sumo, & apparere. Doce me viam  
solidioris humilitatis, & tuis sem-  
per inharere vestigijs.

7. Domine Iesu, fons bonitatis &  
origo virtutum, qui à baptismo  
Ioannis prædicationem tuam auspi-  
catus es, quid tibi & baptismo isti,  
cūm sis innocentissimus? Utinam  
superbia mea hoc tam mirabili hu-  
militatis exemplo exterminetur!

8. Rex altissime, qui omnem iu-  
stitiam sic implere voluisti, baptiza  
me in igne & spiritu, & ablue ani-  
mam meam ab omni sorde iniqui-  
tatum.

9. Imple me, Domine, Spiritu  
Sancto, ut eo inspirante sequar te in  
desertum, & secedam ab homini-  
bus, orationi, ieiunio, & pœnitentia  
incumbens.

10. Fortissime athleta, Iesu Chri-  
ste, qui strenuè contra diabolum  
dimicasti, & eum gloriosè supera-  
sti; da mihi viriliter contra ipsum  
decertare, & mitte sanctos Angelos

AD DEVM, CAP. XVII. 235  
tuos, qui me fideliter custodiant, po-  
tenter adiuuent, & benignè conso-  
lentur.

*DECAS VI.*

1. **C**onfiteor tibi Pater, Domine  
cæli & terræ, quia Redem-  
ptionis nostræ mysteria abscondisti  
à sapientibus, & prudentibus huius  
seculi, & paruulis piscatoribus reue-  
lasti, vt mundi sapientiam destrue-  
res. Fac me paruulum in oculis meis,  
vt magnus fiam in tuis.

2. Dux supreme, qui omnes ad te  
vocas per viam crucis & abnegatio-  
nis, gratiam tuam largire mihi, vt  
crucem meam indefessus portem vs-  
que ad mortem.

3. Aliam viam, Domine, tenere  
nolo, quàm tuam: nec aliam, quàm  
tuam veritatem amplecti: nec aliam  
vitam ducere, præter eam, quam tu  
docuisti. Tu es enim via, veritas, &  
vita.

4. Gratias ago tibi, æterne Pater,  
quòd talem mihi magistrum, legis-  
latorem, & consiliarium dederis, cu-

ius præcepta & monita via tutissima salutis sunt.

5. Aperi os tuum, Saluator mundi, & loquere ad cor meum, quia audit seruus tuus, desiderans id exequi quod audierit.

6. Illumina me splendoribus tuis superne Magister, ut perfectionem agnoscam, quam mihi commendas: igne tuo accende, ut eam amem: potentiâ corrobora, ut eam quæram & assequar.

7. Saluator potentissime, qui tot miracula verbo virtutis tuæ patrare dignatus es; innoua signa, immuta mirabilia, & animæ meæ languores sana, eamque resuscita à morte viriorum.

8. Inclyte Iesu, lux mundi, salus populi, & gloria nostra, respice propitius infirmitatem meam: nemo enim potest spiritualia vulnera curare, nisi tu qui solus es Deus.

9. Circuisti vicos & plateas, dulcissime Iesu, ut peccatores conuerteres, & pœnitentibus indulgentiam conferres: fac me huius charitatis tuæ participem, & miserere mei.

quoniam iniquitatem meam ego cognosco.

10. Millies te laudo, & benedico, Iesu sanctissime, exemplar omnium virtutum pro vita tua pauperrima, humillima, purissima, patientissima: tribue mihi miserrimo seruo tuo mores tuos sedulò meditari, & ad eorum normam omnes actus, sermones, & gestus meos efformare.

### DECAS VII.

1. **Q**uàm immensa fuit charitas tua, benignissime Redemptor, quia non solum pro salute mea vitam ærumnosam ducere, sed eam insuper acerbissima passione & morte claudere voluisti. O quàm grauiasunt peccata mea, quæ talem poscebant satisfactionem!

2. Clementissime Pater, per passionem & mortem Unigeniti tui ignosce peccatis famuli tui. Suscipe sacrificium filij tui, & obliuiscere iniuriarum nequissimi serui tui. Multò enim plura ille soluit, quàm sit debitum meum.

3. O passio Christi desiderabilis, ô



amabilis mors, sana vulnera mea, & viuifica me: inflamma pectus meum, vt præ amore liquefcat,

4. Non peto mundi diuitias, sed tuas angustias, Domine Iesu: non carnis delitias, sed tua flagella.

5. Rogo te, dulcis Iesu, ne finas vnquam me obliuisci mortis & passionis tuæ, sed præsta, vt in ea mihi sit requies & accessus ad Diuinitatem.

6. Omnia vulnera tua, Domine, inscribe cordi meo, vt tu solus, tuæque passio in eo legantur. Intra vulnera tua absconde me.

7. Domine Iesu, qui nos sic amasti, vt tibi non parceres, veni; & ne differas vulnerare cor meum, vt solum tua vulnera sentiam, & in ijs iugiter maneam, & requiescam.

8. Tui dolores semper occupent pectus meum, vt eorum memor dicam cum sponsa: Fasciculus myrrhæ dilectus meus mihi inter vbera mea commorabitur.

9. Dulcis Iesu, qui tanto feruore & festinatione in Hierusalem ascendisti, vt durissimam mortem pro me

AD DEVM, CAP. XVII. 239  
patereris, fac me alacrem & frequen-  
tem ad omnia quæcunque volueris  
pro te sustinenda.

10. Saluator mundi, qui à perditio  
discipulo venditus fuisti, ne quæso  
permittas, vt pro vili pretio rerum  
terrenarum te summum bonum  
meum vendam & derelinquam.

### DECAS VIII.

1. **H**Vmille Iesu, qui serui ob-  
sequio lauisti pedes discipu-  
lorum tuorum, amplius laua me ab  
iniquitate mea, & à Spiritu super-  
biæ libera me.

2. O dilecte cordis mei, qui im-  
minente passione tua perpetui amo-  
ris tui pignus immensum reliquisti  
nobis, corpus tuum scilicet in ci-  
bum, & sanguinem in potum; præ-  
para me ad hoc conuiuium, & orna  
animam meam virtutibus tuis.

3. O Rex supreme, qui nutris san-  
guine tuo populum tuum, vt simus  
omnes de regio tuo sanguine genus  
electum, regale sacerdotium, gens  
sancta: fac me agnoscere genus

240 VIA COMPENDII

meum, & de eo gloriari, & à moribus tuis nunquam degenerem esse.

4. Vt passio tua esset acerbior, amabilissime Iesu, omnem lætitiā à te procul abiecisti, incipiens pauere, contristari, & mœstus esse, & vbi dolor meus in causa tua & mea? Fac me semper memorem tristitiæ tuæ, vt omnem angustiam quacumque ex causa mihi aduenientem pro tui nominis gloria libenter patiar.

5. O lætitia Angelorum, qui in tristitia tua ad orationis remedium confugisti, concede mihi misero, vt ab lacte à lacte, & auellar ab vberibus humanarum consolationum, meque torum orationi applicem, in qua sanctissimam voluntatem tuam & cognoscam, & exequar.

6. Transeat à te, Domine, ad me calix tuus: omnis enim amaritudo pro te degustata erit mihi iucundissima.

7. Quis mihi det dolores tuos ita sentire, afflictissime Iesu, vt vel eorum cogitatio sanguineum à me sudorem eliciat? Adiuua me gratiā tuā, vt voti huius compos efficiar,

8. Laudo

8. Laudo & glorifico te, mitissime Iesu, pro tua ineffabili mansuetudine, quam ostendisti à perfido discipulo osculo traditus, & ab impijs comprehensus, atque ligatus: da mihi hunc spiritum lenitatis, quo erga meipsum seuerus sim, & erga proximum mansuetus.

9. Quàm celeriter ire cogeris à tuis hostibus raptatus, dulcissime Iesu, sed multò magis à tua charitate: ne quæso patiaris, vt à te alacriter sequendo desistam, etiam si multi labores, & dolores subeundi sint.

10. Iesu innocentissime, qui per diuersa tribunalia crudeliter trahi voluisti, victima meorum criminum; dirige gressus meos in viam pacis, & iube me venire ad te; nam & si oportuerit me mori tecum, non te negabo.

### DECAS IX.

1. **O** Bone Iesu, virtus & fortitudo animæ meæ, qui tot irrisiones, percussiones, & contumelias admirabili patientia tolerasti,

Doce me omnia mihi aduersantia  
miti silentio vincere, & tranquillo  
corde suscipere,

2. Pijsissime Iesu, qui nequissimo  
latrone & homicida nocentior pro-  
clamatus fuisti, fac me vana homi-  
num iudicia contemnere, & oppro-  
brium tuum semper præ oculis ha-  
bere, falsisque mundi honoribus  
præponere.

3. Mitissime Iesu, qui nudus ad  
columnam alligatus, & durissime  
propter scelera mea flagellatus fuisti;  
concede animæ meæ, vt diuturnis  
criminum tempestatibus iactata in  
hac columna portum inueniat, Liga  
me ad eam in funiculis Adam, in  
vinculis charitatis.

4. Rex Christe, corona Sancto-  
rum omnium, qui inaudito suppli-  
cio spinis coronatus fuisti, & iocu-  
lari purpura indutus; fac me om-  
nem contemptum patienter ferre,  
atque inglorium omnibus apparere,  
tuasque spinas semper amare.

5. Benignissime amator homi-  
num, qui ab aliquo iudice morte  
turpissima dampnatus fuisti, cum sis

speculum innocentia, & sanctitatis: quanto magis me pati oportebit sinistra hominum iudicia, qui in multis tam sapè deliqui?

6. Proficiscere, bone Iesu, ligno crucis onustus, sed multo magis amoris pondere pressus, & qui dolori tuo non parcis, parce peccatis meis.

7. Iugum tuum, Domine, suauē est, & onus tuum leue, fac vt illud gaudenter portem, abnegans metipsum, & crucem meam baiulans post te.

8. Suauissime Iesu, qui tam inhumaniter in cruce extendi voluisti, vt numerari possent omnia ossa tua: presta vt omnia membra, sensus, & potentias ad te semper erectas tibi amanter vniam, & clauus timoris tui cruci tuæ perpetuò affixus maneam.

9. Ad te, Domine, clamantem exaudi, & qui dixisti Apostolis tuis, cum exaltatus fuero à terra, omnia traham ad me ipsum; trahe me ad te, & excipe animam meam in foraminibus petra, in cauernis maceria.



10. Agnosco, gloriosissime Fili Dei, titulum tuum; tu es enim Iesus Nazarenus Rex Iudæorum. Vtinam orbis vniuersus hunc titulum legat, & admittat, teque omnes confiteantur Regem suum & Saluatorem.

## DECAS X.

1. **I**esu vita morientium, qui cum iam mortuus esses pro nobis, latus tuum lancea aperiri voluisti, vt accedentibus ad te facilis pateret aditus ad cor; admitte me in latus tuum, vt in eo sit requies mea in seculum seculi.

2. O quinque Christi pretiosa vulnera, diuina dulcedine plena saluto & veneror vos: in vobis enim medicina vitæ, copia gratiæ, plenitudo indulgentiæ.

3. In latere tuo latere volo, Iesu mi crucifixe, ibi orare, ibi tractare negotia mea: quia ibi quicquid volucro obtinebo.

4. Gratias ago tibi, Saluator mundi, quia opus Redemptionis nostræ

AD DEVM, CAP. XVII. 245  
perfectissimè peregisti: perfice & in  
me opus quod incœpisti, vt plena  
in me, & consummata iustitia repe-  
riatur.

5. Quanta duritia cordis mei?  
concutitur terra, dissiliunt saxa, ob-  
tenebrantur cœli, moriente Domi-  
no: solum cor meum immortuum  
erit, qui tantæ necis causa fuit? Scin-  
de illud, Domine, & frange sangui-  
ne tuo.

6. Sepeli cor meum tecum, &  
absconde me intra vulnera tua, di-  
lectissime Iesu, vt extra te nusquam  
reperiar.

7. Obligna cor meum, Domine,  
& sensus ac facultates sigillo chari-  
tatis tuæ, vt sic obli gnatus tecum  
maneam in æternum.

8. O Rex gloriæ, Domine virtu-  
tum, qui post mortem descendisti  
ad inferos, & iustos è carcere edu-  
xisti, gaudeo de hoc tuo triumpho,  
& precor, vt omnem tartaream po-  
testatem virtute tua vincere me fa-  
cias.

9. O Triūphator gloriosissime, fac  
me participem passionis tuæ, vt sim

etiam resurrectionis: tecum moriar,  
vt tecum resurgam, & tecum tandem  
ascendam in cœlum.

10. Rex sempiternæ, qui sedes ad  
dexteram Patris, trahere me post te, vt  
illic semper fixum sit cor meum, vbi  
tu es thesaurus meus, & gloria mea,  
Deus cordis mei, & pars mea Deus  
in æternum.

## CAPVT XVIII.

*Ex qualibet re, quæ occurrit motus  
anagogicos elici posse. Scale à  
visibili creatura ad inuisibilem  
Creatorem.*

Lat.  
16. 8.

1. **O** Primè dictum est à Redem-  
ptore nostro filios huiusse-  
culi prudentiores esse filiis lucis in  
genere suo. Nam quis ex nobis, qui  
filiorum lucis nomine censetur, tan-  
tam adhibet industriam in spirituali-  
bus bonis procurandis, quantam  
mundani homines in terreno lucro  
ex omni re solertissimè captando?

Languet nimirum spiritus, & vigent sensus: & quia cœlestia ab oculis corporalibus remota sunt, mentem humanam vix percellunt: atque ideò plerumque fit, vt in temporalibus lynces in æternis talpæ sinus. Ne igitur seculo addicti homines surgant contra nos in iudicium, quod viuaciores fuerint & diligentiores in perituris diuitiis, quam nos in veris & perpetuis congregandis; varias artes excogitare debemus opes quam plurimas spirituales accumulandi, in omni opere ac negotio lucrum spirituale sectando, & ad Deum aspirando, qui omnium actionum nostrarum finis est & principium. Id qua ratione, fieri possit, non meis, sed Sanctorum Patrum verbis indicabo, quò maiorem huic doctrinæ conciliem auctoritatem.

2. Diuinus Ephræm hoc lucrum in oratione potissimum consistere docet & ait: [Bonum fuerit semper orare, & nunquam deficere, quemadmodum ait Dominus. Quare siue opereris, siue dormias, siue iter facias, siue comedas, siue bibas, siue

TOM.  
1. homil. de  
orando  
Deum.

decumbas, caue orationem tuā inter-  
miseris. Siue in Ecclesia fueris, siue  
domi tuæ, siue in agro: & si oues  
pascas, & si ædificia construas, & si  
in symposio verferis, ab oratione ca-  
ue desistas, & quodcumque po-  
tueris, genua flecte; quando non po-  
tueris, mente Deum inuoca. Quod  
si orationem operi præmiseris, & sur-  
gens è lecto primorum motuum tuo-  
rum initia ab oratione duxeris, adi-  
tus peccato in animam non patebit.]  
Consonat Chrysostomus dicēs: [Ac-  
cedamus ad Deum, orantes omni  
tempore, quia nunquam contingit  
importunè accedere. Eum quippe,  
qui cupit largiri semper opportunè  
oramus. Sicut enim respirare im-  
portunum omnino nunquam est; ita  
etiam non quidem petere, sed non  
petere potius importunum est. Si-  
cut enim respiratione hac iugiter in-  
digemus, ita etiam eo, quod à Deo  
præstatur, auxilio.] Idem Chryso-  
stomus alibi explicans Apostoli sen-  
tentiam dicentis: Omnia in gloriam  
Dei facite, varios proponit modos  
Deum glorificandi in omni actione

Homil.  
in  
Matt.

Orat.  
Kalen-  
dis ha-  
bita.

& omissione, scilicetque nobis de singulis creaturis faciendi, qua ad Deum ascendamus. De qua re cum prolixum habuerit sermonem, sic concludit: [ Si voluerimus, per omnem vitam hanc spiritualem mercaturam faciemus, & ex omni re lucrū capiemus. Siue ergo precemur, siue jejunemus, siue accusemus, siue condonemus, siue laudemus, siue vituperemus, siue ingrediamur, siue exeamus, siue vendamus, siue emamus, siue taceamus, siue disputemus, siue aliud quid faciamus, omnia referamus ad Deum. ] Hæc ille docens quomodò ex omni re motus anagogici elici possint, quibus ad Deum assurgamus. Similia tradit Magnus Basilus. [ Accumbens mensæ, ora; esitans panem, largitori gratiam rependito; bibis vinum, memento eius qui illud tibi dedit ad lætitiā & infirmitatum solamen; tunicam indueris, gratias agito benigno datori; suspicis in cælum, & siderum pulchritudinem intueris, procide Deo, & cole eum, qui omnia hæc in sapientia creauit. ] Omitto reliqua. Nam.

Homil  
in S.  
Iulit.  
Mart.



Orat.

1.

vt alterius Basilij Seleuciæ Episcopi  
verba vsurpem : [ Cùm Deus res  
creatas in morem scalæ adaptauerit,  
per eas sui amantibus ascensum ad se  
extruxit. ]

In sti-  
mulo  
amoris  
c. 10.

3. Quicquid igitur occurrit in crea-  
turis ad laudem reducere oportet  
Creatoris, vt piè admonet Seraphi-  
cus Bonauentura : [ Cum videris ali-  
quos, inquit, in prælatione tempo-  
rali, vel in dignitate constitutos, co-  
gitabis hoc esse factum ad diuinam  
magnificentiam ostendendam, & sic  
in eis Dei potentiam collaudabis.  
Cum autem videris alios scientiæ in-  
sistentes, & non solum Creatoris, sed  
etiam creaturarum occultissima in-  
quirentes, & quemlibet versiculum  
curiosius ordinantes, hoc esse factum  
ad manifestandam diuinam sapien-  
tiam non ignores, & sic in eis Dei sa-  
pientiam commendabis. Cùm verò  
videris alios temporalibus negotiis  
insistentes, in eis diuinam laudabis  
prouidentiam per tales quiescenti-  
bus prouidentem. Si aliquos videris  
cæteros iudicantes, diuinum judi-  
cium time: Si pœnas inferentes, di-

AD DEVM, CAP. XVIII. 251  
uinam iustitiam cogita: si rigidos, di-  
uinæ iustitiæ expauesce rigorem: si  
reprehensores, & causarum discus-  
sores, futuri iudicii recordare. Si  
verò videris prælatos circa punitio-  
nem malorum remissos, in eis diui-  
nam misericordiam commendabis.  
Si videris aliquos insistere operi-  
bus charitatis & pietatis, in ip-  
sis laudabis diuinam bonitatem, &  
suam clementiam infinitam se breui-  
ter ad omnia diffundentem. Si calo-  
rem habueris, recogita erga nos Dei  
Patris nimiam charitatem, qua suum  
filium voluit incarnari, & pro nobis  
omnibus crucifigi. Si frigus habue-  
ris, ab omni æstu miseriæ refrigerium  
anhelabis: & sic per singula discur-  
rendo omnia potes & debes reduce-  
re in laudem & magnificentiā Crea-  
toris. ] Hoc sancti viri documento  
quasi acuto ferro medulla spiritus  
eruitur ex omnibus rebus, quæ sen-  
sibus percipiuntur. In promptu enim  
est juxta Apostolum, *Omni vten-  
tione, inuisibilia Dei per ea quæ fa-  
cta sunt, intellecta conspicer.* Quod  
si accesserit moralis intelligentia re-

R om.  
I. 20.

rum omnium, quæ præ manibus versantur, iam ingens sylua vnicuique aperitur quamplurimos affectus erga Deum ex qualibet re eliciendi. Hanc autem intelligentiam curioso Lectori suppeditabunt ex antiquis Patribus Clemens Alexandrinus, Origenes, Gregorius Magnus, Rupertus Abbas, Bernardus, Eucherius, & alij: ex recentioribus Sanctes Pagninus in Isagoge ad mysticos scripturæ sensus, Ioannes à S. Geminiano in summa de exemplis & similitudinibus, Hieronymus Lauretus in Sylua Allegoriarum, Petrus Berchorius in Reductorio, & Repertorio morali, & omnes ferè Interpretes Sacræ Scripturæ.

Lib. de  
præ-  
muis.

4. Philo disertissimus Iudæorum scalas ad Deum esse creata omnia asseuerat. Via enim patet nobis, vt dixi, ab his quæ videmus & contrectamus, ad Opificem Deum, quem non videmus. Nemo est, si internas aures admouere voluerit, qui vocem naturæ non audiat ingenti clamore conditorem suum prædicantis: [ Cælum, mare, terra, & omnia

quæ in eis sunt, ait S. Prosper, con-  
sono speciei suæ, ordinationisque  
concentu gloriam Dei protestantur,  
& prædicatione perpetua majesta-  
tem sui loquuntur auctoris. ] Mag-  
nus est liber creaturarum, in quo non  
solum vir incomparabilis Antonius  
Abbas, vt de eo Athanasius refert, sed  
etiam mundi sapientes studuerunt.  
Trismegistus dixit mundum esse li-  
brum Diuinitatis, & speculum diui-  
norum, in quo Deus seipsum clarè  
expressit. Orpheus in hymnis mun-  
dum esse ait musicam admirabilem,  
quæ prædicat, & laudat Deum: quod  
etiam noster hymnographus cecinit  
dicens; [ Cæli enarrant gloriam  
Dei. ] Sunt Creaturæ natus, qui-  
bus Deus se nobis manifestat, ex sen-  
tentia Augustini<sup>a</sup>, & Gregorij Papæ:  
<sup>b</sup> Sunt venæ diuini susurrij, vt idem  
Gregorius<sup>c</sup> testatur. Sunt Choreæ,  
quas mater natura Numini statuit,  
vt canit Synesius.<sup>d</sup> Sunt fontes diui-  
ni amoris, vt docet Angelicus Do-  
ctor<sup>e</sup>. Nulli ergo dubium, quin fa-  
cillimè possit, quicumque huiustu-  
dio animum applicauerit, ex aspectu

Lib. 2.  
de vo-  
cat. Gē-  
tium.

In vita:  
S. An-  
tonij.

Psalms.  
18. 1.

<sup>a</sup> Lib.  
2. de  
lib. ar-  
bit. c.

17.  
<sup>b</sup> Mo-  
ral. lib.  
26. c. 8.

<sup>c</sup> Ibid.  
lib. 5.

c. 20.  
<sup>d</sup> Hym-  
no. 3.

<sup>e</sup> Opus-  
culo 61.

cujuslibet creaturæ in Deum assurgere, & piis affectibus ad Creatorem aspirare. Praxim huius exercitij mox tradam, si prius monuero fuisse quemdam virum sanctum, qui omnia quæcumque audiebat, & videbat, ad Christi passionem referebat. Si clamor occurreret, aut tumultus, vel ictus malleorum: Si scalas aspiceret, aut ligna, aut lanceas, aut clauos, aut aliud quidpiam, ex omnibus occasionem captabat Christi passionem grato animo recolendi. Poterit autem huiusmodi exercitatio ad totam Domini vitam extendi, adhibitis Aspirationibus, quæ superiori capite descriptæ sunt.

---

### CAPVT XIX.

*Diarium, & Syluula Aspiratio-  
num pro omni actione diei,  
& pro qualibet occasione.*

**E**X vberima messe spicilegium  
faciam, cuncta enim percurrere;

ex quibus elici Aspirationes possunt, immensi voluminis foret; sed sicut scriptum est: [ Da occasionem sa- Prou. 9.9.  
 pienti, & addetur ei sapientia. Pri-  
 mò autem præcipuas diei actiones,  
 & exercitia proponam; tum plera-  
 que alia, frequentius occurrere so-  
 lent, vt in quolibet actu, & occa-  
 sione piorum affectuum sylua sem-  
 per in promptu habeatur.

*Cum quis noctu expergiscitur.*

1. **D**Eus propitius esto mihi pec-  
 catori: educ me de tenebris  
 & umbra mortis, & dic de tenebris  
 lucem splendescere.

2. Voca me, Domine, in admira-  
 bile lumen tuum; & illumina tene-  
 bras meas, tu lux filiorum lucis, tu  
 dies qui nescis occasum.

3. Tuere me, Domine, ne tene-  
 bricosa peccati caligine inuoluar:  
 eripe me ab omni inquinamento car-  
 nis & spiritus.

4. Fiat mihi nox ista illuminatio  
 mea in delitiis meis, quoniam me-  
 mor fui nocte nominis tui Domine.



256 VIA COMPENDII

5. In lectulo meo quasiui per noctem quem diligit anima mea. Doce me, Domine quærere te, & ostende te quærenti.

6. Anima mea desiderauit te in nocte, sed spiritu meo in præcordiis meis; de mane vigilabo ad te, splendor paternæ gloriæ.

7. Nox est, & alta rerum quies, ac profundum silentium. Amemus Deum nostrum, anima: nam amor secretum optat.

8. Ardeant tibi & luceant, Deus meus, sidera tua, & tot accende tædas amoris in corde meo, quot in cælo splendent stellæ.

9. O si animus ad amoris lucernam vigil hæreret, dum somnum corpus capit, itaut dicere possem cum sponsa, ego dormio, & cor meum vigilar! Da mihi, Domine, cum necessaria somni quiete perpetuam amoris vigilantiam.

10. Gratias ago tibi, Deus meus, quia dum nox in suo cursu medium iter haberet, omnipotens sermo tuus è regalibus sedibus venit, vt eos illuminaret, qui sedebant in tene-

*Mane cùm surgis.*

1. **B**enedicta sit Sancta Trinitas,  
atque indiuisa Vnitas, Pater,  
& Filius, & Spiritus Sanctus, confi-  
tebimur ei, quia fecit nobiscum mi-  
sericordiam suam.

2. In nomine Domini nostri Iesu  
Christi crucifixi surgo; ipse, qui me  
redemit, me custodiat, protegat, at-  
que defendat ab omni malo hodie,  
semper, & in hora mortis meæ.

3. Credo tibi, Domine mi, in te  
spero, ac toto corde te diligo: ex te  
enim, & in te, ac pro te sunt omnia,  
Deus meus, & omnia.

4. Deus, Deus meus, ad te de lu-  
ce vigilo: Sitiuit in te anima mea,  
quam multipliciter tibi caro mea.

5. Pater sancte, in vnione amoris  
dilectissimi Filij tui commendo tibi  
hodie spiritum meum.

6. Offero tibi cor meum, & oro  
te, vt omnis cogitatio, locutio, &  
operatio, ac voluntas mea secundum  
beneplacitum tuum hodie dirigatur.

258 VIA COMPENDII

7. Laudo, glorifico, & saluto cor-  
tuum, dulcissime Iesu Christe, gra-  
tias agens pro fideli custodia, qua  
me hac nocte protexisti: & quia lau-  
des pro me, & gratiarum actiones,  
atque omnia, quæ ego debeo Deo  
Patri incessanter persoluis.

8. Commendo, Domine, diuinæ  
sapientiæ tuæ visum meum interio-  
rem, & exteriorem, vt lumen cogni-  
tionis mihi largiaris, quo volunta-  
tatem tuam agnoscere valeam, vi-  
sumque cohibeam ab omni vano &  
illicito objecto.

9. Commendo auditum meum mi-  
sericordiæ tuæ, vt ab auditione ma-  
la me protegas, & intellectum tri-  
buas ad omnia, quæ hodie auditurus  
sum.

10. Commendo benignitati tuæ os  
meum & vocem, vt gustum diuini  
spiritus infundas mihi, & ab omni  
lapsu linguæ me custodias.

11. Commendo pietati tuæ manus  
meas: vt opera mea tuis apponas  
operibus, & in eis omnia mea san-  
ctifices, & perficias, & ab omni præ-  
uio opere me retrahas.

12. Commendo cor meum diuino amorituo, vt illud cordituo vnias, tuoque amore ita succendas, vt nunquam deinceps de re aliquaterrena delectetur.

*Dum inducris.*

1. **E**Xue me, Domine, veterem hominem cum actibus suis, & indue me nouum hominem, qui secundum Deum creatus est in iustitia, & sanctitate veritatis.

2. Indue, Domine, animam meam cyclade auro texta, vesteque nuptiali charitatis, quæ operiat multitudinem peccatorum meorum; & immensis monilibus virtutum exorna me.

3. Largire quæso animæ meæ vestes & ornamenta, quæ eam maximè deceant, ne deformitas mea appareat coram re, & Sanctis Angelis tuis.

4. Præcinge lumbos meos, purissime Iesu, cingulo castitatis & pudicitiae, vt viam mandatorum tuorum expedite currere possim.

5. Fac, pie Domine, mecum quod solent mundi proceres; vestes patientiæ & humilitatis, quæ tibi regnanti in gloria non sunt amplius necessaria largire mihi pauperculo seruo tuo, qui eis maximè indigeo.

6. Te sic præcipiente, Deus meus, corpus terrenum terrenis vestibus induo: non propter ornatum & superbiam; sed propter necessarium operimentum, & vt ex habitu status meus discernatur.

7. Dum ego corpori suas vestes tribuo, tu Deus indue animam veste innocentiae, vt habitus eius laudabilis appareat coram te.

*Cum manus abluis.*

1. **D**A virtutem, Domine, manibus meis ad abstergendam omnem maculam, vt sine pollutione mentis & corporis valeam tibi seruire.

2. Amplius laua me, Domine, ab iniquitate mea, & à peccato meo munda me.

3. Domine Iesu, qui lauisti nos

AD DEVM, CAP. XIX. 261  
peccatis nostris in sanguine tuo, la-  
ua omnes animæ meæ sordes, & su-  
per niuem dealbabor.

*In ortu Solis.*

1. **E**Xorere, exorere Sol justitiæ,  
& illustra splendoribus tuis  
animam meam.

2. Emitte lucem tuam, & verita-  
tem tuam, ipsa me deduxerunt, &  
adduxerunt in montem sanctum  
tuum, & in tabernacula tua.

3. O lux, quæ illuminas omnia,  
absorbe me in charitatis abyssum, vt  
videam semper te in te, & me in te,  
& cuncta sub te: nam sine te omnia  
mihi sunt tenebræ, & nox obscu-  
ra.

4. O sol animæ meæ, Deus meus,  
quam amabilis est pulchritudo tua!  
Amo te lumen æternum, & arden-  
tius amare desidero.

*Ante Diuinum Officium.*

1. **V**Ocabis me, Domine, &  
ego respondebo tibi, ope-



ri manuum tuarum porrige dexteram.

2. Domine in vnione illius intentionis, qua ipse in terris laudes Deo Patri persoluiſti, hoc tibi officium persoluere intendo.

3. Benedic anima mea Domino, & omnia quæ intra me sunt nomini sancto eius.

4. Ergone ranuncula vilis de cæno iniquitatum egressa coram Domino maiestatis perſtrepere audebo? Et quis sum ego puluis & cinis, vt loquar ad Dominum meum?

5. Introibo in domum tuam, adorabo ad templum sanctum tuum, & confitebor nomini tuo. In conspectu Angelorum psallam tibi.

6. Confiteantur tibi, Domine, omnia opera tua, & Sancti tui benedicant tibi. Psallite Domino Sancti eius, & confitemini memoriæ sanctitatis eius.

7. Summè desidero laudare te, Domine Deus meus, & sic honorem afferre tibi, quoniam tu dixisti, Sacrificium laudis honorificabit me.

8. Accipe laudationem meam, Do-

AD DEVM, CAP. XIX. 263

mine, vitulos labiorum meorum, & quia vir pollutus labiis ego sum, sanctifica me, & mitte Angelum tuum, qui calculo ignito emundet os meum, & faciat me dignum laudibus tuis.

9. Illumina intellectum meum, Domine, ut corde percipiam quod ore pronuncio: transforma in te sensus & cogitationes meas, ut nihil praeter te cogitem: affectus purifica, & voluntatem inflamma, ut te solum amem, & desiderem.

10. Te laudare volo bone Iesu; tu supple pro me, quicquid minus est in me.

*Post Officium.*

1. **G**Ratias tibi ago, Domine Deus, quod meas indignas orationes audire dignatus sis, & de manu mea laudum tuarum sacrificium suscipere.

2. Vnde mihi hoc, ut inuenirem gratiam ante oculos tuos, Domine mi, qui consoatus es me, & fiduciam praebuisti orandi te?

3. Dimitte, Domine, secundum

magnitudinē misericordiæ tuę quicquid in tuo seruitio scienter, vel ignoranter peccaui; & admitti jubens ante conspectum maiestatis tuę deprecationem serui tui.

4. Recordare fragilitatis meę, & ignoscens distractionibus meis miserrere mei Deus, & omnium, pro quibus oraui.

5. Suscipe, benignissime Iesu, obsequium seruitutis meę in pijsissimum cor tuum, & illud tuis, atque Sanctorum precibus adjungens purifica, supple, perfrice, & offer Deo Patri ad tuam, & Sanctorum gloriam, ac meam, & omnium salutem.

*Ante Missam, vel Communionem.*

1. **D**omine Iesu, in memoriam tuę passionis & mortis offero tibi huius Missę, & omnium Missarum, quę in toto mundo celebrantur, hostiam immaculatam sacrosancti corporis, & sanguinis tui.

2. Suscipe me, Domine, cum oblatione huius hostię immaculatę in laudem,

AD DEVM, CAP. XIX. 265

laudem, gloriam, & beneplacitum  
tuum in vnione illius oblationis, qua  
temetipsum in ara crucis obtulisti.

3. Memoriam fecisti mirabilium  
tuorum, dulcissime Deus animæ  
meæ, & in escam vnâ omnes amo-  
ris vires contraxisti. Utinam hic ci-  
bus me tranformet in te, & lapideum  
pectus meum igne tui amoris accen-  
dat, & disrumpat.

4. Veni, Domine, & noli tardare;  
reple bonis tuis esurientem ani-  
mam meam, & calice suauitatis tuæ  
inebria sitientem.

5. Melior est panis tuus, quàm om-  
nes delitiæ mundi, quas idè respuo  
& abominor: & calix tuus inebrians  
quàm præclarus est!

6. Panis dulcissime sana palatum  
cordis mei, vt sentiam suauitatem  
amoris tui. Sana me ab omni lan-  
guore, vt nullam præter te amem  
pulchritudinem.

7. Ignis qui semper lucet, amor  
qui semper ardet, illumina & accen-  
da me, vt citra condemnationem  
assistam metuendo altari tuo.

8. Ne proicias me à facie tua cum

diuinissimis donis tuis venientem ad te: neque me aduerferis propter nimiam indignitatem meam.

9. Quemadmodum desiderat ceruus ad fontes aquarum, ita desiderat anima mea ad te Domine Iesu, Saluator meus.

10. Manna suauissimum, omnem habens saporis suauitatem pro cuiusque desiderio, recrea hodie, ac suauiter affice aridum palatum animæ meæ.

11. Veni, obsecro, æterna sapientia, tam potenter hodie in animam meam, vt cunctos profliges hostes meos, cuncta vitia consumas, cuncta peccata remittas.

12. Ignem venisti mittere in terra. benignissime Iesu, accende illum in me, & euentila gratiâ tuâ, vt semper crescat.

*Ad eleuationem Hostie & Calicis.*

1. **P**rotector noster aspice Deus, & reipice in faciem Christi tui.
2. Amoro, & adoro toto corde & affectu. Lata me in tuo sanguine, &

AD DEVM, CAP. XIX. 167

da mihi pati pro amore tuo.

3. Tu Rex gloriæ Christe: tu Pater sempiternus es Filius.

4. Amantissime Iesu, per effusionem sanguinis tui fac vt mundo mortuus tibi soli viuam, à meipso penitus deficiens.

*Post Missam, & el Communionem.*

1. **G**Ratias ago tibi, Domine Iesu, quia me vilissimum peccatorem admittere dignatus es ad viuificum tuæ mensæ conuiuium. Ignosce vilitati meæ, & fac me hominem secundum cor tuum.

2. Saucia, Domine, cor meum vulneribus tuis, mentem meam inebria sanguine tuo, vt quocumque me vertam semper te videam crucifixum, & quicquid aspexero tuo sanguine tinctum appareat mihi.

3. Sanctifica, Domine, animam meam, & benedictionem tuam in ea relinque. Ingredere cubiculum cordis mei, & illud posside in sempiternum.

4. Respice in me, Pater æternè,  
M ij



quia Unigenitus filius tuus intra viscera mea clamat ad te.

5. Penetret amor tuus, clementissime Iesu, intima mea, & omnem alium amorem expellat.

6. Transforma me totum in te, ut omnis substantia mea pereat in te, nec me ampliùs inueniam nisi in te.

7. Recedo modicum à te, sed non sine te, Domine mi, consolatio mea, & omne bonum meum. Da mihi viuere semper in te, & tibi iugiter adherere.

*Ante mensam, & dum reficeris.*

1. **D**A mihi, Domine, operari non cibum qui perit, sed qui permanet in vitam æternam.

2. Ecce, Domine, ad mensam accedò, da mihi congruam seruare moderationem, ne ex indiscreta parsimonia deficiat corpus; aut ex nimietate grauetur & insolescat.

3. O quanti pauperes fame pereunt! mihi autem nihil deest. Grattias ago tibi Deus, qui pascis me à iuuentute mea, & vsque nunc.

4. Quàm suavis es, Domine, anima quærenti te! Vtinam nihil sapiat, nihil dulcescat mihi, nisi tu. Tu cibus meus, tu potus suauissimus, tu omnis d. l. etatio mea.

5. O si deterior ferculorum pars mihi semper contingeret, sicut decet me? Indignus enim sum rationalis creaturæ cibus, & pane filiorum, quia jumentis insipientibus similis factus sum propter innumerabilia & execranda peccata mea.

6. Fac me semper, Domine, esurire & sitire justitiam. Sitiuit anima mea ad Deum fontem viuum, quoniam apud te est fons vitæ.

7. Quàm dulcia faucibus meis eloquia tua! super melori meo.

8. Dederunt in escam meam fel, & in siti mea potauerunt me aceto.

9. Præsta mihi, Domine, vt sicut corpus terreno cibo, ita cœlesti alimonia mentem reficiam.

*Post mensam.*

1. **G**Loria tibi Domine, qui me cibo ac potu necessario refeci.

sti: fac me semper abundare in omni opere bono.

2. Singulas buccellas, & guttas quas sumpsi offero tibi in laudem æternam; in vnione illius amoris, quo tu Deus meus pro me factus homo cibum & potum sumpstisti in terris ad honorem Patris tui.

3. Parce mihi, Domine, quia temperantiæ limites transgressus sum: da vt deinceps omnem concupiscentiam superem, & omnia gulæ irritamenta.

*Ante quodlibet opus.*

1. **D**omine Iesu, da vt peragam opus istud ad gloriam tuam, & salutem meam, sicut tibi placitum est.

2. Da mihi sedium tuarum assistentiam sapientiam, vt mecum sit, mecum laboret, vt sciam quid acceptum sit coram te omni tempore.

3. Da mihi, Domine, spiritum discretionis, vt vera à falsis discernere queam; vt sciam eligere bonum, & reprobare malum.

4. Fac vt optimum finem semper intendam, & omnia praeuideam quæ accidere mihi possunt.

5. Adiuua, dirige, & conforta me, vt secundum te, tecum, & propter te hoc opus perficiam, quia sine te nihil sum, nihil possum.

*Opere peracto.*

1. **D**omine Iesu hoc opus, quod peregi commendo mellifluidi tui cordi tuo emendandum ac perficiendum: tibi quoque illud offero in vnione operum tuorum.

2. Domine, si quid vnquam tibi gratum feci ex gratia tua, id omne approbo & ratifico, id renouo & confirmo.

3. Quicquid neglexi offerre tibi ex actionibus meis, id hoc momento quantum possum compenso, & tibi omnia propter te offero omnium Angelorum, & Sanctorum affectu.



*Cum è domo, vel cella egrederis.*

1. **V**ias tuas, Domine, demonstra mihi, & semitas tuas edoce me. Perfice gressus meos in semitis tuis, vt non moueantur vestigia mea.

2. O quanti sunt infirmi & claudi, quibus ambulare concessum non est! Grantias tibi ago, Domine, quia corpus integrum dedisti mihi, & me hactenus incolumem conseruasti.

3. Sequar te, Domine, quocumque ieris, quia verba vitæ æternæ tu habes.

*Cum regrederis.*

1. **A**perite mihi portas iustitiæ, & ingressus in eas confitebor Domino. Hæc porta Domini, iusti intrabunt in eam.

2. Hæc requies mea in seculum seculi, hîc habitabo, quoniam elegi eam.

3. Elegi abjectus esse in domo Dei mei, magis quam habitare in taber-

*Ad sentitum Horologij.*

1. **B**enedicta sit illa hora, qua  
Dominus noster Iesus Chri-  
stus incarnari voluit & pati pro no-  
bis.

2. Respice in me, Domine, & mise-  
rere mei præsertim in hora mortis  
meæ: & fac me talem in hac hora,  
qualem me desideras in æternita-  
te.

3. O Deus infinitè amabilis, quam  
parum hactenus dilexi te! Dixi, nunc  
cœpi. Da quod jubes, & jube quod  
vis.

4. Quam pœnitet me temporis, cu-  
jus inutiliter iacturam feci! Vtinam  
illud possem reuocare, vt in rebus ti-  
bi placitis totum insumerem.

5. Ecce lapsa est hora, Deus meus,  
& nullum in me sentio amoris incre-  
mentum. Vtinam geminatis ignibus  
hanc iacturam resarciam.

6. Quanta est misericordia tua,  
Domine, quia me vsque ad hanc ho-  
ram tolerasti? Gratias ago, & doleo,



quod tam ingratus fuerim.

7. Offero tibi, æterne Pater, quicquid dixero, fecero, cogitauero hac hora. Vtinam eam vtiliter transigam ad maiorem tui gloriam.

*In dolore & quacumque tribulatione.*

1. **F**Asciculus myrrhæ dilectus meus mihi, inter vbera mea commorabitur. Auge, Domine, dolores, auge afflictiones; sed auge etiam patientiam. Hic vre, hic seca, vt in æternum parcas.

2. Recordare, Domine, fragilitatis meæ, & dic Angelo percutienti, cesset iam manus tua. Veruntamen non mea, sed tua voluntas fiat.

3. Tu es refugium meum, Iesu crucifixe, in tribulatione, quæ circumdedit me: exultatio mea, erue me à circumdantibus me.

4. Si vis, Domine, omnia mala pœnæ libenter patiar pro te, sine ulla consolatione. Omnia volo, nihil volo.

5. Bonum mihi, Domine, quia

AD DEVM, CAP. XIX. 275  
humiliaſti me. Propter te ſuſtinui  
opprobrium, operuit confuſio ſa-  
ciem meam.

6. Gratiſ agō tibi Deus, quia vo-  
luntas tua in me adimpletur, qua vo-  
luſti ab æterno, vt hæc mihi eueni-  
rent. Offero ea tibi ad gloriam tuam,  
in vnione paſſionis Chriſti.

7. Tuus ſum ego, Domine, tu ſciſ  
quid mihi expediat. Offero me tibi  
in omne beneplacitum tuum.

8. Gratiſ tibi agō, quia nos etiam  
inuitos rectè ſingis, & per externum  
hominem internum purgas.

9. O Amor, ea intentione, qua  
pœnam iſtam de corde Dei mihi at-  
tulſti, tibi committo; vt eam in ſum-  
ma gratitudine ibidem reconſignes.

10. Tibi, Domine, hæc omnia pa-  
tior. Sit nomen tuum benedictum  
in ſecula, qui voluſti hanc tribula-  
tionem venire ſuper me. Sicut pla-  
cuit tibi, ita factum eſt.

*In proſpero ſucceſſu.*

1. **N**on nobis, Domine, non no-  
bis; ſed nomini tuo da glo-  
M vj

276 VIA COMPENDII

riam. Fallax est honor mundi, fallaces huius vitæ consolationes: Satiabor cum apparuerit gloria tua.

2. Valdè quidem me consolatur res ista, Domine Iesu; eam tamen nolo, nisi à te, in te, & propter te, paratus ea carere, quoties volueris.

3. Nolo, Domine, hîc consolari & felix esse; sed afflige me in presenti, vt misericordiam in fine consequi valeam.

4. Benedictus es, Domine, qui adiuvisti me, & consolatus es me; cum mihi minimo, & infelici nulla debeat consolatio, nulla prosperitas.

5. Refulge cordi meo, veritas summa, vt mihi ipsi vilescam, ac omni humana consolatione me indignum existimem.

*In omni tentatione.*

I. **S** Aluator mundi salua nos, qui per crucem & sanguinem tuum redemisti nos, auxiliare nobis, te deprecamur Deus noster.

AD DEVM, CAP. XIX. 277

2. Confige timore tuo carnes meas,  
à iudiciis enim tuis timui.

3. Tu Domine, qui ad exercitium  
facis, vt sentiam, adiuua me, ne con-  
sentiam.

4. Excita Domine potentiam tuā  
& veni, & exurge in adiutorium  
mihi.

5. Da mihi, Domine, patientiam  
& pacem, ne perdam coronam in  
cælo. Tu enim dixisti: In patientia  
vestra possidebitis animas vestras

6. Inclina cor meum in testimonia  
tua, & esto mihi turris fortitudinis à  
facie inimici.

7. Tu scis, Domine, quàm liben-  
ter puram animam tibi exhiberem:  
sed quia immundum vas habeo, ple-  
num tentationibus; ipsum tibi offe-  
ro quale est. Munda illud sanctissi-  
mo sanguine tuo, vt diuini influxus  
capax efficiatur, tibi, quæ in gratia  
acceptum fiat.



*Cum te allici sentis ad complacentiam ex pulchritudine, vel alia perfectione creaturarum.*

1. **E**Cce isti sunt riuuli, Domine Deus meus, qui ex te vero & increato fonte omnium bonorum dimanant: hæ sunt guttæ inexhausti maris tuæ ineffabilis bonitatis.

2. Auerte oculos meos, ne videant vanitatem, ne per fenestras oculorum intret mors in animam meam.

3. Resisto, Domine, seductionibus oculorum, ne implicentur pedes mei, quibus ingredior viam tuam: & erigo ad te inuisibiles oculos, vt euellas de laqueo pedes meos.

4. Multa fecisti tu Domine Deus meus mirabilia tua, sed tu omnium pulcherrimus & perfectissimus es. Quando veniet dies, vt in te solo delecter.

5. Quam callidè hic lates absconditus maledictæ serpens, vt me ruo veneno inficias! Benedicta sit bonitas Dei in æternum, qui mihi hostem hic latentem, & animæ meæ

AD DEVM, CAP. XIX. 279  
dolosè insidiantem tam benignè de-  
texit.

*In transitu ante Ecclesiam, & in  
eius ingressu.*

1. **E**Rgòne putandum est, quòd  
verè Deus habitet super ter-  
ram? Si cælum, & cæli cælorum te  
capere non possunt, quantò minus  
hæc domus?

2. Tu Domine, qui pollicitus es,  
ecce ego vobiscum sum omnibus  
diebus vsque ad consummationem  
seculi, exaudi orationem seruorum  
tuorum orantium in templo isto.

3. Domine in multitudine miseri-  
cordiæ tuæ introibo in domum tuā,  
adorabo ad templum sanctum tuum,  
& confitebor nomini tuo.

4. Omnes Sancti & Sanctæ Dei,  
quorum Reliquiæ, & imagines hîc  
sunt, saluto & veneror vos, interce-  
ditè pro me.

5. Saluete Christi fideles animæ,  
quæ hîc & vbique requiescitis; re-  
quiem æternam vobis donet, qui  
pro vobis passus est.



*Ante Crucifixum.*

1. **D**omine Iesu Christe per illam amaritudinem, quam sustinisti propter me in cruce, maxime in illa hora, quando anima tua egressa est de corpore suo, miserere animæ meæ in egressu suo.

2. Suscipe me, Domine, in vlnas tuas, quas in cruce expandisti, protege me ab hoste maligno, & fac me participem crucis tuæ.

3. Adoramus te Christe, & benedicimus tibi, quia per crucem tuam redemisti mundum.

*Cum aridus, es.*

**P**ater cœlestis pro frigida & misera cordis mei ariditate offero tibi feruida desideria, & ardentissimum amorem dilectissimi filij tui, Beatæ Virginis, & omnium electorum tuorum.



*Cum loquendum est.*

**I**esu fili Dei, qui coram Iudice tacuisti, tene linguam meam, donec cogitem qualiter & quid loquar. Pone, Domine custodiam ori meo, & ostium circumstantiæ labiis meis.

*Ante studium.*

**D**omine Iesu, æterna sapientia, purga animam meam igne amoris tui, illumina intellectum, memoriam confirma, ut bonas literas discam, quibus te vnum sapiam, & diligam; quia extra te quisquis sapit, desipit.

*Cum audis Confessiones.*

**A**d singulos pœnitentes hac orationiuncula uti poteris. Sana, Domine, per me hanc animam in omne peccatum lapsuram sine te. En pretium sanguinis tui, sponsa tua ab hoste vulnerata. Doce me, ut prudenter cœcam, & ægram ad te ad-

282 . VIA COMPENDII  
ducam, pro tua vnus gloria. An-  
gelesancte, adiuua me.

*In aspectu horti amœni.*

**E**Xorna, dilecte mi, virtutum flo-  
ribus animam meam. Vtinam in  
me floreat lilium castitatis, humili-  
tatis viola, rosa charitatis.

*In aspectu pulchræ domus.*

**Q**Vàm dilecta tabernacula tuæ,  
Domine virtutum, concupis-  
cit, & deficit anima mea in atria Do-  
mini! Melior est dies vna in atriiis  
tuis super millia. Beati qui habitant  
in domo tua, Domine, in secula se-  
culorum laudabunt te.

*Dum grata qualibet, & pulchra  
vides.*

**E**Cce tu pulcher es, dilecte mi,  
ecce tu pulcher es fons pulchri-  
tudinis: exorna splendore gratiæ  
animam meam, quoniam denigrata  
est super carbones facies mea, prop-

AD DEVM, CAP. XIX. 28;  
ter multitudinem iniquitatum mea-  
rum. Ne finas me donis tuis abuti  
contrate.

*In aspectu rei deformis.*

**F**Acti sunt abominabiles, sicut ea  
quæ dilexerunt: tolle à me Do-  
mine peccati deformitatem.

*Cùm pluit.*

**I**Rriga, Domine, arentem animam  
meam, vt fructum boni operis red-  
dat temporibus suis.

*Cùm sudum est.*

**D**issipa, Domine, à corde meo nu-  
beculas terrenorum affectuum,  
& lucis tuæ radiis illustra animam  
meam. Refulge super me sol justi-  
tiæ, & splendoribus Sanctorum illu-  
mina cor meum.



*Cum oculis occurrunt vana.*

**Q**uid mihi est in cœlo, & à te  
quid volui super terram? Auerte  
oculos meos, ne videant vanitatem  
in via tua tua viuifica me.

*Cum vaniloquia auribus in-  
sonant.*

**N**arrauerunt mihi iniqui fabula-  
tiones, sed non vt lex tua.

*Cum occurrit peccandi oc-  
casio.*

**Q**ui elongant se à te, Domine,  
peribunt: perdidisti omnes,  
qui fornicantur abs te. Mihi autem  
adhærere Deo bonum est, ponere  
in Domino Deo spem meam.

*Ad nomen Iesus.*

**V**tinam potestatem haberem  
cœlum, & terram, & infernum  
cum omni creatura tibi dulcissimo,

AD DEVM, CAP. XIX. 285  
& fidelissimo amatori inclinandi, ac  
subijciendi.

*In aspectu arborum.*

**L**audate Dominum ligna fructi-  
fera, & omnes cedri. Ah bone  
Iesu, quàm adhuc imperfectè tibi  
seruio, & tamen plantatus sum secus  
decursus aquarum gratiæ tuæ! Ad-  
iuua me, vt fructum afferam in pa-  
tientia.

*In aspectu volucrum.*

**B**enedicite omnes volucres cœli  
Domino. Quis dabit mihi pen-  
nas sicut columbæ, & volabo, & re-  
quiescam? Eleua me, Domine, à  
terra, vt alis amoris ad te volem.

*In aspectu Bestiarum.*

**B**estiarum & vniuersa pecora lauda-  
te nomen Domini. Da mihi,  
Domine, cognoscere dignitatem  
meam, ne sim sicut equus & mulus,  
quibus non est intellectus.



*In aspectu ignis.*

**I**gnem venisti mittere in terram,  
Deus meus, & suades mihi, vt  
emam à te aurum ignitum: accende  
tu illum in me, vt liquefam amore  
tuo.

*In aspectu aquæ.*

**A**nima mea sicut terra sine aqua  
tibi, sitit ad te fontem viuum.  
Irriga me, & potum da mihi in la-  
crimis in mensura.

*In aspectu Cæli.*

**O**Magna domus Dei, quam vilis  
mihi fuisti? Pœnitet me Domi-  
ne, da mihi constanriam in seruitio  
tuo. Cæli Cælorum laudate Deum.  
Quando aperiemini mihi, vt inue-  
niam eum, quem diligit anima mea:

*In alia quacumque occasione.*

**N**ihil prorsus homini occurit, ex  
quo non possit varias ad Deum

aspirandi occasiones elicere, quicumque studet Christianæ perfectioni. Nam vt superscriptis oratiunculis, & exercitiis alia quædam in exemplum adijciam; si tibi occurrat aliquis infidelis, orabis pro illo, & actum fidei elicies. Si cæcus, claudus, vel aliqua ægritudine affectus; eorum misereberis, & Deo gratias ages, qui membra integræ tibi, corpusque validum dedit. Transiens Xenodochia, ora Dominum, vt det omnibus patientiam, & consolationem. Cùm legis, audis, aut vides aliquid ad laudem Dei pertinens; gaude multò magis, quàm si laudes tuas audires. Cùm videris aliquem peccantem, vel blasphemantem audieris, statim in spiritu contristare, & Deum pro illo precare. Si angit te desiderium placendi hominibus, cogita quod qui hominibus placent Christi serui non sunt; & opta Deo soli placere. Cùm recordaris alicujus peccati, elice actum contritionis. Si musicam, & concentum audis, ora cum Cæcilia vt fiat cor tuum immaculatum, Deoque psalle in cithara

cordis, & ad gaudia Angelorum suspira. Si mundi pompam vides, & hominum superbiam, eam detestare, & dic: Vanitas vanitatum, & omnia vanitas. Ex aspectu Iudicum, Principum, & Prælatorum, timorem cōcipe diuinæ iustitiæ, & ora pro illis, actumque elice obedientiæ. In introitu alicujus oppidi vel ciuitatis, Angelos & Sanctos tutelares, quorumque imagines & reliquię ibi sunt, venerare, & ora pro habitantibus. Ad imaginem quoque Angelorum & Sanctorum actum dulciæ exerce, & opem eorum efflagita. Cū se offert imago Euangelistarum, vel Doctorum scribentiū, ora & dic: [Scribite me Sancti Dei in libro afflictorum, quia affligi semper desiro propter Deum: Scribite me cum Sanctis Martyribus: Scribite me in corde Iesu, & in corde Mariæ, vt nunquam obliuiscantur animæ meæ.] Si appareret arcus cēlestis benedic eum qui fecit illum, & ora pro pace. Si terram excoli cernis, considera qua diligentia agrum animæ tuæ colere debes, & roga pro fructibus terræ. Si bene operantes

AD DEVM, CAP. XIX. 289  
operantes conspicias, congaude, &  
opta fieri eorum particeps, & ora  
pro tua & ipsorum perseverantia.  
Plura suggerent vsus, & vnctio.

*Cum vespere accenduntur  
lucerna.*

1. **T**ua nos, Domine, veritas  
semper illuminet, & ab om-  
ni prauitate defendat.

2. Domine, apud quem nihil est ob-  
scurum, nihil tenebrosum, emitte  
lucem tuam cordibus nostris, vt in  
via tua ambulantes nihil patiamur  
erroris.

3. Te lucem veram, & lucis aucto-  
rem deprecor, vt digneris à me tene-  
bras depellere vitiorum, & clarifica-  
re me luce virtutum.

4. Veni celestis amor, & fulgidis-  
sima face tua discute noctem igno-  
rantiae meae.

5. O amor decus, & lux virtutum  
omnium explica pompam radiorum  
teorum in domo cordis mei, vt in  
lumine tuo te videam lumen aeter-  
num.

*Ante somnum.*

1. **F**Ac me, Iesu dulcissime, super pectus tuum requiescere: da mihi trahere anhelitum de mellifluo corde tuo: influat spiritus tuus suavissimus in animam meam, quieam absorbeat, & inseparabiliter sibi uniat.

2. Tu, quæso, mecum maneat, mecumque dormias hac nocte, ut dormiente corpore mens semper ad te vigilet, & te præsentem videat.

3. Deus creator corporis mei & animæ, respice me misericordia tua, ne tenebricosa peccati caligine involuatur.

4. Modera somnum meum, Deus meus, quem sumi præcepisti ad corporis alleviationem; peruigiles concede cogitationes, & mentem sobriam, ne me grauis opprimat sompor.

5. Peto, Domine, & desidero, ut singulæ respirationes meæ hac nocte laudem & honorem tibi exhibeant.

6. In manus tuas commendo spiritum meum, redemisti me Domine Deus veritatis.

7. Veni, Diuine Amor, & tu mihi somnia dispone, vt in tuum amorem tanquam in somnum suum incumbat cor meum, & in te solo requiescam nunc, & aeternum. Amen.

## CAPVT XX.

*De Amore Dei. Quid sit Amor.*

*Eius origo, prerogatiua, & proprietates. Amoris Philosophia à quibus discenda. Possesse Deum facilius amari, quàm cognosci.*

1. **I**Am quod initio pollicitus fueram pro viriū tenuitate, & ingenij captu executus sum: nunc consentaneum arbitror nonnulla de diuino amore veluti corollarium appingere huic libello; via enim mystica, cujus semitæ, sicut hætenus docui, breui compendio perducunt ad



Deum, ab amore principium sumit,  
 & finem habet in amore. Est autem  
 Amor complacentia boni, siue pro-  
 penio appetitus in bonum. Est pri-  
 mus motus voluntatis omnium reli-  
 quorum affectuum principium &  
 radix, omnibus ad omnia ingenitus,  
 vt Platonius Phædrus ait. Est ve-  
 hemens, & bene ordinata voluntas,  
 vt docet Guillelmus Abbas<sup>f</sup>. Est vis  
 animæ naturali quodam pondere fe-  
 rens eam in finem suum; juxta illud:  
 [ Amor meus, pondus meum, illo fe-  
 ror quocumque feror. ] Est conne-  
 xio & vinculum, quo rerum vniuer-  
 sitas ineffabili amicitia, & insolubili  
 vnione copulatur, vt ex hymnis Hie-  
 rothei Magnus Dionysius Arcopagi-  
 ta<sup>c</sup> commemorat. Est circulus sem-  
 piternus sine & principio carens,  
 propter bonum, ex bono, in bonum,  
 & ad bonum indeclinabili conuer-  
 sione circumiens, in eodem, & se-  
 cundùm idem & procedens semper,  
 & manens & remeans. Quicquid in  
 sacris literis, quicquid in libris San-  
 ctorum continetur aut amor est, aut  
 pertinet ad amorem.

Plato  
 in Phæ-  
 dro.  
 f Ab.S.  
 Theo-  
 doric  
 l. de  
 amore  
 c. 7.  
 § Au-  
 gust.  
 lib. 13.  
 Con-  
 fess.  
 c. 9.  
 c Dedi-  
 uin.  
 nomi-  
 nib.  
 c. 4.

2. Si eius originem quæris, non te ad symposium Platonis, non ad doctas Poëtarum fabulas mittam: firmiorem enim doctrinam ab eo habemus, qui dixit: [ Deus charitas est, & qui manet in charitate in Deo manet, & Deus in eo. ] In ipso puro & summo bono ab æterno Amor fuit quasi ignis semper ardens, omnia accendens, & in se transmutans. Ex eo enim quod Deus suam infinitam pulchritudinem, & excellentiam intuetur, oritur in ipso infinitum amoris incendium, quo Pater seipsum & Filium à se genitum diligit: rursusque Filius eandem in Patrem reciprocatur dilectionem, qua tantum illum amat, quantum amari dignus est, hoc est infinites infinitè. Hic autem mutus amor Spiritus Sanctus est, æternus, immensus, Patri & Filio coequalis, à Deo procedens, in Deo manens: à quo, sicut radius à Sole, omnis amor dimanat, propter bonitatem suam infinitam extendens se, & descendens ad creaturas pro cuiusque captu & meritis; & omnia denuò ad se reducens: quia

1. Io-  
han.  
4. 16.

vt à Deo exiuius omnes, & venimus in mundum, ita mundum iterum relinquere debemus, & ad Deum redire. Nulla vox est, quæ Amoris dignitatem non dicam explicare, sed nec leuiter adumbrare valeat. Nam Amor increatus ipse Deus est, ineffabilis, incomprehensibilis, cuius magnitudinis non est finis. Amor autem creatus donum Dei est altissimum, nobilissimum, inenarrabile, termino carens, ac modo, quia, vt ait mellifluus Bernardus, [ Modus diligendi Deum est diligere sine modo. ]

Init.  
lib. de  
dili-  
gendo  
Deum.

Iohan.  
Gers.  
sup.  
Cantic.

3. Quòd si libeat eius effectus intueri, vt saltem ex illis quanta sit eius vis & potentia dignoscamus, iam Propheticum torrètem ingredimur, qui pertransiri non potest. Cancellarius Parisiensis ex cantico amoris quinquaginta eius descripsit proprietates eroticè, & diuinè; sed hanc lucubrationem amoris sagitta vulneratus corporali morte conclusit, vt in patria amantium disceret, quàm imperfectè in via de Amore scripsisset. Et quomodò ausim ego in amo-

rerudis & inexpertus eius pręrogatiuas enarrare? [ Quomodo, inquit Richardus, de amore loquetur homo, qui non amat, qui vim non sentit amoris? De aliis nempe copiosa in libris occurrit materia, huius verò aut tota intus est, aut nusquam est. ] Dicam tamen balbutiendo nonnulla, quę in eximiis amatoribus ipse amor operatur. Amor participatio Dei est, in ipsius pulchritudine & bonitate tanquam in sua causa conquiescens, Deum mouet, vt descendat ad creaturas, quia summè sui diffusius est: tum vicissim creaturas sursum trahit ad pulchrum & bonum. Simplex est, & multiplex; æqualis, & inæqualis: actus enim Dei simplicissimus est, quamuis ad infinita se extendat. Amantes Deo assimilant, ipsique jungit inseparabiliter, & admirabili quadam Apotheosi diuinę naturę consortes efficiunt; quia sibi similes semper querit, aut efficit, & qui amat manet in Deo, & Deus in eo. Terrenum & falsum amorem dixit Plato, esse animi ardorem in proprio corpore mortui, in

De  
grad.  
charit.  
c. I.

## 296 VIA COMPENDII

De di-  
uin.  
nomi.

Plutar-  
ch. in  
Opus-  
culis.

alieno viuentis : quem effectum ope-  
rari in anima diuinum amorem testa-  
tur Dionysius dicens ; Amantes sui  
juris non esse , quia Amor ecstasim  
facit. Ad ipsum omnia præcepta,  
omnes leges , omnia consilia redu-  
cuntur : neque musicam solum do-  
cet , vt quidam asserit , sed omnium  
artium , omnium scientiarum , om-  
nium virtutum actor , magister , prin-  
cipium , & finis est. Vrit , & retri-  
gerat ; exaltat , & humiliat ; vulne-  
rat , & sanat ; occidit , & viuificat.  
Leges præscribit amantibus ipse legis  
expers : modum rebus statuit modi  
nescius ; finis est omnium sine ca-  
rens : omnia rapit neminem spolians :  
omnibus dominatur cunctis subje-  
ctus : semper quiescit nunquam orio-  
sus. Non deficit in aduersis , quia  
non vincitur : injurias non rependit ,  
quia non sentit : morte non terretur ,  
quia fortior illa est. Nullam querit  
sui causam , non fructum , non mer-  
cedem , seipso contentus. Amat qui  
verè amat , quia amat : amat vt amet ,  
& ad suum recurrens principium  
semper ex eo sumit , vnde iugiter



amet. Virtutes omnes nihil aliud esse, quàm ordinem amoris asseruit Augustinus: nam si amor desit, quid est spes, quid fides, quid religio, quid fortitudo? Tabescunt omnia instar cadaueris, quæ hoc igne non animantur. Si habuero prophetiam, & omnem fidem, & tradidero corpus meum ita vt ardeam, charitatem autem non habuero, nihil mihi prodest.

4. Quid ergo amore iucundius, quid securius, quid nobilius? Quanta eius dignitas, & sublimitas; quot tituli, & excellentiæ? Dicant qui experti sunt quid sit amorem incomparabilem esse, insuperabilem, superferuidum, semper mobilem; incessabilem, actiuum, zelotem, officiosum, omnipotentem. Dicant quæ sint eius causæ, quæ natura, quis ordo, qui effectus, quæ exercitia, qui gradus, quæ leges, quod initium, qui progressus, quis finis, quæ perfectio. Ego enim conscius infirmitatis meæ & imperitiæ, tantæ rei maiestatem & violare timeo, & assequi despondeo. Legendi sunt eximij vi-



ri Bernardus, & Richardus, ille in tractatu de diligendo Deo, hic de gradibus charitatis. Legendus Harpius in fine suæ mysticæ Theologiæ. Addo recentiores Didacum Stellam, Iacobum Salianum, Antonium Gaudier, Laurentium Parisiensem Capuecinum, Ludouicum Granatensem, Christophorū Fonsecam, Ioannem Calaguritanum Carmelitanum, & alios, qui de arte amandi Deum, & de amore Dei doctissima nobis scripta reliquerunt. Addo singulariter nominandum Franciscum Salesium Episcopum Geneuensem omni encomio superiorē, cuius libri duodecim de hac re omne ferunt punctum miscentes vtile dulci. Nec desunt ex sequiori sexu in amoris philosophia supra communem captum excellentissima Geltrudis, Theresia, Magdalena de Paçtiis, tres Catharina Senensis, Genuensis, & Bononiensis, & aliæ; ex quibus plenior de Amore cognitio petenda est.

5. Discet autem amare Deum, qui frequenter ad eum aspirauerit. His enim piis affectibus ignis amoris ac-

ascenditur, nutritur, & in magnum  
 crescit incendium. Dictum est supra  
 viam scholasticam longam & diffi-  
 lem esse, mysticam verò breuem &  
 facilem: quia nimirum multò facilius  
 est Deum amare, quàm cognoscere.  
 [Facilius, ait Richardus, ad Deum  
 patet ingressus piè pulsantibus, quam  
 subtiliter perscrutantibus. Pulsat au-  
 tem qui amat, qui orat, & pulsanti  
 aperitur.] Cui consonans Ange-  
 licus Doctor apertè fatetur Deum in  
 hac vita plus amari, quàm cognosci:  
 quia plus requiritur ad perfectionem  
 cognitionis, quàm ad perfectionem  
 amoris. Ad hanc enim sufficit, quòd  
 res ametur, prout in se apprehendi-  
 tur: ad illam verò necesse est sigilla-  
 rim cognoscere quicquid est in re,  
 partes nimirum, virtutes, & pro-  
 prietates. Probatur hoc exemplo  
 scientiarum, quas aliqui amant ob  
 confusam & imperfectam, quam de  
 eis habent cognitionem; & hoc amo-  
 re ad eas perfectè discendas incitan-  
 tur. Eidem sententiæ subscribunt Ab-  
 bas Vercellensis, & alij Mystici, quos  
 refert, & sequitur Seraphicus Bona-

L. c.  
c. 3.

Thom.  
1. 2. q.  
27. art.  
2. ad 2.

h Itin. uetura<sup>h</sup>. Nec obstat illud Augustini<sup>i</sup>.  
 s. æter. incognita non amari, quia non amari  
 diſt. voluntas omnino incognitum; imò  
 s. i De vt ait Gregorius<sup>k</sup>, [ Amor ipſe noti-  
 Trinit. tia eſt. ] Et ſic deſt<sup>l</sup> intelligi cõmunẽ  
 l. 8. c. illud Myſticorum dictum; [ Volun-  
 4. & l. tas intrat, vbi intellectus foris ſtat: ]  
 10. c. quia amor meſuram cognitionis  
 2. excedit, & ex tenuiſſima, atquẽ ob-  
 k Ho- ſcuriſſima cognitione ingens amor  
 mil. flamma accenditur in voluntate, quæ  
 27. in ideò penetrare dicitur ſuo acumine,  
 Euang. quo non intrat intellectus. Non di-  
 l Palu- puto, an poſſit Deus de potentia ab-  
 danus, ſoluta efficere, vt voluntas amet nul-  
 Ochã. la prorsus cognitione præcedente:  
 Tho- hoc enim controuerſum eſt, nec de-  
 mas de ſunt qui partem affirmatiuam ce-  
 Argen- nent<sup>l</sup>: ſed dico de lege ſaltem ordi-  
 tina, & naria non magis poſſe hominem in-  
 alij ci- cognitum amare, quàm pingere ſu-  
 tati à per inane. Talis quippe eſt natura  
 Sandeo voluntatis, vt aliqua ſemper cogni-  
 lib 2. tione indigeat, quæ faciem illi præ-  
 myſt. ferat, & oſtendat quid appetendum.  
 Theol. Ex his autem colligi poteſt quanta  
 vbi hæc ſi mortalium infania<sup>m</sup>. Amare Deũ  
 quæſt. diſfuſe dum ſumus in corpore, plus poſſu-  
 diſfuſe mus,  
 tractat. in corpore, plus poſſu-  
 com- mus,  
 ment. mus,  
 6. exer- citat.

mus, quàm vel eloqui, vel cognoscere. Amando plus proficimus, minus laboramus, illi magis obsequimur. Malumus tamen semper quærèdo per cognitionem nunquam inuenire quod quærimus, quàm amando possidere. Bona quidem est scientia, sed multò melior dilectio: utilis cognitio, sed vtilior amor. Scientia sine charitate inflat, & nihil prodest; amor verò sine scientia sufficit ad salutem. Potest homo scientiam habere sine amore; at verò qui amat, quamuis scientiis careat humanitus acquisitis, plura tamen discet, quàm doceat humana sapientia, quia illum intus magistrum habet, qui docet hominem scientiam. Optimè Rogerius vir extaticus ex ordine Minorum, apud Aluarum Pelagium: [Quid, inquit, putas erit, si in intimo tuo intimus sit Deus? A quantis tenebris ad quantas duceris claritates per spiritum eius? Si illas, quæ in intimis illis siue internis secretis sunt, nosse intimas contemplationes, si illas lucidas illuminationes, si illos feruidos splendores, si illos

25. vñ.  
que ad  
30. Vi-  
de e. iā  
Alua-  
rez to.  
3. de  
Orat.  
lib. 4.  
c. 8.  
mpicus  
Mirād.  
lib. de  
Ente &  
Vno  
c. 5.

Deplā-  
ctū Ec-  
clesiæ  
lib. 2.  
c. pe-  
nult.


simplices radios, si illos puros fulgores, si illos viuificos ardores, si illos pacificos sapores, si illos delitiosos, imo delitiosissimos dulcores, si res incognitas & innominabiles, res tamen experimentales perfecte possideres. Ah homo, si hæc experimento nosset, puta quia, vt ego, tenebras ferres grauiter vitæ tuæ. Quando autem erit? Putasne videbo? Quando, quando, quando? Omnia in mora: nimium stenda hæc dilatio. Ah, ah, ah? Quid tibi sum ego, aut quid tu mihi, Deus meus? sed quid non mihi es? Hæc verba silentij sunt, nec extra silentium & Deum inueniri possunt, quia alibi non sunt. Vis hæc sentire? Attende quoniam nullus sic intrat, nisi prius excesserit; nec deficit, nisi prius introierit; nec transit, nisi prius defecerit; nec apprehendit, nisi prius transierit; nec transformatur, nisi prius apprehenderit; nec intuetur, nisi transformatio præcesserit; nec sic in illum amorem mouetur, nisi qui intus & valde intus fuerit: nec in beato illo silentio quietatur, nisi qui il-


lum beatum amorem nouerit.] Hæc  
 Rogerius. Beatus vir, qui sic sentit,  
 sic amat, sic afficitur. Verè dici po-  
 test de diuina dilectione, quod olim  
 de Sapientia; [ Venerunt mihi om-  
 nia bona pariter cum illa, ] quia  
 amor omnium bonorum fons est &  
 origo. Quis igitur me separabit ab  
 amore? Tribulatio, angustia, fames,  
 nuditas, periculum, gladius, per-  
 secutio? Dicam audacter cum Apo-  
 stolo me certum esse, certam scilicet  
 in Domino spem habere, quòd nulla  
 creatura poterit me separare a chari-  
 tate Dei, quæ est in Christo Iesu Do-  
 mino nostro, cui cum Patre & Spiri-  
 tu Sancto honor est, & gloria in cœ-  
 lo & in terra, nunc & semper, & in  
 secula seculorum. Amen.


Rom.  
8.

*F I N I S.*










*Log. 32. Kap. 30*

Biblioteka Jagiellońska



stdr0023471



Ar.

Occet. Lat:

79° 50.